


ՏԱՍԼ ՏԱՐԻ ՇՂԹԱՅՈՒՄ

Հ ե ղ ի ն ա կ'

ԱՐՏԱՇԵՍ ԽՄԲԱՅԵԼԵԱՆ



1 9 3 8

«Ազատ» Տպարան
Սամ Թրամսիսիկո

19 NOV 2011

891.99
h-83

S U U L E S U R T ՇՂԹԱՅՈՒԱԾ

Հ ե ղ ի ն ա կ՝

ԱՐՏԱՇԵՍ ԽՄՐԱՅԻԼԵԱՆ

...ՀՀ...

1938

«Ազատ» Տպարան
Սան Ֆրանսիսկո

29 APR 2013

33705

Ամէն իրաւունք վերտպահուած է հեղինակին



10213-21.

Զ Օ Ն

Անոր . . . որ պատանեկան Սէրիս
Անբշային Դիցուհին դարձաւ ,

ու

Տասը երկար ու ճիգ տարիներ ,
Սէրիս Բագիթին մէջ՝
Սիրտիս շղթայուած՝

Իր կուսական համբ Սէրը աստուածացուց . . .

ԱՌԱՋԻՆ ՍԷՐ - ԽԱՆՁՈՂ ԿՐԱԿ

“Amour, amour, quand tu nous tiens,
on peut dire, adieu, Prudence.”

LA FONTAINE

—Որո՞ւ համար կը բացուիք, վարդեր, որո՞ւ համար
է ձեր գինովցնող բոյրը . . . Գոնէ վարդ մը, կարմիր վարդ
մը կարենայի ճամբել անոր . . . վարդ մը՝ որու թերթիկնե-
րուն մէջ հոգիս ծրարած՝ կարենայի դնել անոր ձիւնաթոյր,
քնքոյշ ձեռքին մէջ . . . ԱՇ, հոգիս լեզու պիտի առնէր, զի-
տեմ, ու պիտի պատմէր, սիրտիս կարօտը պիտի պատմէր ա-
նոր՝ որ ահաւոր լոռութեան մը մէջ, թերեւս նա ալ ինձ պէս իր
առաջին երազը կը հիւսէ, իր առաջին երազը կ'ապրի . . . Վար-
դե՞ր, վարդե՞ր, քնքոյշ, սիրաբոյր վարդե՞ր, ձեր թարմու-
թիւնը հոգիս կը կրծէ ու ձեր բոյրը՝ ալիք ալիք սիրտէս ներս
խուժելով՝ կարօտ կը քրքրէ, իմ մենաւոր, իմ արցունքոտ
կարօտը . . .

Ամէն առաւօտ, սոխակներու զայլայլին հետ՝ Եր-
ուանդ իրենց փաքրիկ պարտէզի վարդենիին քով կանգնած,
կարծես սոխակ մըն ալ ինք ըլլար, իր նորաբողոքոջ, իր առա-
ջին սէրը կ'երդէր։ Ամէն առաւօտ, շատ կանուխ, երբ դեռ
ուրիշներ կը խորդային խոր քունի մէջ, այն օրէն ի վեր երբ
դպրոցէն վերադարձին՝ պատահարար, առաջին անդամ Աշ-
խէնին էր հանդիպած, Երուանդ վարդենիին քով՝ իր նոր սիր-
տը, իր առաջին սիրտը կ'երդէր։

Տասնըվեց Գարուններու ընթացքին՝ նա ապրած էր
մանկական անմեղ կեանք մը, անծանօթ յոյզի ու հոգեկան

դալարումներու, անծանօթ՝ սիրտի մաշիչ բարախումներու: Բայց այդ Մայիսը, իր տասնըվեցերորդ Գարունի այդ Մայիս՝ նոր բոյր էր բերած իրեն, նոր յոյզ էր տուած իր հոգին, նոր կրակ էր ձգած իր սիրտին մէջ . . .

Ու Երուանդ՝ ամէն առաւօտ, ամէն իրիկուն, վարդենին քով, ու կարճ ու արթուն գիշերները՝ չորս պատերու մէջ՝ իր առաջին սէրը, իր դիւթական, իր առաջին երազը կը հիւսէր . . .

Կ'անցնէին օրեր ու շաբաթներ՝ իրենց հետ տանելով այդ սիրտանջ պատանիի հոգեկան նոր ոգորումները, սիրտի արտասովոր բարախումներն ու հեւանքը՝ որոնք այլեւս գողտրիկ յուշերու փոխուած՝ անոր պայծառ երեւակայութիւնը կ'օրոքին: Երեւակայել ու դեգերիլ իրեն անծանօթ այդ նոր աշխարհին մէջ, իր հութիւնը ենթարկել այն նոր ոյժի արթնցնող զգացական ցնցումներուն, նոր յոյզերու, նոր տեսիլներու բանալ իր սիրտն ու հոգին, հեռաւոր ու լոին դաշտերու մէջ՝ վերջալոյներու կախարդական վազքը դիտելէ յետոյ՝ լուսնակի հետ միայնակ իր հոգիին կարօտը ապրիլ, Երուանդի համար նոր ու գինովցնող երեւոյթներ էին: Նա կը տեսնէր որ ամէն ինչ փոխուած կ'երեւար իր աչքերուն. բնութեան գեղեցկութիւնները հրապոյրի նոր զգացումներ կ'արթնցնէին իր սիրտին մէջ: Կեանքը կարծես նոր նշանակութիւն մը կը զգենուր իրեն համար: Իր ամէն մէկ շարժում, ուրիշներու հետ ունեցած իր յարաբերութիւնները, ամէն ինչ որ կը տեսնէր իր շուրջը, ամէն ինչ որ կը զգար իր հոգիին խորը՝ բոլորովին նոր նշանակութեան մը հետ կը կապէր. կարծես թէ նոր ծնած ըլլար: Իր ապրած տասնըվեց տարիներու պատկերը՝ այնքա՞ն կ'աղօտնար իր յիշողութեան մէջ ու այդ նոր ոյժը երթալով այնքա՞ն կը ցնցէր իր համակ էութիւնը՝ որ երրեմն խարկանքը կ'ունենար մտածելու թէ ինք նոյն Երուանդը չէր, բոլորովին տարբեր անձ մը: Նա կը զգար այդ իր հոգիին խորը, նա կը տեսնէր այդ իր մարմրուն աչքերուն մէջ, իր դէմ-

քին վրայ, իր մարմինին վրայ: Նա հայելիին մէջ այլեւս չէր տեսներ գիրուկ ու կլորիկ դէմք մը, փայլուն կրակը իր խածաքերուն մէջ: Իր այտերը նիհարցեր էին, կարմրութիւնը քնքոյշ դալկութեան մըն էր փոխուած, եւ աչքերուն կրակը մարեր էր, չի կար այլեւս: Իր սիրտն էր ինկած այդ կրակը՝ որ կամաց կամաց աւելի կ'արծարծէր, աւելի կը մեծնար, ու այդ կայտառ պատանին՝ քանի մը շաբաթներու ընթացքին՝ անծանօթ կմախք մըն էր դարձած . . .

—Երուանդ, Երուանդ, ի՞նչ է պատահեր քեղ, ինչո՞ւ այդքան նիհարցեր ես . . . երկու վայրկեան հազիւ ճաշի կը նստիս, «Ալսորժոկ չունիմ», կ'ըսես, ու սենեակդ կ'առանձնանաս: Գրեթէ ամէն գիշեր կ'արթնամ վերջերս, վեր կ'ելլեմ, աչքերս մեքենաբար սենեակդ դռան կը դառնան եւ բանալիի ճեղքէն կը տեսնեմ որ ճրագդ կը վառի տակաւին, ու գուն կը գրես, կը գրես շարունակ . . . Երեկ գիշեր երբ արթընցայ . . . զաւա՛կս, Երուանդ . . .

Տիկին Սրբուհին չի կրցաւ շարունակել իր խօսքը, յուղուած էր. արցունքի կաթիլներ սկսան վար գլորիլ իր այտերէն:

—Հանդարտի՛ր, մայրիկ, ինչո՞ւ այդքան յուղուեցար. իմ նիհարութիւնը ինչո՞ւ այդքան զարմանք կը պատճառէ քեզի. գիտես որ զպրոցի վերջին երկու տարիները բաղդատաբար աւելի ծանր պէտք է աշխատիլ: Ես վերջերս մասնաւորապէս ստիպուած եմ գիշերները աւելի երկար աշխատելու. որպէսզի կարենամ իմ փայլուն դիրքը պահել կարդիս մէջ. ուրիշ աշակերտներ մըցումի մտած են ինձ հետ: Ուսուցիչներէն մէկը՝ որ նոր է վերադարձեր ամերիկեան կօլէնէ մը՝ չափաղանց խստապահանջ է եւ կը պարտադրէ մեզ որ դասազրքի մէջ երեւցած ամէն մէկ կէտ լաւ ըմբռնենք եւ բացատրենք մեր սորվածը՝ զասարանի մէջ: Բնական է որ ես ստիպուիմ գիշերները սովորականէն քիչ մը աւելի երկար նստիլ եւ դասե-

ըովու պարապիլ: Անչուշտ, եռ ալ կը տեսնեմ որ անքնութիւնը
աղղած է մարմինիս վրայ . . . եւ ուտելու ախորժակս ալ փա-
կած է քիչ մը . . . Սակայն ի՞նչ կ'ուզէիր ըսել երէկ գիշեր-
ուան մասին, մայրիկ. կ'ենթադրեմ թէ շատ անհանդիստ էիր
երէկ գիշեր, այնպէս չէ՞ . . .

Տիկին Սբուհին լուս էր. իր յուզուած սիրտը շատ
դիւրութեամբ կարելի էր կարդալ իր դէմքին վրայ, իր ար-
ցունքու աչքերուն մէջ: Զէր կրնար խօսիլ, չէր ուզեր խօսիլ,
ոխալ բառ մը կրնար վիրաւորել իր Երուանդին զգացումները,
կրնար աւելի մեծ վիշտ մը պատճառել անոր . . . Կամաց մը
դուրս ելաւ սենեակէն, պարտէզը զնաց, հոն՝ ուր իր սիրտ-
ուն զաւակը կը վաղէր ամէն առաւօտ, սոխակներու դայլայ-
լին հետ . . .

Անորոշ մտածումներու վարագոյր մը եւս կը բացուէր
Երուանդի միտքին մէջ. իր պայծառ ու յատակ միտքը՝ կաս-
կածանքներու սեւ մշուշով մը կը սկսէր լեցուիլ, եւ ինքն ալ ա-
ռաջին անդամ ըլլալով՝ պատանիի իր տրամաբանութեան ձա-
խողումը կը տեսնէր: Զէր կրնար հաւատալ թէ յաջողած էր
համոզել մայրիկը՝ իր նիհարութեան մասին յառաջ բերած
պատճառաբանութիւններով: Այդ պատճառները շատ տկար
էին եւ Երուանդ կը զգար որ իր մայրը՝ երէկ գիշերուան մա-
սին իր ըրած ակնարկութեան վրայ հիմնուելով՝ գիտէր իր
սիրտին ցաւը, գիտէր իր մաշումին պատճառը: Հապա ի՞նչ
նշանակութիւն կրնար ունենալ մայրիկին այն մէկ երկու խօս-
քը, «Երէկ գիշեր երր արթնցայ . . . զաւակս, Երուանդ . . .»
Նէ ինչո՞ւ չուզեց ըսել ամէն ինչ. իր արցունքները այտերէն
զար թափեցան, եւ իր հոգիին խոռվքը պարտկելու համար՝
իջաւ պարտէզը:

Երուանդ վստահ էր այլեւս որ մայրիկը գիտէր իր
դալարումին պատճառը, որ նէ երէկ գիշեր լսած էր իր սիր-
տին մաշումը, իր հոգիին անսովոր հեւանքը, իր հեկեկումը . . .

Այդ գիշերը . . . Երջանկութեան, հոգիի քնքոյց

Երջանկութեան գիշեր մըն էր եղած Երուանդի համար. իր սիր-
ու սովորականէն աւելի արագ կը բարախէր. կը զգար որ իւ-
րաքանչիւր զարկը՝ նոր դող մը, նոր սարսուռ մը կը տարա-
ծէր իր ամբողջ մարմինին մէջ: Կը զգար որ իւրաքանչիւր
զարկը՝ բան մը կը փրցնէր իր սիրտին . . . Կը հեւար, կը դո-
ղար, կը գալարէր ինքն իր մէջ. կը զգար՝ շատ որոշ կերպով,
իր հոգիին մաշումը . . . Բայց այդ տառապանքին մէջ, հո-
գեկան այդ գալարումներուն գիրկը՝ Երուանդ երջանիկ էր . . .
Երդ երջանկութիւնը ցնցած էր իր համակ էութիւնը, իր սիրտն
ու հոգին, եւ Աշխէնին հանդէպ ունեցած իր կարօտը—իր սէ-
րը՝ դուլալ աղբւրի մը պէս՝ իր այրող այտերը, իր այրող
սիրտը կը զովացնէր . . .

Ինչո՞ւ Երուանդ երջանիկ էր այդ գիշեր . . .
Երկու երկար ու մաշիչ տարիներու հոգեկան գալարումներէ,
անվերջ սպասումներէ յետոյ՝ Երուանդի հոգիին մէջ յոյսի շող
մը պլալալ սկսաւ այն օրը: Երբ գպրոցէն վերջ՝ տուն վերա-
դարձած՝ սովորականին պէս պատճանին առջեւ կանգնելով՝
անոր անցնելուն կը սպասէր, Երուանդ մէկէն իր շունչը բըռ-
նեց. ամբողջ մարմինը կը դողար երբ անոր թեթեւ ոտքերուն
ձայնը ականջին հասաւ . . . Աշխէնն էր որ կուզար . . .
Նէ գլուխը վեր բարձրացուց, աչքերը շեշտակի Երուանդի աչ-
քիւրուն հանդիպեցան, քնքոյց ժպիտ մը դուրս թուաւ ներա բո-
ցալառ աչքերէն, նէ անցաւ գնաց, ու իր ժպիտը՝ յոյսի փայ-
լուն ձառագայթի մը պէս՝ Երուանդի հոգիին մէջ ինկաւ . . .
Ներա առաջն ժպիտն էր այն՝ որ Երուանդի մաշող սիրտին
մէջ՝ յոյսի փողփողուն աստղ մը դարձաւ:

Երկու երկար տարիներ, նա ամէն առաւօտ, ամէն ի-
րիկուն, Աշխէնի անցնելուն ու դարձին կը սպասէր, ու ամէն
զիշեր, իր սէրին հետ միայնակ, իր սիրտին մէջ արծարծուող
կրակին հետ առանձին՝ նա հալ ու մաշ կ'ըլլար, կը տուայտէր
ու կը հիւծէր . . . Այն ժպիտը նոր յոյս մըն էր բերած իրեն,
և Երուանդ երջանիկ կը զգար . . .

Ամբողջ զիշերը արթուն էր, չէր կրցած քնանալ, չէր սւզած քնանալ. իր հոգիին հետ միայնակ՝ այդ գողարիկ ժըպիտը կը դիտէր, Աշխէնի առաջին ժպիտը . . . եւ առանց զգալու կարծես, մէքենարար, գրած էր ժամերով, թուղթի վրայ առած էր իր հոգիին պատկերը՝ Աշխէնին ճամբելու համար: Այդ ժպիտէն յետոյ, երկու տարիներ այն անժանօթ կրակի լափող բոցերուն մէջ միսալէ յետոյ՝ Երուանդ վճռած էր իր սէրը յայտնել Աշխէնին:

Նամակը պատրաստ էր արդէն եւ դայն Աշխէնին հասցընելու ծրագիրը Երուանդի մխոքին մէջ կը դառնար ամէն վայրկեան: Որոշած էր յաջորդ օրը քիչ մը կանուխ Երթալ դպրոց՝ այդ ծրագիրը դլուխ հանելու համար:

Առաւոտեան նախաճաշը դեռ չըրած՝ Երուանդ իր դասագիրքերը հաւաքեց, եւ ահա հինդ վայրկեան վերջ՝ դըպրոցի բլուրին վրայ, տենդոտ նայուած քներով՝ իր ընկերներէն մէկի պղտիկ քրոջ կը սպասէր: Աշակերտներն ու աշակերտուհիները խումբ դպրոցի մէծ դուռէն անցնելով՝ դէպի իրենց խաղալու բակեր կը յառաջանային, հոն քանի մը վայրկեան զքօննելէ վերջ՝ զանդակը հնչելուն պէս՝ իրենց դասարանները Երթալու: Հինդ վայրկեան կար առաջին զանդակին՝ Երբ Երուանդ յանկարծ նշմարեց Վարդուհին՝ որ քանի մը աղջիկներու ետեւէն, դէպի մէծ դուռը կը յառաջանար: Վարանումի անորոշ կարդ մը մտածումներ սկսան պաշարել Երուանդի միտքը . . . Վախի մը չփոթեցնող դողը մէկէն իր սիրտին մէջ ինկաւ, սկսաւ կարմրիլ. ի՞նչ ընկելիքը չէր դիտեր. անկանոն ու աւելորդ շարժումներով՝ արդէն ընկերներէն մէկ Երկութի ուշադրութիւնը գրաւեր էր իր վրայ . . . Բայց ձայն մը՝ որ աւելի ուժգնորէն կը հնչէր իր սիրտին մէջ՝ թոյլ չէր տար որ նա ընկճուէր այդ չփոթութիւններէն, եւ Երուանդ յառաջանալով դէպի Վարդուհին, ցած ձայնով մը փսիսաց, — Վարդուհի, այս նամակը Աշխէնին տուր՝ դասարան Երթալէ առաջ. չի մոռնաս, Աշխէնին . . .

Պղտիկ աղջիկը անսովոր երեւոյթի մը առջեւ կը գըտնէր ինքոյինքը. մէկ երկու անորոշ խօսքեր մը թմրթաց, նամակը գրապահնը գրաւ, չարաձնի ժպիտ մը նետեց Երուանդի վրայ եւ վաղեց դէպի գպրոցի բակը:

Երուանդ մէկ շունչեւ դասարան վագեց, իր գըրասեղանը գրաւեց եւ թաշկինակով սկսաւ ճակտին քրտինքը սրբէլ: Մեծ բեռ մը կարծես վար էր նետած իր ուսերէն. Երկար շունչ մը քաշեց. սիրտը սովորականէն շատ աւելի թեթեւ կ'երեւնար: Առաջին զանդը հնչած էր արդէն, երկրորդը յանրգեց շուտով, եւ դասերը սկսած էին:

Երուանդի մխոքը սակայն, այդ օրը մասնաւորապէս՝ իր դասերէն աւելի՝ ուրիշ բանի մը շուրջ կը դառնար: Նա կ'երեւակայէր որ Աշխէն արդէն ստացեր էր իր նամակը, կարգացած էր անշուշտ, եւ շուտով կը պատասխանէր:

Օրեր ու շարաթներ կ'անցնէին, Աշխէն լուր մը չեկար. ամիսներ՝ սպասումի երկար ամիսներ կ'անցնէին, տարին կ'անցնէր, ու Աշխէն տակաւին լուռ էր . . .

Վարդուհին յանձնած էր նամակը Աշխէնին այն առաւոտ: Աշխէն անսովոր երեւոյթի մը առջեւ կը գտնէր ինքոյինքը. մէկ կողմէն հետաքրքրութեան զգացում մը, միւս կողմէն անորոշ վախի մը մտածումը՝ չփոթ զըրութեան մը մատնած էին դինք: Զէր ուղեր նամակը բանալ ընկերուհիներու ներկայութեան՝ որովհէետեւ անոնցմէ քանիները այդ օրերուն նոյն կարգի նամակներ առած էին եւ միամտօրէն միւսներու առջեւ կարգալով՝ անոնց կծու ու հեղնական ակնարկութիւններուն արժանացեր էին: Նէ չէր ուղեր ոչ ոքի ուշադրութիւն իր վրայ հրաւիրել, բայց հետաքրքրութեան զգացումը այնքան զօրաւոր էր իր մէջ՝ որ այդ վիճակով գասերուն հետեւիլը անկարելի կը դարձնէր: Պայքարը Երթալով աւելի կը սաստկանար իր մէջ. նամակը պէտք էր կարդալ՝ ի՞նչ գինով ալ որ լինէր: Յանկարծ միաք մը փայլատակեց իր ուղեղին մէջ եւ վայրկենապէս սկսաւ իրականութեան փոխել զայն:

Գլուխը ձեռքերուն մէջ առած՝ սկսաւ հետալ մէկ երկու վայր-
կեան. արդէն քանիներու ուշաղրութիւնը դրաւեր էր. մէկ եր-
կուքը հասկցած էին արդէն որ Աշխէն գլուխի սոսկալի ցաւէ
մը կը տառապէր : Ուսուցչուհին նկատեց որ իրարանցում մը
ծայր կուտար դասարանի մէջ. տեսաւ որ Աշխէն գլուխը ձեռ-
քերուն մէջ առած կը հետար ու միւսներ իրեն կը նայէին : Ա-
շխէնին մօտեցաւ, եւ երբ դասընկերներէն մէկը՝ որ Աշխէնին
մօտ էր, յայտնեց որ նէ գլուխի ցաւ ունէր, ուսուցչուհին Աշ-
խէնի մաղերը շոյելով լսաւ,

— Աշխէն, կրնաս տուն երթալ : Դեղարան հանդիպէր,
գլուխի ցաւի համար բան մը ուղէ՝ տուն երթալէ առաջ :

Աշխէն այդ առիթին կը սպասէր . գիրքերը հաւաքեց
եւ գլխիկո՞՝ դուրս ելաւ դասարանէն : Գլուխի ցաւը անցած
էր արդէն . չէր կրնար սպասել տուն հասնելուն՝ որպէս զի նա-
մակը կարդար : Դպրոցի բակին մէկ անկիւնը առանձնացաւ
ու սկսաւ նամակը բանալ դողդողալով եւ կարդալ : Իր հե-
տաքրքրութիւնը գոհացում դատած էր այլեւս . նամակի պա-
րունակութիւնը հասկցած էր արդէն . չէր կրնար տրամարանել
այլեւս թէ ի՞նչ բանի համար տուն պիտի երթար : Բայց վախ
մը դարձեալ շրջապատեց զինք . թերեւս փորձուէր կրկին կար-
դալ նամակը, կամ թէ նամակը իյնար դրապանէն ու մէկը գըտ-
նէր . . . գաղտնիքը երեւան պիտի ելլէր այն ատեն . . .
Որոշեց երթալ տուն վերջապէս :

Շնչառապատ հաղիւ տուն հասած էր, մայրիկին քով
գնաց եւ նամակը անոր յանձնեց : Մայրիկը կարդաց նամակը,
ըմբոնեց նամակի ոգին, եւ աղջիկը այդ անսովոր դրութենէն
աղատելու համար՝ յայտնեց որ իր աղջկնութեան ատեն ինք
ամէն շաբաթ մէկ երկու նամակ կը ստանար, կը կարդար, կը
ճեղքէր, մէկ կողմ կը նետէր :

Մայրիկը կը խորհէր որ կրցած էր իր աղջկան շըխո-
թութիւնը փարատել եւ անոր հոգեկան անդորր վիճակը վե-

րահաստատել : Քանի մը թեթև արկածներ պատճելէ յետոյ՝
նէ թելադրեց Աշխէնին որ սենեակը երթար եւ իր գասերով
պարապէր :

Բայց Աշխէնի հոգեկան անդորրութիւնը վրդովիլ կը
ոկսէր կամաց կամաց, զրեթէ անդգալարար : Նէ կարդացէր
էր նամակը միայն մէկ անդամ, սակայն անոր տպաւորութիւ-
նը այնքան խոր աղջած էր իր միաբին վրայ՝ որ կրնար վեր-
յիշել ամբողջ նամակը դրեթէ բառ առ բառ . . . իւրաքան-
չիւր վերյիշումի հետ՝ փոփոխութեան անորոց նշաններ կը
զդար իր սիրտին մէջ . անորոց ու անսովոր դողով մը կը հա-
մակուէր՝ երբ ամէն անդամ կը փորձէր վերյիշել մասնաւորա-
րար այն յուղիչ տողերը՝ ուր երուանդ իր սիրտի կարօտն էր
ծրարած, երկու տարիներու իր հոգեկան դալարումը, իր վառ
ու այլող սէրը : Նէ կը վերյիշէր, կը սիրէր վերյիշել մասնա-
ւորապէս այն տողերը՝ ուր երուանդ յուղիչ բառերով, հոգե-
ցունց խօսքերով՝ նէրա ժպիտն էր նկարագրած : Իր ամբողջ
հողին, իր բոցավառ սիրտը՝ այդ ժպիտէն, միայն այդ ժպի-
տէն թելադրուած՝ Աշխէնին ձամբէր էր : Նէ չէր կրնար ըմ-
բոնել որ պզտիկ ժպիտ մը կրնար երուանդի հոգին ցնցել .
նէ չէր կրնար մեկնել իր ժպիտին ոյժը՝ որ երուանդի սիրտին
մէջ յոյսի շող մըն էր դարձած : Բայց գորովագին զգացում
մը, անորոց տենչ մը, սարսուռ մը՝ կարծես կամաց կամաց,
օրէ օր աւելի բուռն կերպով՝ իր սիրտին մէջ բոյն կը գնէին,
իր հոգիին կը տիրէին : Այն կրակը՝ որ երկու տարիներէ ի
վեր երուանդի սիրտը կը տոչորէր՝ նամակով մը Աշխէնին էր
ճամբոււած : Նէ զգաց անոր տաքութիւնը առաջին անդամ,
բայց ամիսներու ընթացքին, անդգալարար՝ բան մը, շունչ մը
կը սկսէր թրթուալ իր սիրտին մէջ . սիրտի բաբախումներ, հո-
գեկան կարօտներ կը զգար : Շատ կը սիրէր կարդալ երուան-
դի նամակը կրկին, բայց անխոհեմաբար՝ մայրիկին էր յանձ-
նած զայն : Միակ սփոփանքը այն էր որ կրնար վերյիշել նա-
մակի ամբողջ պարունակութիւնը : Շատ կը սիրէր վերյիշել

այդ նամակը, առանց խորհելու որ Երուանդ իր սիրտին կրակը
անոր մէջն էր ծրարած, որ այդ կրակը կրնար բռնկիլ օր մը
ու իր մանուկ սիրտը, Երուանդի սիրտին պէս, տարիներով
վառէր, տարիներով միսար այդ խանձող կրակէն: Նէ մէծ
հաճոյք կը զգար այդ կրակին հետ իրաղալէ . . . Աւ կրակը
բռնկեցաւ. կրակը բռնկեցաւ Աշխէնի սիրտին մէջ, ու նէրա
քնքոյչ՝ մանուկ հոգին՝ այդ կրակի բոցերուն մէջ կը դալա-
րէր, կ'այրէր:

Աշխէնի համար կեանքը կը սկսէր նոր նշանակութիւն
մը ստանալ: Իր ապրած տասնբնինդ գարունները կարծես ի-
մաստ մը չէին պարունակեր իրենց մէջ: Առաջին անգամն էր
որ իր հոգին անծանօթ սարսուներու աղղեցութեան ներքեւ՝
դիշերները անքուն կ'անցունէր: Դիւթական ու զինովցնոց
շունչ մը՝ որ գիշերական լուռթեան գիրկը աւելի տիրական կը
դառնար՝ կը սկսէր տարածուիլ իր ամբողջ չութեան մէջ:
Նոր կեանքի մը գեղափայլ ու հրապուրիչ երեւոյթներ կը
սկսէին բացուիլ իր նորաթափառ ու երազուն հոգիին մէջ, եւ
իր մանուկ սիրտը՝ կամաց կամար, երազներու դողտրիկ աշ-
եարհ մը կը դառնար . . .

Ի՞նչ էր պատահած Աշխէնին. ինչո՞ւ նէրա քնքոյչ
հոգին անծանօթ դողով մը լեցուիլ կը սկսէր ամէն դիշեր ու
մաշիչ շունչ մը իր սիրտին կը ծանրանար: Այն ի՞նչ ոյժ էր,
այն ի՞նչ կարօտ էր որ կը գալարէր իր սիրտը, ու քանի մը
չարաթներու ընթացքին՝ անծանօթ էակ մըն էր դարձուցած
դինք:

Ամէն ինչ անծանօթ էր Աշխէնի համար. իր մանուկ տր-
րամաբանութիւնը՝ պայծառացնելէ աւելի՝ անորոշ եւ հանե-
լուկային դրութեան մը մատնած էր իր միտքը: Ամէն անգամ
որ տրամաբանէլ կը սկսէր ինքնիրեն, կ'ուղէր վերլուծումի են-
թարկել իր կեանքի մէջ երեւցող նոր փոփոխութիւնները՝ միշտ
ալ կը ձախողէր, միշտ ալ յուսախար կ'ըլլար: Բայց այդ բո-

լոր երեւոյթներու պատճառած ծանր դժուարութիւններու եւ
անորոշ մտածումներու հետ մէկտեղ՝ Աշխէն կը զգար, շատ
որոշ կերպով, որ իր սիրտին իշխողը Երուանդի սէրն էր, Եր-
ուանդի հրաշունչ կարօտը: Իր երազին մէջ, ամէն տեղ, ա-
մէն տաեն՝ հրաշունչ Երուանդն էր որ իր դէմ կ'ելլէր: Անոր
սէրը կապած, կաշկանդած էր Աշխէնի սիրտը:

Սակայն սիրտի այդ կաշկանդումին հետ՝ կաշկան-
դուած էր նաև Աշխէնի հոգին, կապուած էր Աշխէնի լեզուն՝
այնպիսի ներքին ու թաքուն ոյժերով՝ որ Սէրէն շատ աւելի
առաջ ծնած ու արմատացած էին անոր նորաբողոք կեանքին
մէջ: Ընտանեկան միջավայրը՝ տարնընդինդ տարիներու ըն-
թացքին՝ Աշխէնի հոգիին վրայ դրօշմած էր այնպիսի կնիք
մը՝ որու աղղեցութիւնը շատ դիւրորէն կարելի էր տեսնել իր
ամէն մէկ պատիկ շարժումին մէջ, իր կուսական նայուածքնե-
րու իւրաքանչիւր թարթումին: Ամօթիսածութեան զգացումը՝
որ իր հետն էր ծնած, որ 15 տարիներէ ի վեր ըրջած էր
իր արիւնին մէջ՝ ամէնէն աւելի տիրական էր դարձած իր մէջ
ազյաքարող ոյժերուն վրայ, իր հոգիին վրայ: Այդ միջավայ-
րին մէջ՝ նէ իւրացուցած էր այնպիսի աւանդական սովորու-
թիւններ՝ որոնք կապած ու կաշկանդած էին արտայայտու-
թեան ամէն մէկ միջոց եւ Աշխէնը համը, իր միացող սէրին
պէս, երկչոս էակ մը դարձուցած էին: Ամօթիսածութեան
զգացումը՝ որ տրամբիութիւն մը կը նկատուէր այդ ատեննե-
րը, ծնողական վախու՝ որ այդ միջավայրի յառաջ բերած գաս-
տիրակութենէն կը բղիէր, եւ ուրիշ թաքուն ու անխօս ոյ-
ժեր՝ որ աւանդական սովորութիւններու անմիջական աղղե-
ցութիւնէն աճած էին՝ Աշխէնի ոյցութեան տարրերը կը կաղ-
մէին: Նէրա էութիւնը կծկուած էր այդ տարրերու տիրող
ոյժին մէջ. նէրա լեզուն կապուած էր, հոգին շղթայուած էր
այդ տարրերով, եւ Աշխէն՝ վանդակուած թուչունի մը պէս՝
կը միար առանձին իր սէրին հետ, այդ խանձող կրակին
հետ . . .

Աշխէնի աշխարհը տարբեր էր ու Երուանդի աշխարհ՝
տարբեր։ Հինական պարիսպ մը կարծես կը զատէր այդ երկու
աշխարհները իրարմէ։ Իրենց ծնողական և դպրոցական կը թութիւնը, ցեղային աւանդական ու ժամանդական ներքին ոյ-
ժերը կառուցած էին այդ անթափանցելի պարիսպը՝ որ օրէ օր
աւելի կը բրգանար, աւելի կը տանջէր այդ սիրող երկու սիր-
աերը։ Արտաքին աշխարհը անտարբեր էր ու անկարծելից, ա-
նոնց մաշուող հոգիներուն հանդէպ։ Այդ միջավայրի հաս-
տատած ընկերային փոխ յարաբերութիւններու անմիջական
դոհեր էին անոնք՝ որ դատապարտուած էին անսալու իրենց
ժառանդական ու ստացական բնագլներուն, իրենց համակ է-
ռութիւնը կազմող այն տարերային ոյժերուն՝ որոնք սէրը ան-
սովոր զգացում մը կը նկատէին, արտաքին աշխարհէն, իր
շուրջը գտնուողներէն, իր ծնողքին պահուելիք զգացում մը,
սիրտին մէջ ծող, ու սիրտին մէջ մեռնող ոյժ մը։ Ամբողջ մէկ
տարուան սպասումը՝ իր սէրը Աշխէնին յայտնելէ յետոյ՝
կուգար միայն մէկ բան հաստատելու Երուանդի միտքին մէջ՝
թէ իր Սէրը դատապարտուած էր մեռնելու իր սիրտին մէջ,
առանց գիտնալու Աշխէնի սիրտին դադանիքը։

Այն օրէն ի վեր՝ երբ Երուանդ իր հոգիին կարօտը
յայտնած էր Աշխէնին նամակով մը՝ մօտաւորապէս տարի մը
կ'անցնէր։ Երկու սիրտերուն համար ալ հոգեկան գալարում-
ներու տարի մը կ'անցնէր։ Աշխէն իր սէրէն կ'այրէր եւ Եր-
ուանդ կը մաշէր ու կը հիւծէր իր սպասումներուն, իր խանձող
կարոտին մէջ։

Կեանքը սակայն, որքան ալ գտանդաղ, նոր Երեւոյթ-
ներ ունէր Երուանդի համար; Դպրոցական տարիները կ'անց-
նէին իրարու ետեւէ եւ Երուանդ կը լրացնէր իր Երկրորդական
կրթութիւնը ամերիկեան վարժարանի մը մէջ։ Այդ կրթու-
թիւնը՝ թէեւ խեղճուկ շատ մը տեսակէտներէ՝ կրցած էր կայծ
մը նետել գիտութեան ու գրականութեան Երուանդի ծարաւի
միտքին մէջ՝ զինք մզելու բարձրագոյն կրթութեան։ Աշխէն

բութիւնը՝ որ օրէ օր աւելի կը տանջէր իր հոգին՝ կարծես
մզիչ ոյժ մը կը դառնար կամաց կամաց, բարձրագոյն կրթու-
թիւն ստանալու իր բաղձանքին մէջ։ Այն հոգեկան գալարում-
ներէն ազատելու համար՝ Երուանդի միտքին մէջ միայն մէկ
ծրագիր կը դառնար — հեռանալ այն քաղաքէն՝ ուր Աշխէն
կ'ապրէր, եւ Երուպա անցնելով՝ բարձրագոյն կրթութիւն
ձեռք բերել։ Երուանդի այս ծրագիրը իրականութեան փոխ-
ուելու նշաններ կը ցուցնէր՝ թէեւ քիչ մը տարբեր եղանակով։

102/3-21
Երուանդի ընկերներէն՝ Գուրզէն Վարդանեան՝ գրեթէ
վեց ամիս առաջ Ամերիկա մէկնած էր՝ իր քոյջ քով երթալու։
Մտերմական նամակ մը կուգար աւետելու Գուրզէնի Ամերիկա
հասնիլն ու իր քոյրը գտնելը։ Այդ միեւնոյն նամակը՝ Եր-
ուանդի սիրտին շատ մօտիկ լուր մը կը հաղորդէր։ Գուրզէն
իր նամակով կը յայտնէր թէ հանդիպած էր Երուանդի երկու
քոյրերուն՝ որոնք ասանըօրու տարիներէ ի վեր Ֆրէզնոյի մէջ
կ'ապրէին։ Երկու շարաթ վերջ՝ Երուանդ նամակ մը ստացաւ
իր քոյրերէն՝ որոնք փափաք կը յայտնէին զինք Ամերիկա տա-
նելու։ Մէկ ամիս յետոյ՝ Երուանդ արդէն պէտք եղած պատ-
րաստութիւնները տեսած էր եւ մէկ երկու օրէն պիտի հեռա-
նար իր հայրենիքէն։

Դէսքերու եւ Երեւոյթներու այս յաջորդական փոփո-
խութիւնները սակայն՝ չէին կրցած Երուանդի միտքէն բոլո-
րովին հեռացնել Աշխէնի պատկերը։ Նա կ'ուզէր տեսնել Աշ-
խէն՝ երթալէ առաջ եւ իր սիրտը կրծող գաղտնիքը հասկնալ։
Նա կ'ուզէր տեսնել Աշխէն եւ իր վերջին «Մնաս Բարեաւն»
ըսել։ Նա ամբողջ երկու օր աշխատած էր տեսնել զայն՝
բայց չէր յաջողած։ Ճամբայ ելլելու նախորդ իրիկուն՝ Եր-
ուանդի հոգիին մէջ պայքար մը սկսաւ։ կը փափաքէր գէճ Աշ-
խէնի գէճքը տեսնել վերջին անգամ եւ ապա հեռանալ այն քա-
ղաքէն՝ ուր իր այրող սիրտի առաջին սէրն էր ապրած։ Այդ
իրիկուն երեք ժամ թափառելէ յետոյ Աշխէնէնց տունին բո-
լորտիքը՝ վերջապէս նա յաջողած էր տեսնել Աշխէն պատու-



հանին մէջ՝ ուր նէ պատին կռթնած՝ մելամաղձոտ դէմքով մը
երկնքի լոռւթեան մէջ թափառող լուսինը կը գիտէր։ Նէ մե-
լամաղձոտ էր այդ իրիկուն աւելի քան երբէք՝ որովհետեւ
լուծ էր որ յաջորդ օրը Երուանդ պիտի հեռանար քաղաքէն։
Լուսնակի պէս կը փայլէր Աշխէնի գէմքը պատուհանին մէջ։
Երուանդ վերջին անդամ տեսնելու եկած էր այն քնքոյշ դէմ-
քը՝ որու պատիկերը արդէն իր հոգիին խորն էր դրօշմուած՝
անջնջելի կերպով։ Անոնց նայուածքները յանկարծ իրարու
հանդիպեցան։ Մելամաղձոտ ու տրտում նայուածքներ՝ ո-
րոնք մաշուող սիրտերու դեռ չի պատմուած հոգեցունց վէպ
մը ունէին իրենց խորը . . . Աշխէն իր զգացումներուն հետ
կը մաքառէր, կ'ուզէր խօսիլ, դէմ երկու բառ փոխանակել։
Նոյն զգացումը Երուանդի էութիւնը կը փոթորկէր։ Բայց ա-
նողոք լոռութիւնը կը տիրէր դարձնալ, այն անծանօթ լոռութիւ-
նը որ երկար ատենէ ի վեր անոնց հոգիներուն էր ծանրացած։
Եւ Երուանդ հեռացաւ այդ պատուհանին առջեւէն՝ առանց
գիտնալու թէ Աշխէնի սիրտը իրեն համար կը բարախէր, թէ
նէրա քնքոյշ հոգին շղթայուած էր անխորտակելի ոյժով մը՝
որու ակն ու աղբիւրը իր հոգիէն կը բղիէին։ Աշխէնի Սէրը
զաղտնիք մը մնաց Երուանդի համար ու նա անցաւ գնաց։

Յաջորդ առաւօտ՝ մեծ պողոտայի վրայով՝ սրընթաց
կառք մը կը հեռանար այն քաղաքէն։ Երուանդ այդ կառքին
մէջն էր։

ՆՈՐ ԱՇԽԱՐՀ — ՆՈՐ ՅՈՅՍ

Արեւելեան կիսազունդէն դէպի արեւմտեան կիսա-
զունդը երկարող ճամբան՝ Երուանդ հազիւ կրցաւ երեք ամի-
սէն կարել։ Այդ երկարատեւ ճամբորդութիւնը լեցուն էր նոր
ու շացուցիչ երեւոյթներով, որոնք, օրէ օր, աւելի կը ճոխա-
ցընէին Երուանդի մտային ծանօթութիւնները։ Վ. քաղաքը
միայն մութ անկիւն մըն էր Փոքր Ասիայի մէջ։ Քաղաքակրթու-
թեան մէծապորդ վազքը զեռ չէր ուղղուած դէպի այդ քաղա-
քը։ Այդ քաղաքէն գուրս քանի մը հարիւր մղոն հեռաւորու-
թեան վրայ՝ կարելի էր նշմարել քաղաքակրթութեան աղօտ
նշոյները՝ որոնք Երուանդի համար հրաշալիքներու փայլը ու-
նէին։ Գիրքերու մէջ միայն նա կարդացեր էր մարդու ստեղ-
ծագործող միտքի մասին՝ որ բնութեան վրայ հսկայական նը-
ուածումներ էր կատարած։ Իսկ այժմ, իր ճամբորդութեան
ընթացքին՝ նա կը տեսնէր չոգիին ոյժը որ քաղաքակրթու-
թեան անիւները կը գարձնէր։ նա կը տեսնէր ջուրին ոյժը՝ որ
դիւներու մթութիւնը կը փարատէր քաղաքներու վրայէն։
Քաղաքակրթութիւնը լուսաւոր փարոսներու էր փոխած երո-
սկական քաղաքները, բայց անոր ճառագայթները դեռ չէին հա-
սած Վ. քաղաքը։ Եւ Երուանդ կը մտածէր ինքնիրեն որ իր
ապրած տասնըին տարիները անօգուտ ու անմիտ տարիներ ե-
ղած էին այն մութ հողամասին վրայ։ Այդ հողամասը՝ կա-
մաց կամաց, սեւ կէտի մը կը փոխուէր իր յիշողութեան մէջ։
Երուանդի աչքերը լացած էին քաղաքակրթութեան փողփո-
ղուն լոյսէն, եւ ամէն նոր երեւոյթի հանդէպ անպատմելի հի-
ացում մը կը զգար։ Փարիզը հրաշալիքներուն հրաշալիքը կը
երեւանար իր աչքերուն, քաղաքակրթութեան ամենափառաւոր
ոստանը։ Երուանդի միտքը կ'ողողուէր լոյսով մը՝ որու ի'նչ

ըլլալը շատ անորոշ կը թուէր իրեն։ Իր միտքը անկարող էր վերլուծումի ենթարկելու այն բոլոր երեսոյթները որոնց ականատես կ'ըլլար։ Նա չէր կրնար վերլուծել քաղաքակրթութեան այդ խօլարշաւ վաղքը, անոր նպատակը։ Նա չէր կրնար ըմբռնել նշանակութիւնը այն գոռ սուլումներուն՝ որոնք կը բարձրանային շողիի գուլաներու հետ՝ վիթխարի չէնքերու կատարներէն։ Նա չէր կրնար երեւակայել թէ լոնչ բանի համար հազարաւոր մարդեր, կին ու աղջիկ, փոքրիկ տղաներ ներս կը խուժէին այն մեծ չէնքերէն, դուրս կը վաղէին մըսու դէմքերով՝ այդ քաղաքացունց սուլումներուն հետ։ Քաղաքակրթութեան լոյսը դինովցուցած էր Երուանդի միտքը և ամիայն հիացում կը գտնէր այդ լոյսի ցոլքերուն մէջ։

Երկու ու կէս ամիսներու թափառումէն յետոյ՝ Երուանդ ճամբայ կ'ելլէր Ռօմա շոգենաւով՝ դէպի Ամերիկա։ Տամփհինդ օրերու փոթորկալից ծովային ճամբորդութենէ վերջ՝ Ռօմա շոգենաւը Պրօվիտհնսի նաւամատոյցը կ'իջեցնէր իր խարիսխը։

— Հուրբէ՛յ, Հուրբէ՛յ, Նոր Աշխա՛րհ, Նոր Աշխա՛րհ . . .

Ճամբորդները մեծ խանդավառութեամբ լցուած էին. զիրար հրմշտկելով՝ կը ջանային վայրկեան առաջ քարտավը իջնել։ Երուանդն ալ՝ անոնց կարգին՝ գաղթային պաշտօնէութեան առջեւ քննուելէ յետոյ՝ դուրս կ'ելլէր նաւէն՝ ուրախութեան անզապելի ժպիտ մը իր աչքերուն մէջ։

1914-ի առաջին կիրակին էր այն օրը՝ երբ Երուանդ իր ոտքը կը դնէր Նոր Աշխարհի հողին վրայ։ Իր ճամբորդութեան նեղութիւններն ու զառնութիւնները մոռցած էր այլեւս։ Հոգեկան անպատմելի հրճուանք մը կարծես՝ վայրկեանէ վայրկեան աւելի բուռն կերպով կը սկսէր տարածուել իր ամբողջ էութեան մէջ։ Զգացում մը՝ որ թեթեւութիւնն մը կուտար իր հոգիին, կը մեղմացնէր իր մոայլ վերյիշումները։

զգացում մը՝ որ տեսակ մը երջանիկ անդորրաւթիւն կը սփոէր իր շուրջը եւ սիրտի թեթեւութիւն կը պատճառէր՝ Երուանդի մէջ տիրող կը դառնար Ամերիկայի հողը տեսնելէ ի վեր։ Նա առաջին անգամ երբ իր ոտքը ցամաքին վրայ կը դնէր՝ անհուն գինովութեամբ մը կը սկսէր լցուալ իր հոգին, եւ կը զդար հոգեկան գոհունակութիւն մը՝ որուն շատեր անձանօթ կը մնան իրենց կեանքի ամբողջ ընթացքին։ Նա կ'երեւակայելը որ իր ոտքը Դրախտի հողին վրայ կը դնէր՝ առանց խորհրդուու որ այդ միեւնոյն հոգին վրայ կար նաև Դժողովը՝ աւելի հսկայածաւալ ու զարհուրելի մի զժողք՝ քան ի՞նչ որ իր երեւակայութեան մէջ կրնար պատկերացնել։

Երուանդի միտքին մէջ Ամերիկայի դրախտային գալափարը այնքա՞ն զօրաւոր էր որ առանց ուեւէ բան տեսնելու՝ յաջորդ օրն իսկ սկսած էր զրել իր ազգականներուն Ամերիկայի դրախտի մասին, անոր աղատատենչ ժողովուրդի վրայ։

Երուանդի այդ հոգեկան գրութեան աւելի ոյժ կուտային իր վերյիշումները, Երկրի սեւ օրերը։ Քաղաքական այն յարափափոխ վիճակը, կոտորածի սարսափը՝ Դամոկլեան սուրի մը պէս՝ իր երեւակայութիւնը Ակած էին իր մանկութեան ու պատանեկութեան ամբողջ տարիններուն։ ՚96-ի կոտորածը, Մուրոյի եւ Դաւոյի գէտքերը տակաւին թարմ էին իր յիշողութեան մէջ։ Նա կը յիշէր մասնաւորապէս այն սեւ զիշերը՝ երբ ամբողջ Վ. քաղաքը զինուորական գօտիի մէջ առնուած էր։ Երբ խումբ մը թրքական բարբարոս զինուորներ իրենց տունն էին մասած՝ զէնք փնտուելու պատրուակով. այն զիշերը՝ երբ ինք յանկարծ արթնցաւ եւ իր անկողին շրջապատուած գտաւ թիւրք զինուորներով։ ՚96-ի պէս կրնար մոռնալ սարսափի այդ օրերը։ Իր մանուկ յիշողութեան վրայ այնքան խոր աղդած էին այդ տառապանքի եւ վախի սեւ օրերը՝ որ իր կամքէն բոլորովին անկախ՝ նա շատ անգամ կ'արթըննար քունէն եւ տակաւին վախի ու սարսափի զողին ներքեւ կը սկսէր լալ ժամերով։ Երուանդ կը զգար որ այդ վախին

ու սարսափը գոյութիւն չունէին այլեւս իրեն համար : Նա ա-
զատ կը գտար ինքինքը եւ այն մահաբոյր գիշերները այլեւս
չէին վրդովեր իր քունն ու հանդիսաւ : Հալածանքի ու սրա-
ծութեան այդ երկրէն ապատուողի մը հողեկան վիճակը ատկէ
տարբեր չէր կրնար ըլլալ : Այն գժովքին փախչողի մը հա-
մար՝ նոր Աշխարհը իրապէս երջանկաւէտ դրախտի մը հրա-
պոյրն ունէր :

Բայց նոր Աշխարհը ունէր նաեւ նոր երեւոյթներ եր-
ռաւանդի համար :

Նաւամատոյցին քովերը գրեթէ մէկ ժամ սպասելէ
յետոյ՝ խորհելով որ իր վաղեմի ընկերը զի՞նք գիմաւորելու
պիտի չի գար՝ երուանդ մօտակայ փողոցէն անցնող հանրա-
կառքին մէջ ելաւ որ գէպի Բօստօն կ'երթար : Մէկ ժամ վերջ
նա արդէն գտած էր իր բարեկամը, եւ տաք գիրկընդիառնու-
մէ մը յետոյ՝ անոնք սկսած էին իրենց անցեալի յուշերով օ-
րօրուել : Անոնք իրարու կը պատմէին իրենց ունեցած արկած-
ները ճամբորդութեան ընթացքին, եւ երբ խօսակցութիւնը կը
դառնար անոնց սիրելիներուն չուրջը՝ տիրութիւն մը կը սկսէր
տարածուել իրենց գէմքերուն վրայ, իրենց սիրաերը կը սկսէ-
ին յուղուել, եւ կարծես քանի մը վայրկեանի յութեամբ՝ կը
փորձէին փարատել այդ տիրութեան զգացումները : Վեց
տարիներէ ի վեր տեսած չէին զիրար, եւ այդ անակնկալ տե-
սակցութիւնը՝ չէր կրնար վերջ գտնել մէկ երկու ժամէն :
Այդ գիշերը միայն երեք ժամ կրցան քնանալ, թէեւ իրենց ժա-
մանակի մեծ մասը լուռթեամբ կ'անցնէր . իրենց հողիները
արթուն էին, կ'ուզէին խօսիլ շարունակ եւ վեց տարիներու
բաժանումի վէալը մէկ գիշերուան մէջ պատմել իրարու :

— Խօսէ՛, Երուանդ, ինչո՞ւ լուցիր դարձեալ, խօսէ՛,
Վաղգէնի մասին բան մը չըսիր . միայն մէկ նամակ ստացած
եմ իրմէ Ամերիկա դալէս ի վեր . քոյրս երբեմն իր նամակնե-
րու մէջ կը յիշէր անոր բարեւը, բայց վերջերս . . .

Մեսրոր չի կրցաւ շարունակել իր խօսքը եւ գլուխը
ձեռքերուն մէջ առած՝ սկսաւ հեկեկալ : Իր եղբայրական կա-
րոտը անգամ մը եւս կուղար ցնցելու իր էութիւնը :

Երուանդ հասկցաւ անմիջապէս որ Մեսրոր ոչինչ գի-
տէր այն քսամնելի ոճիրի մասին որ 1908-ին կատարուած էր
վ . քաղաքին մէջ : Անոր քոյրը՝ մանկական միամտութեամբ
մը՝ ջանացած էր պահել Վաղգէնի հրկիզումին լուրը եւ ամ-
բողջ հինգ ու կէս տարի փորձած էր խարել իր նժդեհ եղբայրը :

— Ի՞նչ կտրին տղայ էր Վաղգէն, իր պատկերը գեռ
միտքին մէջն է . . .

Երուանդ երկար չունչ մը քաշեց եւ սկսաւ շարունա-
կել իր խօսքը :

— Տասնըհինդ կտրիմներ էին անոնք . . . '908-ի դէպ-
քը համբած էր անոնց օրերը :

— Շարունակէ՛, Երուանդ, ո՞ւր մնաց Վաղգէն . . .

— Ամբողջ քաղաքը պաշարուած էր մէկ ամիսէ ի
վեր . . . Անոնք առիւծի պէս կը կոռէին իրենց բարձր դիր-
քերէն եւ թշնամիի գունդը երթալով կը փոքրանար . . . Բայց
համազարկի սուլումները կը նուազէին ժամէ ժամ, եւ քսան
օրերու կատաղի կուլները կ'սպառէին մէր կտրիմներու ուղ-
մամթերքը : Թշնամիի գունդը արդէն այդ տոկթին կը սպա-
ռէ . զինուրները խուժանի մը պէս սկսան անոնց դիրքերուն
վրայ յարձակիլ : Համազարկ մը եւս, խուժանը ետ նահան-
ջեց, բայց անոնց վերջին գնդակը սպառած էր . . . Թշնամին
յարձակեցաւ նորէն, գիրքերը լուռ էին . . . Այդ հսկայ չէն-
քին դուռերը քարիւզով օծեցին անմիջապէս, եւ խրոխտ ձայն
մը հրամայեց,

— Կրակեցէ՛ք :

— Եւ երկու ժամէն այդ բարձր չէնքը մոխրակոյտի մըն

էր վերածուած . . . Վաղբէն եւս այդ շէնքին մէջն էր . . .
Ու Երուանդ լոեց : Լուս էր նաեւ Մհարուր . արցունքը քարա-
ցած էր իր կոպերուն տակ եւ սիրտին մրմուռը վակած էր իր
Եղուն . . .

Յաջորդ քանի մը օրեր , Երուանդ Բօստօնի եւ Զրուիի
կողմէրը անցուց . իրեն աւելի մտերիմ ու սրտակից ճամբու-
ընկերներէն մէկը որ ամիս մը առաջ նիւ Եօրք հասած էր՝ նա-
մակով մը կը փափաքէր որ Երուանդ իր քով գար : Ամերիկա-
յի կեանքը նորութիւն մըն էր Երուանդի համար եւ տեղէ աւզ
ճամբորդելը մեծապէս կը հաճոյացնէր իր զգացումները : Մի-
այն վեց օր մնաց Մհարորի քով . իր Ամերիկա գտնուելու եօ-
թերորդ օրը գեռ չանցած՝ Երուանդ նիւ Եօրք կը դտնուելու՝
ի՞ն ընկերոյն՝ Վահանի մօտ :

Անոնք իրարու աւելի մօտիկ ըլլալու համար՝ որոշե-
ցին միասին սենեակ մը վարձել : Նիւ Եօրքի վեցերորդ վո-
զոցի վրայ գտնուող պանդոկներէն մէկի մէջ՝ երկու օրերու
փնտուուքէ մը յետոյ՝ վերջապէս յաջողեցան երկու յարմար
սենեակներ դտնել . մէկը որպէս ննջարան եւ միւսը հիւրանոց :
Սենեակները շատ պարզ կերպով կահաւորուած էին : Երկու
փոքրածաւալ նեղ մահիճներ , կապերախ երկու բարակ կտոր-
ներ այդ մահիճներուն առջեւ , հանդերձանոց մը , լուացուե-
լու համար ջուրի սափոր մը եւ պնակ մը՝ կը կազմէին իրենց
ննջարանի ամբողջ կահկարասիները : Իսկ հիւրանոցը՝ որ ուղ-
ղակի փողոցին վրայ կը նայէր՝ նոյնքան պարզ էր որքան նըն-
ջարանը : Մաշած կապերա մը սենեակի կեդրոն , գրասեղան
մը պատուհանին առջեւ , երկու շարժական աթոռներ , պատին
կախուած հայելի մը եւ քանի մը աժաննոց պատկերներ՝ ա-
նոնց հիւրանոցի կահկարասիներն էին : Իրենց քսակը թոյլ
չէր տար՝ որ ատկէ աւելի մաքուր եւ բարձրագին պանդոկնե-
րու մէջ սենեակ վարձէին : Վահանի գրպան միայն տասը տո-
լար կար՝ Երբ նիւ Եօրք հասեր էր . բարեկամի մը միջամտու-
թիւնը եթէ չըլլար՝ գաղթային պաշտօնէութիւնը հաւանաբար

ոլինք ետ ճամբէր : Տասնըհինդ օր պարապ պտտելէ յետոյ՝
նա յաջողած էր Նիվը-Պաքըր մէծ պանդոկին մէջ՝ պանդո-
կային գործեր հայթայթող գործակալութենէ մը՝ պարզ սպա-
սաւորի գործ մը ձեռք ձգել : Տասք ժամուան աշխատանքի
փոխարէն՝ նա կը ստանար իր ճաշը եւ ամիսը քսան տոլար :

Իսկ Երուանդ՝ Երեք շարաթ պտտելէ յետոյ՝ գէթ իր
ծախսերը գոյելու համար՝ ստիպուած էր առժամանակեայ
գործ մը ձեռք բերել : Ամբողջ մէկ շարաթ՝ գործակալներու
պաշտօնասենեակէ պաշտօնասենեակ թափառելէ յետոյ՝ յա-
ջողած էր բրուտի գործարանի մը մէջ՝ վեց տոլար շարաթա-
կանով՝ գործ մը գտնել :

Իրիկուն մը երբ Երուանդ՝ պատուհանին առջեւ շար-
ժաթոռին մէջ նստած՝ գուրսի երթեւեկութիւնը կը դիտէր ,
թէ՛ իր Փիղիքական յողնութիւնը փարատելու եւ թէ՛ այդ օր
ստացած նամակի մը տիսուր ազդեցութիւնը մոռնալու՝ յան-
կարծ Վահան ներս մտաւ չնչասպառ եւ առանց նոյնիսկ բարե-
ւելու՝ իր մահիճին վրայ երկարեցաւ : Երուանդ կ'ենթադրէր
որ Վահան սովորականին պէս լաւ չէր զգար այդ իրիկուն ,
յողնած էր եւ կ'ուցէր շուտ մը անկողին երթալ : Բայց չէր
կրնար հասկնալ թէ ինչո՞ւ իր սովորական ժամանակէն երկու
ժամ առաջ տուն եկած էր :

Ծանօթ ըլլալով Վահանի բնաւորութեան՝ Երուանդ
չի փորձեց բառ մը իսկ փոխանակել . թողուց որ նա հանգչէր
եւ մթին գիշերի ծոցը թաղուէր անոր անտրամագիր վիճակը :
Ժամ մը յետոյ՝ Երուանդ արդէն անկողին մտած էր եւ մեղմ
ու կարօտարազ երդ մը կը թրթուար իր շրթներուն . տասէ
տասնըհինդ վայրկեան վերջ՝ իր երգի խաղերը աւելի կը սկսէ-
ին մեղմանալ եւ ահա ծանր լոռութիւն մը կը տիրէր ամբողջ
սենեակին մէջ : Բայց այդ երկու պատուհաներ չէին կրնար
քնանալ այդ գիշեր : Կէս ժամ հազիւ անցած էր երբ Վահան
յանկարծ իողեց այդ ծանր լոռութիւնը .

— Երդէ՛, Երուանդ, Հոգիու սիրես, Երդէ այն միեւնոյն երդը. կարօտ մը կը զգամ այս գիշեր ու սիրսս կ'արիւնի:

Երուանդ հաղիւ մէկ երկու վայրկեան սկսած էր Երդել այն միեւնոյն երդը՝ Վահան ընդմիջեց մէկէն.

— Որքա՞ն հեռու ենք մեր սիրելիներէն. մենք ի՞նչ պողծ ունինք այս անծանօթ երկրին մէջ:

Առաջին անգամն էր որ Վահան դժգոհութեան այդ խօսքերը կ'արտասանէր. նա ընդհակառակը մեծապէս երջանիկ կը սեպէր ինքինք որ կրցած էր ապատիլ այն զարհուրելի դժողքէն որ թիւրքիս կը կոչուէր. բայց այդ իրիկուն նա փոխուած կ'երեւնար:

— Ի՞նչ է պատահեր քեղի, Վահան, ի՞նչ բանի արդիւնք է այդ փոփոխութիւնը:

— Գործէս ձգուեցայ, Երուանդ. չի գիտեմ թէ ի՞նչ պէտք է ընել այս մեծ քաղաքին մէջ՝ լեզուին անծանօթ ու անզողծ:

— Յուսահատելու ո՛չինչ կայ, սիրելի՛ս, քանի մը օրէն ուրիշ գործ մը կը դտնես:

— Ուրիշ գործ մը . . . Բայց ի՞նչ է այս անորոշութեան մտածումը որ օրէ օր աւելի կը տանջէ իմ միտքը. այս ի՞նչ անորոշ կեանք է, Երուանդ. նոյն իսկ պանդոկներու եւ ճաշարաններու մէջ կը փափաքինք գործ մը գտնել՝ այն ալ կը զլացուի մեղի: Դժգոհ էինք մեր նախորդ կեանքէն՝ որովհետեւ այդ կեանքը ահով ու սարսափով էր պատուած. կոտորածի ու սրածութեան երկիւղը ցամքեցուցած էր արիւնը մեր երակներուն մէջ, մեր մանկութիւնն ու պատանեկութիւնը միայն ստրկական վախի ներքեւ անցուցինք, անվախ ու ազատ օր մը չի տեսանք այն քարուքանդ հայրենիքին մէջ: Իսկ այսօր, չինդ շաբաթ կ'ընէ, որ այս երկրին մէջ կը դտնուիմ՝ հինդ ժամ

Հանդիստ չեմ կրցած քնանալ: Ամէն առաւօտ, ամէն երեկոյ՝ թերթերու յայտարարութիւններու համաձայն հոս ու հոն կը վաղեմ. հաղիւ հազ գործ մը դտած էի՝ այն ալ առին ձեռքէս: Այս ի՞նչ ստրկական կեանք է, Երուանդ. այս ի՞նչ ահաւոր պայքար է, միայն եւ միմիայն ստամոքսի համար: Մեր երկրի սարսափին յաջորդած է ուրիշ սարսափ մը՝ որ նո՛յնքան ահաւոր, նո՛յնքան գժողացին է: Ի՞նչ բանի կրնայ ծառայել այս երկրի քաղաքական անկախութիւնը ինձ համար՝ Երբ ես ստիպուած պիտի ըլլամ ճաշարաններու մէջ տասը ժամուան ստրկական ծառայութիւն ընել որպէս զի սովամահ ըրլամ եւ կարենամ կեանքս քարչ տալ այս մեծ քաղաքի աղտոտ անկիւններուն մէջ:

Երուանդի մտածումները կամաց կամաց աւելի կը սաստկացնէին յուսախարութեան փոթորիկը իր հոգիին մէջ: Վահանի խօսածնները կուգային նոր թափ մը տալու անոր միտքին մէջ տարածուող պայքարին: Բայց այդ թելաղական խօսքերէն աւելի՝ ուրիշ ցաւատանջ իրականութեան մը ճընշումչն՝ անոր հոգեկան կազմը նոր ցնցումներ կ'ունենար: Իր գործած առաջին օրը անցած էր շատ թեթեւ կերպով եւ գրեթէ ուելէ խոսվք չէր կրցած պատճառել. բայց յաջորդող երեք չորս օրերուն՝ Երուանդ բոլորովին նոր երեւոյթի մը առջեւ կը զտնէր ինքզինք: Գործարանի մէջ՝ իր գործի բերումով՝ նա ստիպուած էր իր բազուկները շարունակ շարժումի մէջ պահել. իր գործի երկրորդ օրը այնքան յոդնած կը զգար որ այդ գիշեր հաղիւ կրցած էր քանի մը ժամ քնանալ: Ֆիղիքական յոդնութիւնը կամաց կամաց կը սկսէր ուղղութիւն տալ անոր հոգեկան արտայայտութիւններուն եւ մէկ շաբաթուան ընթացքին՝ նա արդէն փոխուած կ'երեւնար իր դէմքով ու կադմով, իր զգացումներով ու մտածումներով: Գործարանի աշխատանքը, գործարանի միջավայրը՝ նոր ԵՍ մը կը ստեղծէին Երուանդի մէջ: Այդ ԵՍ-ը օրէ օր աւելի կը սաստկացնէր անոր հոգեկան պայքարը եւ գիշերները խոռվալից կը դառնա-

յին։ Երեք գիշեր նա շարունակ կը պայքարէր իր միտքին մէջ փոթորկուող մտածումներուն, իր հոգին խոռվող զդացումներուն հետ՝ բայց բան մը ըսած չէր Վահանին, խրհելով որ իր հոգեկան խոռվքը կրնար վրդովել անոր միտքի անդորրութիւնը։ Այդ չորրորդ գիշերը սակայն, կուգար ցուցնելու Երուանդին՝ որ ինք առանձին չէր իր գառն մտածումներուն դիրկը, որ ուրիշ մարդկային էակներ եւս կրնային ունենալ հոգեկան ցնցումներ, միտքի խոռվք, միտքի պայքարներ՝ գրեթէ միեւնոյն թափով։

Բայց անոնց հոգեկան պայքարը մէկ բանով կը տարբերէր իրարմէ։ Վահանի մտային հորիդոնը աւելի սահմանափակ էր. նա ենթակայ էր աւելի շուտ յուսահատելու, որովհետեւ անցեալի մէջ ապրած էր բազդատարար աւելի ճոխ կեանք մը. փափուկ էր մեծցած, միշտ փայտիայող ձեռքերու հերքեւ։ Ամերիկայի մէջ ուրէ ազգական չունենալը աւելի կը ծանրացնէր իր վիճակը։ Ինքն էր իր միակ յոյսն ու ապաւէն։ Իր ձեռքի աշխատանքէն դուրս՝ ո՛չ մի սպասելիք ունէր։ Նա կը մտածէր որ եթէ չի յաջողեր շուտով գործ մը գտնել նորքն՝ իր թշուառ վիճակը բոլորովին անհանդուրժելի պիտի դառնար եւ զինք ուրիշ միջոցի պիտի մղէր։

Իսկ Երուանդ որքան որ ընկճուած կը զդար իր գործի պատճառած Փիզիքական յոդնութենէն՝ գիտէր որ այդ աշխատանքը առժամանակեայ էր եւ շուտով իր քոյրերուն քով պիտի երթար։ Այդ յոյսը պլազուն աստղի մը պէս իր հոգիին մէջ կ'երեւնար՝ երբ մոայլ զգացումներով սկսէր լեցուիլ իր էութիւնը։ Եւ այդ յոյսի ազգեցութենէն՝ նա խզեց տիրող լուսւթիւնը ու սկսաւ յուսադրումի քանի մը խօսքերով՝ Վահանի փոթորկուող հոգիին խոռվքը մեղմացնել։

— Յիշեր, Վահան, թէ՛ ի՞նչ ուխտով հեռացանք այն դժբաղդէ հայրենիքն. այն աւել երկիրը որ չի կրցաւ սպաննել ապրելու տեսնչը մէր մէջ եւ այս հեռաւոր ափերը ձգեց մեղ՝

ի՞նչ բանէ է որ պիտի յուսահատինք այժմ։ Ամէն օր ունի իր նորութիւնը. այսօր գործէ ձգուած ես՝ կարծես թէ ամբողջ աշխարհը փուլ կուգայ գլխիդ։ Ամրողջ նիւ Եօրք կարծես թէ միայն այդ գործն ունէր պահած քեզ համար։ Ի՞նչ գիտես որ քանի մը օրէն աւելի հանդիսաւ եւ վճարող գործ մը պիտի չի գտնես։ Քեզ պէս կայտառ ու թարմ պատճնի մը շատ գիրութեամբ կրնայ գործատէրերու ուշագրութիւնը իր վրայ հրաւիրել եւ գործ մը գտնել։ Վաղ առաւոտ ինձ հետ գործարան եկուք. ես կը յայտնեմ իմ վերակացուին որ Կալիֆօրնիա երթալու պատճառով ստիպուած եմ գործս ձգել եւ կը խնդրեմ որ քեզ իմ տեղ ընդունի. վատահ եմ որ նա պիտի չի մերժէ։ Փարատէ այդ մոայլ զգացումները հոգիէդ եւ քնացիր հանդիսաւ։ Բարի գիշեր։

Վահանն ալ «Բարի գիշեր» լսաւ ու փորձեց քնանալ։ Իր զգացումները կարծես քիչ մը թեթեւնալ կը սկսէին՝ Երուանդի խօսքերուն վրայ։ Ծանր լուսթիւն մը՝ վայրկեանէ վայրկեան աւելի տիրական կը դառնար այդ ննջասենեակին մէջ։

Յաջորդ առաւոտ, երբ դեռ մէկ ժամ կար որ գործարանի դուռերը բացուէին, Երկու պատճնիներ՝ այդ գործատան գուռէն քիչ մը հեռու՝ պատին տակ նստած՝ կը խօսէին իրարու հետ։ Իրենց խօսակցութիւնը կ'ընդմիջուէր շատ անդամ հինգ տաս վայրկեաններու լուսթեամբ, որովհետեւ խօսելէ աւելի՝ կ'ուղէին իրենց բոլորտիքը դիտել։ Յուրատը՝ որ շատ սաստիկ էր այն առաւոտ՝ անսովոր գողով մը լեցուցած էր անոնց մարմինները եւ կարծես չէին կրնար աւելի երկար սպասել մինչեւ որ գործարանի գուռերը բացուէին։ Բայց ժամանակը կ'անցնէր կամաց կամաց եւ գործաւորներու բազմութիւն մը կը սկսէր խոնուիլ գործատան գուրին առջեւ։ Բարձրագոռ սուլումի մը հետ՝ գուռը կը բացուէր եւ բանուորներու ու բանալուուհիներու այդ խունեներամ բազմութիւնը՝ ուր կարելի էր աւեսնել հարիւրաւոր պղտիկներ, մանչ ու աղջիկ, ներս կը խու-

ժէին՝ վայրկեան առաջ իրենց գործին գլուխը կանդնելու :

Երուանդ եւ Վահան տակաւին իրենց տեղ կանդնած՝ աենդուս նայուածքներով՝ մէկի մը կը սպառէին։ Ինքնաշարժ մը մէկէն կանդ առաւ գործատան առջեւ եւ Երուանդ նշմարեց իր վերակացուն որ անկէ գուրս կ'ելլէր։ Անոր աչքերը կարմրած էին ու դէմքը չափազանց խոժոռ էր այդ առաւօտ։ Երուանդ չէր կրնար հասկնալ թէ ի՞նչ բանի արդիւնք էր այդ դէմքի արտայայտութիւնը որ անորոշ վախի մը սարսափը ձըդեց իր սիրախն մէջ։ Դողդողալով՝ Վահան ալ ետեւէն՝ դէպի վերակացուն յառաջացաւ, բարեւելէ յետոյ, կոտրտած լեզուով սկսաւ իր միտքը անոր յայտնել։ Վերակացուն սուր ու խոժոռ ակնարկ մը նետեց Երուանդի վրայ եւ դոռ ձայնով մը աւելցուց,

— Տուն գացէք երկուքտ ալ, գործ չի կայ ձեզ համար։

Այդ խօսքը այնքան սուր հարուածի մը պէս կ'իջնէր իր զգացումներուն՝ որ Երուանդ տակաւին իր տեղ քարացած կը կենար՝ երբ վերակացուն արդէն ներս զացած էր։ Իր լեզուն փաթթուիլ կը սկսէր բերնին մէջ՝ երբ երկու վայրկեան յետոյ փորձեց մէկ երկու խօսք փոխանակել Վահանի հետ։

— Նա ի՞նչ իրաւունք ունէր ինձ հետ այդպէս բիրտ կէրպով վերաբերուելու. ես կը սովլրեցնէի իրեն եթէ անգլիերէն լեզուն դառնար բերնիս մէջ։ Օ՛, անտանելի է այս համըութիւնը . . .

— Նա իրաւունք չունէր . . .

— Այո՛, Երուանդ, իրաւունք չունէր. բայց որմէ՞ է որ իրաւունք կը պահանջես։ Երէկ գիշեր այդ իրաւունքի հանելուկային հարցն էր որ կը տանջէր իմ միտքը։ Ես գործէս ձգուած էի՝ առանց գիտնալու թէ ինչո՞ւ։ Եթէ ես ալ լեզու գիտնայի . . .

Երբ գեռ անոնք գործարանի առջեւ կանդնած՝ իրենց

սիրտերու կսկիծը կը յայտնէին իրարու, խումբ խումբ գործաւորներ՝ տրտում դէմքերով, գլխիկոր՝ դուրս կ'ելլէին գործարանէն, եւ գերեզմանէն վերադարձող յուղարկաւորներու պէս՝ ծանր զգացումներով՝ կը հեռանային այդ վայրէն։ Սոնոնք եւս, շատ շատերու պէս՝ գործէ ձգուած էին, առանց դիտնալու թէ ի՞նչ բանի համար։

Տաս-քսան վայրկեան գործարանի կողմերը անցունելէ վերջ՝ Երուանդ եւ Վահան իրենց քայլերը ուղղեցին դէպի վեցերորդ փողոց՝ ուր իրենց պանդուկը կը դանուէր։ Հոգեկան անսովոր ճնշում մը իրենց սիրտերուն՝ անոնք առանձնացան այն լոին սենեակը՝ որ առանց արտաքին ոեւէ ազդեցութեան՝ բաւական էր տրտութեան զգացումներով լեցնելու մարդու սիրտն ու հոգին։ Իրենց սենեակի լուռթիւնը առանց խանդարելու՝ անոնք ժամերով երկարած մնացին իրենց մահիմներուն վրայ։ Իրենց լեզուները փակուած էին կարծես, խօսելու անկարող կը զգային։ Այն խոսիիչ պայքարը՝ որ նոր էր սկսած անոնց միտքերուն մէջ՝ այնպիսի արտասովոր բարախումներու եւ հեւանգի էր մատնած անոնց սիրտերը, որ խօսելէ աւելի՝ անոնք կ'ուղէին ունկնդրել այդ հոգեմաշ ձայներուն, առանց կարենալ վերլուծելու այն անողոք պայքարի խական նշանակութիւնը։

Այդ նշանակութիւնը որքան ալ տարտամ ու անհասկնալի՝ Վահանի միտքին մէջ սաշափը որոշ էր որ եթէ մէկ երկու օրէն գործ մը չի կրնար գտնել՝ ստիպուած պիտի ըլլար տարբեթ միջոցի գիմելու։ Իսկ Երուանդ, ո՛րքան որ յուղուած կը զգար իր վերակացուի կոչտ վերաբերմունքի պատճառով՝ պիտէր որ մէկ շաբաթէն իր քոյլերուն քով պիտի ըլլար եւ կեանքը նոր երեւոյթներով պիտի ողջունէր զինք։

Յաջորդ օրն իսկ՝ Երուանդ արդէն պատրաստուած էր Կալիֆօրնիա մեկնելու։

Փետրուարի յըտաշունչ առաւօտ մը, Երկու պատա-

Նիներ՝ Նիւ Եօրքի Կրկաթուղիի կայարանի մը առջեւ՝ ձեռքի տաք սեղմումներով կը բաժնուէին իրարմէ։ Վահան միեւնոյն քաղաքին մէջ կը մնար, իր կեանքի այն արտասովոր պայքարը շարունակելու, իսկ Երուանդ Կալիֆօրնիա կ'երթար՝ մնդիտակ ապագայի իր հողեցունց պայքարներուն։

ՀԱՆՐԻՊՈՒՄ ՄԸ

Երեք հազար մղոն միջոցի հեռաւորութիւնը՝ ճեպընթացի արագասահ վաղքով՝ Երուանդ հինգ օրէն կտրած եւ իր քրոջ տուն հասած էր։ Բարեկամներու եւ աղջականներու խումբ մը փութացած էր զինք տեսնելու այդ օր՝ կայարանին առջեւ եւ իր քրոջ տան մէջ։

Ֆրէդնօ քաղաքի բարեկամներու եւ աղջականներու այն մտերմիկ շրջանակը՝ նոր մտածումներու եւ հայրենական կեանքի մթնոլորտ մը կըստեղծէր Երուանդի համար։ Այնպիսի երեւոյթներու ականատես կ'ըլլար՝ որոնք դրեթի չէին ապրերեր երկրի մէջ իր տեսածներէն, եւ պահ մը խարկանքը կ'ունենար մտածելու թէ վեց հազար մղոնի իր ճամբորդութիւնը՝ զինք գարձեալ միեւնոյն կէտի վրայ բերած էր։ Իր շուրջը գտնուողներու նահապետական վերաբերմունքը, անոնց շարժուձեւերը, անոնց սովորութիւնները եւ արտայայտութեան ամբողջ եղանակը՝ երեք փոխուած չէին։ Վեց հազար մղոնի այդ հեռաւորութիւնը կարծես երեք չէր կրցած աղդել անոնց բնութեան վրայ։ Ամերիկեան քաղաքակրթութիւնը անկարող եղած էր փոխելու անոնց մտածողութիւնը, հոգեկան աշխարհը։ Անոնք նոյն էին մնացած իրենց աւանդական սովորութիւններով, ցեղային ու ժառանգական յատկանիչներով, եւ իրենց լեզուով։

Երուանդի քոյլրերը մէծ իրարանցումի մէջ էին այդ որ։ Տասնըչորս տարիներէ ի վեր տեսած չէին իրենց եղբայրը՝ որ մեծցած՝ կայտառ պատանի մը դարձեր էր։ Անոր մանկութեան պատկերը՝ որ տակաւին թարմ էր իրենց յիշողութեան մէջ, եւ տասնըչորս տարի յետոյ՝ անոր պատանեկութեան սրատկերը որ իրենց աչքերուն առջեւն էր՝ երազային րլալ կը թուէին։ Զէին կրնար հաւատալ իրենց աչքերուն՝ թէ այն պղտիկ մանուկը՝ թշուառութեան եւ ասրամի իրենց հայրենիքին մէջ՝ կրնար մեծնալ ու տամնըչորս տարի յետոյ, վեց հազար մղոնի հեռաւորութիւն մը կարելով՝ կըրնար Ամերիկա դալ իր քոյլրերուն մօտ։ Հրաշքի մը գեղեցկութիւնն ունէր այդ իրողութիւնը՝ Երուանդի քոյլրերուն համար։

Եւ այդ իրողութիւնը կարծես զինովցուցած էր անոնց հոգիները։ Տասնըչորս տարիներու ընթացքին անոնք ապրած էին բոլորովին անծանօթ իրարու։ ո՛չ մի նամակ, ո՛չ մի լուր տոած էին իրարմէ, եւ եթէ Գուրգէն Վարդանեան Ամերիկա եկած չըլլար՝ թերեւս մինչեւ իրենց կեանքին վերջը՝ իրարու անծանօթ մնային, տարբեր հորիզոններու ներքեւ։ Տասնըչորս տարիներու սեւ խաւարը ճեղքուած էր եւ հրաչուի եղբայր մը հրձուանք ու գինովութիւն էր բերած իր անծանօթ քոյլրերու հողիներուն։ Անոնք երջանիկ էին, շատ երջանիկ՝ այդ օր։

Այցելուներու թիւը գրեթէ հարիւրի կը համնէր այդ օր։ Երուանդի քոյլրերը՝ առանց յոզնութեան կամ տրտունջի՝ կը հիւրասիրէին ամէնքն ալ, միշտ ժպտերես, միշտ զուարթ։ Անոնցմէ քանիներ աղջականներ էին, քանիներ՝ մտերիմ բարեկամներ Երուանդի քոյլրերուն եւ իրենց ամուսիններուն, որ «աչք լոյս»-ի եկած էին։ Կային ուրիշներ եւս՝ որ տարիներէ ի վեր հեռացած էին իրենց հայրենիքն, լուր մը չունէին իրենց տունէն ու աղջականներէն, եկած էին տեղեկութիւններ

առնելու Երուանդէն։ Ամէնքն ալ՝ առանց վայրկեան մը դա-
դար տալու՝ իրենց սիրելիներու մասին, հայրենիքի դրութեան
վրայ եւ ճամբորդութեան մասին հարցումներ կ'ուղղէին Եր-
ուանդին եւ գոհունակ տրամադրութեամբ կը բաժնուէին
անկէ։

Երեկոյեան ժամը ութի ատեններ՝ մարդ մը եւ դեռատի
կին մը՝ որ լսած էին Երուանդի ժամանումը՝ կ'ուղէին տես-
նել զինք եւ ծանօթութիւններ առնել Վ. քաղաքի մասին՝ որ
իրենց ալ հայրենիքն էր։

— Ծանօթացէ՞ք, Երուանդ, ոլրն. Մարկոս Մեծիկեան
եւ տիկին Ատրինէ Մեծիկեան։

— Աչքդ լոյս, տիկին Սերոբեան. աչքդ լոյս, տիկին
Գրիգորեան. կընամ երեւակայել թէ որքա՞ն երջանիկ կը
դժաք . . .

Մարկոս Մեծիկեան խօսքը դեռ չըրացուցած՝ իր տի-
կինը ընդմիջեց եւ բարձր ձայնով մը ուղեց անոր վերջին բա-
ռերը ներկաներու ուշադրութեան յանձնել։

— Անշո՛ւտ, ինչո՞ւ չէ, պէտք է որ երջանիկ զգան։
Լսեցի որ տասնըսորս տարիներէ ի վեր տեսած չէիք ձեր եղ-
բայրը, այնպէ՞ս է, տիկին Սերոբեան։

Մինչ տիկին Սերոբեան իր հաստատական պատաս-
խանը կուտար տիկին Մեծիկեանին՝ վերջինին համար կարծես
այդ պատասխանը այնքան ալ նշանակութիւն չունէր. ներա
ուշադրութիւնը գրաւուած էր նոր ու պայծառ մտածումով մը՝
զոր կարելի էր կարդալ իր ժպտուն դէմքին վրայ, իր փայլուն
աչքերուն մէջ։ Նէ իր աչքերը չէր հեռացներ Երուանդի վը-
րայէն՝ եւ ժպտերես ու կնոջական նուրբ շարժուձեւերով՝ կը
ջանար անոր ուշադրութիւնը իր վրայ հրաւիրել։ Իւրաքան-
չիւր անդամ երբ Երուանդ կը փորձէր իր չուրջ զիտել՝ թէեւ
ամչկոտ՝ չէր մոռնար Ատրինէի ժպտուն դէմքին նայիլ մէկ եր-

կու Երկվայրկեան աւելի Երկար. իսկ նէ արդէն Երուանդի իւ-
րաքանչիւր նայուածքին՝ հարցում մը ունէր պատրաստ իր
շուրթերուն եւ գիւթական ժախտով մը կը չանար անոր նայ-
ուածքները իր վրայ կեղբոնացնել։

Ժամը տասին կը մօտենար՝ Երբ Մարկոս Մեծիկեան,
զոհ իր տուած այցելութենէն՝ ոտքի ելաւ յանկարծ եւ ձեռքի
նշանով մը հասկցուց Ատրինէին թէ պէտք էր տուն երթալ։
Ատրինէի համար այնքան ալ սիրելի չի թուեցաւ այդքան շուտ
տուն երթալ, բայց քանի որ իր էրիկը ոտքի կանգնած՝ Եր-
թալու պատրաստուեր էր արդէն՝ չուղեց ընդդիմանալ։

— Դարձեալ կը տեսնուինք, Երուանդ. այս հանդի-
պումը իրապէս երջանկութիւն պատճառեց ինծի։ Բարի գիշեր։

Եւ ժպիտը իր կախարդական ու երազուն աչքերուն
մէջ՝ ձեռքի տաք սեղմումով մը՝ նէ բաժնուեցաւ Երուանդէն։

Երուանդի համար Ատրինէի սիրալիր հանդիպումը
տուեղծուածային երեւոյթ մը կը ստանար. իր միտքը չէր գո-
րեր ըմբոնելու ներա այնքան պատ ու հրապուրիչ վերաբեր-
մունքը։ Նա անկարող կը զգար վերլուծելու ներա վերջին
խօսքերը։ «Դարձեալ կը տեսնուինք, Երուանդ. այս հան-
դիպումը իրապէս երջանկութիւն պատճառեց ինծի։» Նա չէր
կրնար երեւակայել թէ ինչո՞ւ այդ գեռատի կինը երջանիկ կը
դգար իր առաջին հանդիպումով։ Դիւրազգած եւ անմեղ պա-
տանիի մը սիրտը. յաճախ կը սիրէ խաղալ գեղեցիկ կնոջ մը
արտասանած ամէն մէկ բառին հետ, եւ իր զգացումներուն մօ-
տիկ ու նպաստաւոր նշանակութեան մը հետ կ'ուղէ կապել նե-
րա ամէն մէկ խօսք, ամէն մէկ չեշտ, ձայնի ամէն մէկ թրթւ-
ռում, մարմնական ամէն մէկ շարժում ու նայուածքներու ա-
մէն մէկ թարթում։ Երուանդ եւս՝ դիւրազգած ու երազող
պատանի մը՝ կը սիրէ օրորուիլ Ատրինէի գիւթիչ խօսքերու
ձզօրին մէջ . . .

Նա ոչինչ գիտէր Ատրինէլի եւ Մարկոսի մասին . անոնց անցեալը մուլթ էր իրեն : Բայց որքան ալ որ անտեղեակ անոնց անցեալի պատմութեան՝ Երուանդ շատ որոշ կերպով կրնար կարդալ իրենց գէմքերուն վրայ՝ ներկայ օրերու անոնց առումները : Առաջին ակնարկին խոկ՝ երենա լսեց որ այդ մանկամարդուհին իրեն ընկերացող պարոնին կինն էր՝ Ատրինէլի գոյութիւնը առեղծուածային դարձաւ Երուանդի համար : Նա չէր կրնար հաւատաւ իր լսածին : Առաջին նայուածքով՝ իր միտքին մէջ ծագող ենթագրութիւնը՝ թէ այդ անծանօթները միայն հայր եւ դուստր կրնան ըլլալ՝ կը հերքուէր իր քրոջ, տիկին Սերոբեանի կողմէն : Երուանդ իրողութեան մը առջեւ կը գտնէր ինքզինք, թէեւ իր միտքը չէր կրնար համակերպիւ այդ իրողութեան հետ : Զրկանքի ու անարդարութեան պատկեր մը կը տեսնէր նա այդ իրողութեան ետեւ :

Մարկոս Մեծիկեանի արտաքին երեւոյթը, անոր շարժուձեւերն ու արտայայտութեան ընդհանուր եղանակը՝ շատ փայլուն կերպով կը պատկերացնէին իր ներքին մարդը : Քանի մը վայրկեանի տեսակցութեան ընթացքին՝ կարելի էր կարդալ անոր կեանքի ամբողջ պատմութիւնը : Պարզ, շատ պարզ մարդ մըն էր : Բաղադրեալ ու անհաւականութիւնը կնճոռառութեան մէջ որոնող եսէն բոլորովին հեռու կը գտնուէր նա : Իր նկարագիրը կամ ներքին մարդը ճանչնալու համար՝ պէտք չի կար անոր միտքին կամ հոգիին մէջ դեղերումներ կատարելու ու երկար բարակ վերլուծումի ենթարկելու անոր արտայայտած ամէն մէկ դաղափար : Այդ գեղերումներն ու վերլուծումները՝ պարզ ու խաղաղ պարապութեան մը մէջ՝ որ իր միտքի ու հոգիի իսկական պատկերը կը ցուցնէր՝ շատ շատ, հինգ վայրկեանի վատնում կարող էին պատճառել : Իր միտքի մէկ ծայրէն մինչեւ միւս ծայր ո եւ է անհարթութիւն կարելի չէր նշմարել . ամէն ինչ հարթ ու հաւասար էր անոր ուղեղին մէջ՝ ինչպէս Սահարա անապատ՝ թէեւ ո՛չ նոյնքան ընդպարձակածաւալ : Սիրտն ալ՝ իր միտքին պէս՝ տափակ ու

դատարկ պատեան մը կը ներկայացնէր : Խաղաղ ու անալիք՝ ինչպէս պղտիկ փոսի մը մէջ կուտակուած մէկ երկու սափոր ջուր : Իր յոյզերը կարծեւ երկար տարիներ առաջ՝ հրաժարեր էին իրենց պաշտօնէն : Իր խանդն ու աւիւնը, բաղձանքներն ու երիտասարդական խոռվշները ցամքեր ու կծկուեր էին այդ թափուր պատեանի մէկ մուլթ անկիւնը : Գուցէ շատ չանցած՝ իր սիրտը բոլորովին դադրէր բարախելէ :

Մարկոս Մեծիկեանի արտաքին երեւոյթը իր միտքի ու հոգիի իրական հայելին էր : Մօտաւորապէս վեց ոտք՝ բարձրահասակ ու գէր մարդ մը : Յիսուն տարիներու բեռը տակաւին կրցած չէր ծուել անոր կոնակը . բարտիկ մը պէս ուղիղ էր անոր հասակը : Հակառակ իր տարիքին՝ զլուխը խիտ, չէկ մազերով ծածկուած կը մնար տակաւին . միայն ականջներուն բոլորսիքը՝ գրեթէ մէկ մատնաչափ գէպի վեր՝ մազերը ձերմկիւ սկսեր էին : Իր թաւ յօնքերը եւ գլուխի առատ մազերը՝ նեղուցեր էին իր ճակատը՝ որ բլուրի մը ձեւն ունէր : Աշքերը՝ խոշոր ու ճպոստ, կշտացած եղի մը պաղ ու անտարբեր արտայայտութիւնը կը կրէին : Նա ամէն ինչ գեղին կը տեսնէր՝ իր խոչոր ակնոցներու պատճառով, որ հանդարտ չէին մնար իր մսուա՝ տափակ քիթին վրայ : Քիթը գրեթէ հաւասար էր իր ճակտին : Հաստ շրթունքները՝ Ափրիկէի սեւուկները կը յիշեցնէին : Երեսները աւելի կարմիր, պղնձազոյն էին քան ճերմակ : Դէմքը՝ իր ամբողջութեան մէջ՝ բոլորաձեւ՝ իր մարմինին հետ չափական ու համագիր էր : Զեռքերը՝ թանձը ու կոչտ, մատերուն ծայրերը՝ եղունգներուն տակ՝ սեւ, աւելի տձեւ ու տգեղ չէին կրնար ըլլալ : Զեռքերու այդ տձեւութիւնն ու կոչութիւնը հաւանաբար իր արհեստէն ժառանգած էր :

Ահա! Մարկոս Մեծիկեանը իր միտքի ու մարմինի, սիրտի ու հոգիի մէրկ պատկերին առջեւ : Գէթ այս էր Երւանդի առաջին տպաւորութիւնը :

Իսկ Ատրինէի թողուցած տպաւորութիւնը հիմնովին տարբեր էր։ Նէ՛ հազիւ քսան կամ քսանըմէկ տարեկան պարմանուհի մը՝ գեղեցիկ կնոջ մը բոլոր բարեմասնութիւնները կարծես ժառանդած ըլլար — նուրբ ու քնքոյշ շարժուձեւեր, նայուածքներու երազուն ու զիւթական թարթումներ, մարմինի ներդաշնակ նաղանքներ, ձայնի քաղցրահունչ թթուումներ՝ մարմնական գեղեցկութիւններուն հետ՝ Ատրինէի գոյութեան ամէնէն էական տարբերը կը կարմէին։ Ներա մութխարտեաչ վարսերը՝ որ ծածկած էին իր ճակատն ու ականջները՝ աւելի հրապուրիչ տեսք մը տուեր էին իր ճերմակ, քիչ մը տժգոյն դէմքին։ Ներա խաժ աչքերը՝ որ շատ խոր չին դետեղուած իր դէմքին վրայ՝ բացառիկ գեղեցկութիւն մը կուտային իր կլորաձեւ այտերուն։ Ժաղիտ մը, շատ թէթեւ բայց դիւթական՝ իր մնայուն փայլը կը պահէր ներա դէմքին վրայ՝ ժամերով՝ առանց փայլիկան մը խոկ խոյս տալու։ Իսկ ինգումի իր շնորհալի ձեւերուն մէջ՝ իր ձիւնափայլ՝ համադիր ատամները մասնաւոր քնքութիւն մը կը աիսէին ներա կնոջական դիմագիծին վրայ։ Կրակի փայլունութիւն մը կար ներա ըիրերուն մէջ, անծանօթ ու կախարդական ոյժ մը՝ որ իր շուրջ գտնուողներու նայուածքները իրեն կը քաշէր՝ մագանիսի մը պէս։ Ներա ձիւնաթոյլը՝ փափուկ ձեռքերը՝ այնքան շնորհալի ու նուրբ իրենց շարժուձեւերով՝ գեղեցկութեան ուրոշ տարբ մը կը կազմէին Ատրինէի գոյութեան մէջ։ Բնութիւնը ո՞չինչ խայած էր ներա մարմնական հարստութիւնը կատարեալ դարձնելու համար։ Գեղեցկութիւն մըն էր Ատրինէն՝ իր փոքրիկ ոտքերէն մինչեւ իր հարուստ վարսերը։

Ահա՛ առաջին տպաւորութիւնը՝ որ Երուանդի միտքը սկսաւ շարչրկել ու առեղծուածային դարձնել Ատրինէի գոյութիւնը։ Ի՞նչ ոյժով էր որ կը կառավարուէր այդ գեղեցիկ կինը։ Ի՞նչպիսի բոյն մըն էր ներա անծանօթ սիրտը։ Ի՞նչ ծրագիրներ կամ խորհուրդներ կը դառնային ներա միտքին մէջ։ Ի՞նչ գործ ունէր այդ թարմ ու կայտառ գեղեցկուհին՝ այն

ցամքած ու սառ ծերուկին հետ։ Ահա՛ իրթին ու միտքը չարչըրկող հարցեր՝ որ Երուանդի ուղեղին մէջ կը թափառէին՝ ամէն անդամ երբ առիթը ունենար Ատրինէի մասին մտածելու։

Ատրինէի յաճախակի այցելութիւնները՝ շաբաթը երկու երեք անդամ՝ առեղծուածային կը դարձնէին իր գոյութիւնը Երուանդի միտքին մէջ։ Իւրաքանչիւր այցելութիւն նոր տպաւորութիւն մը կը թողուր Երուանդի վրայ։ Միակ եղակացութիւնը՝ զոր նա կրնար հետեւցնել Ատրինէի խոսքերէն՝ սերտ մտերմութիւն մը մշակելուն մէջ կը կայանար։ Նէ կ'ուղէր ծանօթանալ Երուանդի մտածումներուն հետ։ օրէ օր՝ աւելի մօտիկնալ անոր սիրտի զգացումներուն։ Իր սիրտը կ'ուղէր բանալ անոր երիտասարդ սիրտին առջեւ։ Կեանքի մէջ իր կրած զրկանքները կը բաղձար պատմել անոր՝ որ կրտասարդ էր ու կրնար հասկնալ այդ զրկանքներու իրական նշանակութիւնը։ Իր սիրտի վէրքերը կը փորձէր բանալ Երուանդի կայծկլտուն աշքերուն առջեւ՝ որոնք թարմ շատ թարմ ու խորունք վէրք մը բացեր էին չո՞ն, Ատրինէի սիրտին մէջ։ Կը բաղձար, ամբողջ հոգիով կը փափաքէր պատմել Երուանդին՝ իր վանդակուած սիրտին թշուառութիւնը, բայց միշտ ալ արգելք մը կը ստեղծուէր, չէր կրնար զայն առանձին գոտնել տիկին Սերորեանի տունը։

Նէ ամէն անդամ երբ իր այցելութիւնը կ'ընէր՝ նոր ծրագիր մը ունէր իր միտքին մէջ՝ Երուանդը առանձին տեսնելու համար։ Վերջապէս օր մը, երկու ամիսներու շարունակական այցելութիւններէ վերջ՝ Ատրինէն կրցաւ յայտնել Երուանդին թէ ինք կը փափաքէր բոլորովին առանձին տեսնել զինք տեղ մը՝ ուր պիտի կարենային խօսիլ աւելի աղատ ու համարձակ։ Երկուքի համաձայնութեամբ՝ յաջորդ օր ժամը մէկին, Ֆրէնոյի հանրային պարտէղի մը մէջ պիտի հանդիպէին իրարու։

Ատրինէի կեանքի պատմութիւնը լսելու հետաքրքրու-

թիւնը ա'յնքան զօրաւոր էր Երուանդի մէջ՝ որ այդ գիշեր հա-
ղիւ թէ չորս-հինգ ժամ կրցաւ քնանալ: Իսկ Ատրինէի համար
յաջորդ օրը տարիի մը չափ կ'ուշանար կարծես:

Յաջորդ առաւօտ՝ Երուանդ շատ կանուխ ելած՝ կը
պատրաստուէր այն ժամադրութեան համար՝ որ մեծապէս
պիտի հաճոյացնէր իր զգացումները: Ժամը դեռ տասերկուք
չէր եղած երբ նա աճապարանքով զուրս ելաւ տունէն եւ իր
քայլերը ուզզեց դէպի Թուլարի փողոց՝ ուրկէ հանրակառքով
հանրային պարտէզը պիտի երթար, իրենց ժամադրավայրը՝
որ միայն երեք մղոն հեռու էր քաղաքին: Տասնլհինդ վայր-
կեանէն՝ նա արդէն հանրային պարտէզը հասած էր, եւ խու-
զարկող նայուածքներով իր չուրջ կը դիմէր: Քսան վայրկեան
վերջ՝ հանրակառք մը նորէն պարտէզին կը մօտենար: Դե-
ռատի աղջիկ մը՝ խիստ աճապարանքով՝ փետրազարդ գլխարկ
մը ձեռքը՝ վար կ'իջնէր հանրակառքին ու իր մետաքսէ շրջադ-
գնսուը հովին տուած՝ դէպի պարտէզը կը յառաջանար: Ատ-
րինէի նոր հազուստները, մազերու նորաձեւ շակումն ու տա-
րօրինակ շարժումները՝ բոլորովին տարրեր անձ մը կը ներկա-
յացնէին զինք: Դեռ քսան քայլ հեռու Երուանդէն՝ նէ սկսու
վազել ոստոստուն թուունի մը պէս՝ իր դիւթիչ ու անրաժան
ժպիտը աչքերուն մէջ:

— Հըլօ՛, Երուանդ, ի՞նչպէս ես այսօր . . .

Ու ձեռքի տաքուկ սեղմումով՝ նէ պահ մը Երուանդի
շուարուն աչքերուն մէջ պտացուց իր կնոջական ասինքնող ժը-
պիտը՝ որ այդ օր, առաւել քան երբէք, դիւթիչ ու կարօտա-
րազ կ'երեւար: Քով քովի անոնք սկսան քալել դէպի պար-
տէզին ամենէն հեռաւոր ծայրը՝ ուր այցելուներու համար,
կանանչներու եզերքին՝ նստարաններ կային շարուած:

— Զե՞ս ուղեր, Երուանդ, քիչ մը հանգչիլ այս նստա-
րանին վրայ:

— Ինձ համար քալելը առելի հանգչիլ այս նստա-

դուն յոդնած ես՝ կրնանք հանգչիլ քիչ մը:

— Այո՛, շատ քալեցինք . . . եւ յետոյ՝ աւելի կը նա-
խընտրեմ նստած խօսիլ քան թէ ոտքի վրայ:

Ու անոնք, քով քովի, իրարմէ միայն երեք մասնա-
չափ հեռու նստած՝ պահ մը իրարու սկսան նայիլ՝ բոլորովին
լուռ, կարծես իրենց նայուածքներով կ'ուղէին խօսիլ: Երկու-
քըն ալ կը ջանային խօսակցութեան նիւթ մը գտնել. իրենց շըր-
թունքները կը շարժէին մերթ ընդ մերթ՝ բայց ոեւէ ձայն
զուրս չէր գար իրենց կոկորդէն: Այդ անորոշ լուռթիւնը տի-
բեց աւելի քան տաս վայրկեան, եւ գուցէ աւելի երկար տեւէր՝
եթէ Ատրինէին յանկարծ խօսք չի բանար թուուններու քաղցրա-
հունչ դայլայլի մասին:

— Ի՞նչ քաղցը է թուուններու երգը. տե՛ս, Երուանդ,
տե՛ս այն թուչունը որ կը ճակարէ օդին մէջ . . . այնքա՞ն ազատ
ու երջանիկ . . .

Ատրինէի վերջին բառերուն մէջ թրթում մը, գող
մը կար. իրաքանչիւր վանկ գողով մը՝ շեշտով մը գուրս կը
թուչէր ներա բուստէ շրթունքներէն, որ կամաց կամաց՝ կար-
ծես տժդունիլ կը սկսէին:

Երուանդ իր աչքերը Ատրինէին գարձուց՝ ճախրող
թուունը գիտելէ յետոյ. յանկարծական շուարում մը սկսաւ
շրջիլ իր նայուածքներուն մէջ. Հո՛ն, Ատրինէի աչքերուն խո-
րը՝ ժպիտը հոգեմաշ տրամութեան մըն էր փոխուած. այն
դիւթիչ ու երազուն ժպիտը խոյս էր տուած ներա սիրուն դէմ-
քէն եւ քնքոյշ տժդունութիւն մը՝ առաւօտեան շաղի պէս՝ կը
սկսէր տարածուիլ ներա փափուկ այտերուն վրայ:

Ատրինէի սիրու յուզուած էր՝ բնութեան ազատ ծոցին
մէջ ճախրող թուուններու երջանիկ նոուղիւնէն . . .

— Ազատ ու երջանի՛կ են թուունները . . . Կարծես

ամէն մարդ երջանիկ կ'երեւի այս ընդարձակ աշխարհին մէջ . . . Միայն ես, Երուանդ, միայն ես դժբաղդ եմ ծընած . . . ապերջանիկ .

Նէ կ'ուզէր շարունակել իր խօսքը, բայց սիրով ա՛յնքան արագ կը բարախէր ու իր գողդոչուն ձայնի թրթոռումները այնքան կ'ուշանային դուրս թռչելէ՝ որ անկարելի կը դանէր իր հոգիին խորունկ վիշտը բառերով արտայայտնէ: Նատարանին կոթնած՝ ձախ ձեռքը երեսին՝ նէ իր մելամաղձոտ նայուածքները Երուանդի շուարուն նայուածքներուն դարձուց: Լուս էին դարձեալ:

Երուանդի համար՝ Ատրինէի գոյութիւնը՝ առաւելքան երբէք՝ առեղծուածային կը դառնար. բայց իր առաջին ապաւորութիւնը՝ զոր նա ստացած էր Մարկոս Մեծիկեանի այցելութենէն՝ կամաց կամաց աւելի կը խորունկնար իր միտքին մէջ: Նա զրկանքի ու անարդարութեան սեւ պատկեր մը տեսած էր այդ զոյգի կեանքին մէջ՝ երր իր քոյլը, տիկին Սերուբեան՝ առաջին անգամ յայտնեց որ այն դեռատի աղջիկը իրեն ընկերացող ծերուկի տիկինն էր: Այն հարցումները՝ թէ այդ մանկամարդուհին ի՞նչպէս ինկած էր Մարկոս Մեծիկեանի ձեռքը, նէ ի՞նչպէս կրնար ապրիլ այդ մարդուն հնատ, ի՞նչ ոյժ էր որ կը կապէր Ատրինէն այդ թշուառական ծերուկին, այն առեղծուածային հարցումները որ երկու ամիսներէ ի վեր կը թափառէին Երուանդի միտքին մէջ առանց որոշ լուծումի՝ այժմ աւելի ուժին քան երբէք՝ կը միոթորկէին անոր միտքը: Առանց սպասելու որ Ատրինէն խօսք բանար նիւթի մը մասին, Երուանդ մէկէն սկսաւ խօսիլ եւ հետաքրքիր շեշտով մը հարցուց,

— Ո՞ւր կը բնակին հայրդ ու մայրդ:

Ատրինէն Երուանդի աչքերուն նայեցաւ շեշտակի եւ թեթեւ ձայնով մը պատասխանեց,

— Հայրս մեռած է, մօտաւորապէս ինը տարի առաջ երր դեռ Ամերիկա եկած չէի. իսկ թշուառ կեանքիս միակ պատճառը՝ իմ անգութ մայրը, որ կ'ուզէր զիս երջանիկ տեսնել շարունակ՝ անդառնալիօրէն բաժնուցաւ այս աշխարհէն երկու տարի առաջ՝ ինծմէ հեռո՛ւ: Մայրս չ'ապրեցաւ տեսնելու իր դժբաղդ աղջկան ներկայ թշուառութիւնը, ապերջանիկ կեանքը . . .

Ատրինէի վերջին խօսքերը իր մայրիկի մասին՝ յուղումի չեշտերով դուրս կը թռչէին իր շրթունքներէն: Կ'ուզէր խօսիլ, իր կեանքի պատճութիւնն ընել Երուանդին՝ որ հետաքրքիր նայուածքներով ներա դէմքի յուղումը կը դիտէր:

— Այս, շատ կանուխ հեռացաւ մայրիկս այս աշխարհէն ու չի կրցաւ տեսնել թէ ի՞նչպիսի մարդու մը կեանքին ուղած էր կապել իր մէկ հատիկ աղջկան բաղդը:

Երուանդի հետաքրքրութիւնը ա՛յնքան զօրաւոր կը դառնար իր մէջ որ չէր կրնար աւելի երկար սպասել Ատրինէի սմունական կեանքի պատճութիւնը լսելու:

— Արդեօ՛ք պիտի ուզէի՞ք ձեր Ամերիկա դալու պարագաներու մասին կարգ մը ծանօթութիւններ տալ:

— Շատ սիրով, ինչո՞ւ չէ: Անկեղծ ըլլալու համար ըսեմ որ այդ էր քեզ առանձին տեսնելու միակ նպատակս:

Ատրինէն՝ որ չափէն աւելի գոհ կը զգար Երուանդի ցուցուցած հետաքրքրութիւնէն, իր միտքը ամփոփելու ջանք մը ըրաւ ու չնորհալի թեթեւութեամբ մը աւելի մօտենալով Երուանդին՝ սկսաւ իր աննախանձելի կեանքի վերջին վեց տարիներու պատճութիւնն ընել:

— Տասնըհինգ տարեկան զուարթ ու երջանիկ աղջիկ մըն էի, մայրիկիս մէկ հատիկ աղջիկը: Այս օրուան պէս կը յիշեմ այն սեւ Ուրբաթ օր՝ երր դպրոցէն վերադարձի՛ մայրս

Երկու անձանօթ հիւրերու ներկայացուց դիս։ Վախուն տարեկանի մօտ ճերմկած մարդ մըն էր հիւրերէն մէկը. իսկ կինը հազիւ քանուհինդ տարեկան ըլլար։ Զէի պիտեր իրենց այցելութեան նպատակը։ Քանի մը վայրկեան վերջ՝ աչքերս յանկարծ լուսանկարի մը հանդիպեցան՝ որ պատուհանին քով գտնուող սեղանի մը վրայ զետեղուած էր, մայրիկիս հետ նոր քաշուած լուսանկարիս կից։ Հետաքրքութեամբ պատուհանին մօտեցայ՝ լուսանկարը մօտէն տեսնելու համար։ Գեղադէմ ու կայտառ երիտասարդի մը լուսանկարն էր ան։ Երբ տակաւին այդ պատկերին յառած՝ կը պատրաստուէի մայրիկիս հարցում մը ուղղելու խովուու հաստ ձայն մը ականջիս հասաւ. «Բաղդաւոր ես, աղջիկս, շուտով կ'աղատուիս այս աւրակ երկրէն։» Զի կրցայ հասկնալ թէ ի՞նչ ըսել կ'ուղէր այդ ծերունին։ Երբ մայրիկիս մօտենալով կը փորձէի մէկ երկու բառ փսփսալ իր ականջին՝ տիկին Մաքուր—յետոյ իմացայ որ իր էրկան անունն ալ Մարդարա աղա էր—բռնեց ձեռքս ու զիս իրեն մօտեցուց. յանկարծ սկսաւ համբուրել երկու երեսներու. «Աստուծոյ կամքն է, աղջիկս . . . Տեսա՞ր ի՞նչ գեղեցիկ երիտասարդ մըն է տագրս, Աստուծ բարի վայելում պարզեւէ։» Դարձեալ չէի հասկնար թէ ի՞նչ կ'անցնի կը գառնայ։ Կէս ժամ վերջ՝ հիւրերը մեկնած էին արդէն։ Մայրիկս կիս իր ծունկին նստեցուց եւ սկսաւ անոնց այցելութեան նպատակը յայտնէլ։ «Ձագս, աշխարհի օրէնքն այս է,» ըստ մայրս, «օր ճը չէ օր մը պիտի հեռանաս ինձմէ . . . բաղդդրարի է։ Մարդար աղան եւ իր կին տաս անդամ կ'ընէ որ հոս կուզան քու ձեռք ինդրելու Մարկոսի համար։ Կը տեսնե՞ս ի՞նչ գեղեցիկ երիտասարդ մըն է Մարգար աղայի ամենէն փոքր եղբայրը։ Դժուարս կուգար այդ մատաղ տարիքիդ բաժնուիլ քեզմէ։ Խօսք չի տուի առաջին անդամ, բայց երբ դրացիներէն իմացայ որ Մեծիկեաններ պատուաւոր գերգաստանէ են, իրենց տան տեղին տէր, պրն. Մարկոսն ալ Ամերիկայի մէջ պատուաւոր երիտասարդ մը, նիւթապէս բարուոք, տան ու կալուածի տէր, քանի մը օր խորհելէ եւ հօրաքրոջ

խորհուրդը առնելէ յետոյ՝ այսօր յայտնեցի իրենց իմ յօժար կամքը։ Աղջիկս, երջանկութիւնդ ի՞նչովէս կրնայի հեռացնել քեզմէ՝ որ Ամերիկայէն մինչեւ դուռս հասած էր։ Ճակատագիրը է, ձա՛գս, Ամերիկա, խաղաղ երկիր պիտի երթաս։» Այդպէս կը խորհէի նաեւ ես, ո՛չ, ես խորհէիլ չէի զիտեր, այդպէս կը խորհէր մայրս իմ մասին, ճակատագիրս էր, Ամերիկա՛, Ամերիկա՝ պիտի մեկնէի։

Երկու շաբաթէն՝ բոլոր պատրաստութիւնները տեսնըուած՝ Մարգար աղայի հետ ճամբայ պիտի ելլէի։ Մայրիկէս բաժնուելու օրը միտքէս չանցնիր։ Կը յիշեմ թէ ի՞նչպէս վերջին անդամ զիս իր մայրական կուրծքին սեղմեց. իր արցունքներու տափութիւնը գեռ երեսներուս վրայ կը զգամ։ Զէր կրնար բաժնուիլ ինձմէ։ «Ճակատագիրն է, տուտու, աղջկանըդ ճակատագիրն է, բաղդաւոր է որ Ամերիկա կ'երթայ,» այսպէս կը խօսէին դրացիները ու կը ջանային մխիթարել զինք։ Քանի մը վայրկեանէն բաժնուած էինք իրարմէ, առանց գիտնալու որ յաւիտենական բաժանում մը պիտի լինէր այդ։

Մարտու մը կարծես սկսաւ տարածուիլ Ատրինէի համակ էութեան մէջ. կը գողար, նշմարուելու աստիճան՝ մինչ իր վերջին խօսքերը, գողգոջուն շեշտերով՝ դուրս կը թռչէին իր ցամաք կոկորդէն։ Երկար չունչ մը քաշեց հեւալէն, փորձեց իր սիրտին յուրումը զսպել՝ որ կրակի ուկս կը փայլէր իր խոնաւ աչքերուն մէջ, ու սկսաւ շարունակել իր ողբերգական պատմութիւնը —

— Երկու ամիսէն Ամերիկա հասանք, 1908-ի Սեպտեմբերին. ու հինգ վեց օր վերջ արդէն այս անիծեալ քաղաքը ժամանած էինք։ Կայարանին առջեւ մարդ մը եւ կին մը մեզ գիմաւորելու եկած էին։ Մարգար աղայի խօսքերէն կը քայլ հետեւցնել որ այդ կինը, գրեթէ յիսունըհանդ տարեկան, իր քոյրն էր։ Առանց ոեւէ ծանօթութիւն տալու կնոջ հետ ե-

զող մարդու մասին . միաձի կառքի մը մէջ առաջնորդեցին զիս ,
ու տասը տասնըհինդ մզոն ամայի ճամբաներէ անցնելէ վերջ՝
արդէն հասած էինք Սէլմա , Մարդար աղայի քրոջ տունը : Չա-
փազանց յոդնած կը զգայի , բայց միտքիս մէջ եղող խորհուրդ-
ները չի թողուցին որ քնանայի այդ գիշեր : Կը փափաքէի
նշանածու տեսնել , որ երեւի հեռու տեղ մը կը գտնուէր ու դեռ
չէր լսած իմ ժամանումը : Յաջորդ առաւօտ ժամը տասին՝
կայարանին առջեւ մեղի հանդիտող մարդը , վարդապետի մը
հետ՝ ներս մտաւ : Անոնց ետեւէններս կ'ուղէին գալ նաեւ
ծեր կին մը ու երիտասարդ մը — յետոյ իմացայ որ դրացի-
ներ էին — : Տիկին Մարիամ , Մարդար աղայի քոյլը , մէկէն
անոնց դէմը կտրեց եւ բարեկամական չեշտով մը՝ որ կեղծիք
էր ամբողջովին՝ լսելի ձայնով մը ըստաւ . «Այսօր չէ՛ , այսօր
չէ՛ . մեր ամենամօտիկ ազգականն իսկ հրաւիրած չենք . տարին
երկար է , վաղ իրիկուն մեղի հրամմեցէք , մեր հրասի սիրուն
ինջոյք մը պիտի տամ բոլոր դրացիներուն» : Զանոնք ճամբու-
դնելէ վերջ՝ տիկին Մարիամ , հիւրանոցին կից , սենեակս մը-
տաւ , ուր կը սպասէի անհամբեր՝ առանց դիտնալու թէ ի՞նչ
կ'անցնէր կը դառնար այդ տունին մէջ : Ինձի մօտենալով՝
ամուր մը կուրծքին սեղմեց զիս ու սկսաւ երկու երեսներու-
համբուրել :

— Աստուած վայելում տայ , ձագս . Մարկոս եղբայրու
վարդապետին հետ քիչ առաջ տուն հասաւ . եկուր ձագս ,
մեղի կը սպասեն :

Ու թեւէս բոնած՝ զիս հիւրանոց տարաւ : «Ահա՝
Հարսս , Սըրբազան . ձագս ,» ականջիս փափսաց տիկին Մա-
րիամ , «մօտեցիր իր աջը համբուրէ :» Մինչ ես մեքենաբար
անոր խօսքը կը կատարէի՝ վարդապետը հաստ ու տիրական
ձայնով մը՝ ձախ ձեռքը գլուխիս դրած՝ յարեց , «Աստուած
օրհնէ՛ , Աստուած օրհնէ՛ քեզ , աղջիկս :» Երկու վայրկեան
վերջ՝ վարդապետը ոտքի կանդնեցաւ իր մօրուքը շոյելով ,
դրազանէն գիրք մը հանեց ու սկսաւ արագ արագ կարդալ . մի-

ոյն քանի մը բառ կրցայ հասկնալ՝ որովհետեւ կարդացածը
գրաբառ էր : Կայարանին առջեւ մեղի հանդիպող մարդը կա-
մաց կամաց ինձի կը մօտենար : Տիկին Մարիամ՝ ետեւ
կանդնած՝ ականջս ի վար կը փափսար միշտ ու թելադրութիւն-
ներ կ'ընէր . «Չա՛գս , ձախ ձեռքը Մարկոսին երկնցուր :» Այդ
տեսն միայն հասկցայ որ կայաբանին առջեւ մեղի հանդիպող
մարդը՝ Մարկոսն էր : Մինչ ես մեքենաբար , անդիտակցօրէն ,
ա՛խ , անդիտակցօրէն , տիկին Մարիամի թելադրութիւնը կը
կատարէի , աչքերս գրեթէ դոց , երկու կողին ձեռքեր ձեռ-
քիս դպան , ու այս գերութեան օդը մատաս անցուցին : Չայն
չի հանեցի , վախ մը , սարսափ մը պատած էր հոգիս ու ամբողջ
մարմինս կը գողար : Մէկին գլուխս դառնալ սկսաւ , կիսա-
խուսի աչքերուս առջեւ ամէն ինչ կը շարժէր կարծես : Կէս
ժամէն հազիւ կրցայ ուշքի գալ . մահիմիս վրայ երկարած գը-
տայ ինքինքս , քովս՝ տիկին Մարիամ՝ հովահար մը ձեռքը :
Վարդապետը մեկնած էր , այն օձի ծնունդը՝ որ կեանքս Մար-
կոսին կապեց :

Ատրինէի վերջին բառերը՝ մեղմ ու նուազուն թրթը-
ուումներով՝ իր հոգիին մէջ կուտակուած վիշտը կը ցոլացնէին .
այդ վիշտը՝ որ վեց տարիներէ ի վեր բոյն էր դրած իր սիր-
տին մէջ , կրծած էր իր թարմ էութիւնը շարունակ՝ այժմ ա-
ւելի ուժգործէն կը ցնցէր իր նուրբ ու չնորհալի մարմինը . . .
ու անխօս , անլեզու , լուս վիշտը ներա աչքերն ու տժգունած
այտերը կը թոշէր : Նէ դուրս հանեց իր թաշկինակը , մէկ
երկու երկլայրկեան այդ թաշկինակին նայեցաւ՝ որ կարծես
նոր խորհուրդ մը , չին յիշատակ մը կ'արթնցնէր իր մէջ , իր
արցունքուտ աչքերն ու այտերը սրբեց անով ու հեկեկալէն յա-
րեց .

— Անգութ , անգութ մայր , թաշկինակ մը նուիրեցիր
անբաղդ աղջկանդ՝ իր արցունքները սրբելու համար . . .
երեւի գիտէիր երջանիկ օրերուս վիշտին խորունկութիւնը . . .

Նէ թաշկինակը աչքերուն տարաւ նորէն . գլուխը

Առ կը ցնցէր իր համակ էութիւնը :

Երուանդ չուարած՝ ինչ ընելիքը չէր գիտեր : Աստինէի յուզումը մեղմացնելու համար՝ նո կը ջանար բոլորու կախ, դէմքը ձեռքերուն մէջ առած՝ կը հեւար ու սիրտին դովին նոր նիւթի մը մասին խօսք բանալ . բայց իր միտքը այնքան տարուած էր ներա ամուսնական կեանքի պատմութեամք՝ որ ո՛չ մի բանի վրայ կրնար խորհիլ . իր միտքը կարծես դադրած էր դործելէ :

— Արդեօք չէ՞իք ուզեր տուն երթալ եւ հանգստանալ . . .

Ասրինէն գլուխը վեր բարձրագուց, Երուանդի աչքերուն յառեցաւ պահ մը, սիրալ թեթեւցած կ'երեւար կարծես ու մեղմ ժպիտ մը՝ վերջալոյսի նուազուն ցոլքի մը պէս՝ կամաց կամաց կը սկսէր միայլիւ ներա աժգունած դէմքին վրայ :

— Դեռ շատ կանուխ է, Երուանդ, հոս աւելի հանդիսա կը զգամ . . .

Երուանդ հասկցաւ որ Ասրինէն կը վափաքէր շարունակել իր պատմութիւնը :

— Շատ լաւ, տիկին . չէ՞օք ուզեր վոքրիկ պառյոտ մը ընել պարտէղին մէջ :

— Այո՛, Երուանդ, բաւական ատեն է որ հոս նստած ենք . . . կ'արժէ քիչ մըն ալ բնութեան գեղեցկութիւնները դիտել . . . Բնութիւնը այսօր շատ աւելի հրապուրիչ կ'երեւի . . .

— Պարզապէս սքանչելի՛ է, տիկին . . . մարդու սիրտը տեսակ մը խայտանքով կը լեցուի բնութեան ազատ ծոցին մէջ . . .

— Միայն քանի մը ժամ . . .

Խօսելով ոտքի ելան անոնք ու քով քովի սկսան կամաց կամաց յառաջանալ դէպի պարտէղին միւս ծայրը :

— Միայն քանի մը ժամ, Երուանդ, երբ արեւ է ու սլայծառ, եւ բնութիւնը մոռցնել կուտայ ամէն ինչ . . . Իսկ երբ գիշերը վրայ կը հասնի եւ մենութեան խոհերը կը սկսին պաշարել մարդու միտքը՝ զդայուած հոգին դարձեալ շըդթայուած կը գտնէ ինքզինք . . . Այս է եղած վերջին վեց տարիներու փորձառութիւնը : Երբ հոգիս չափէն աւելի կը սկսի խոռվիլ տունի ներ բանտին մէջ՝ ինքըինքս դուրս կը նետեմ, պարտէղի մը կամ թատրոնի մը մէջ՝ ինքնամոռացումի քանի մը վայրկեաններ ապրելու համար :

Երուանդ՝ նկատելով որ Ասրինէի յուզումը իջած էր բոլորովին՝ խօսակցութեան նիւթը փորձեց ներա ամուսնական կեանքի շուրջ դարձնել նորէն :

— Ի՞նչ է պըն . Մեծիկեանի զբաղումը :

Ասրինէն կարծես պահ մը ուզեց խորհիլ Երուանդի հարցումին պատասխաննեկ առաջ :

— Արհեստ մը չունի . միայն ամլուստ մը ճարելու համար՝ վերջերս փորձեց կօշկակարութիւն ընել . մինչեւ հիմա յաջողութիւն մը ձեռք բերած չէ . իր ծխախոտի գրամը հաղիւ հազ կը հանէ . . . Ծոյլ է, չի սիրեր աշխատիլ . . . իր ժամանակին մեծ մասը հոս ու հոն թափառելով կ'անցունէ . . .

Ասրինէի խօսքերը՝ իր էրկան հասցէին՝ այնքան սառնօրէն դուրս կը թռչէին՝ որ Երուանդ այլեւս բոլորովին համարձակ, վափկանկատութիւնը մէկ կողմ դրած՝ սկսաւ բուն կէտին մօտենալ :

— Կը յիշես անշուշտ, որ պատմութիւնդ չի լրացուցիր . . .

— Այս՝ կիսատ թողուցիւ յուղումս թոյլ չէր տար որ շարունակէի այն ատեն։ Եկուր այս մարզագեանի վրայ նստինք . . .

Ատրինէն իրապէս երջանիկ կը դդար ինքզինք որ Երուանդ այնքան կը հետաքրքրուէր իր ամուսնական կեանքի պատմութեամբ։ Կահաչներու վրայ նստած՝ քով քովի՝ Ատրինէն ինքնամփոփումի չանք մը ըրաւ՝ պատմութիւնը սկսելէ առաջ։

— Ամուսնութեանս մասին էր որ կը պատմէի։ Այն օրուան տրտմութիւնը անկարելի է նկարագրել։ Գիշերը երբէք չի կրցայ քնանալ, անորոշ մտածումներով լեցուն էր միուքը։ Վիճակիս ծանրութիւնը իրապէս այնքան ալ անտանելի չէր երեւնար. չի կրնար ըմբռնել ամէն ինչ այնպէս՝ ինչպէս այժմ կրնամ։ Կը յիշեմ որոշապէս՝ որ ո՛չ մի բան կրնար հաճոյացնել իմ զգացումները։ Տիրութիւն մը շարունակ կը իրուովէր հոգիս՝ մասնաւորապէս առանձնութեան վայրկեաններուն։ Միայն երկու շաբաթ մնացինք տիկին Մարիամենց տուն։ Այսօրուան պէս կը յիշեմ այն օրը երբ այդին պտոյտի ելած էինք տիկին Մարիամի հետ։ Հաղիւ թէ յիսուն ոտք հեռացած էինք տունէն՝ երբ նէ մէկէն թեւս բռնեց ու զիս իր ուղած կողմը դարձուց։ «Կը տեսնե՞ս այն ընդարձակ այդին, ձա՞զս, յիսուն էյքրնոց այդի մըն է՝ որ Մարկոսին կը պատկանի. իսկ այս ալ մերն է»։ Մայրիկիս խօսքերը միտքս ինկան՝ երբ տիկին Մարիամ իր եղբօր՝ Մարկոսի այդին կը ցուցնէր ինծի։ Երկու շաբաթէն, չը գիտեմ ինչո՞ւ, այս քաղաքը փոխադրուեցանք, ներքնայարկ տուն մը՝ որ չինացիներու վողոցին վրայ կը գտնուէր։ Միայն մէկ սենեակ կար մեր տրամադրութեան ներքեւ։ Ամբողջ երեք տարի այդ սենեակին մէջ ապրեցանք։ Հո՛ն էր մեր ննջարանը, հո՛ն էր իսոհանը, ու ապա մուտքանոցը, հո՛ն էր մեր հիւրասենեակը. մութ ու խոնաւ՝ չորս պատերով խուց մը . . .

Տիկին Մարիամին խօսքը չէր մոռցած. քանի քանի անդամներ՝ միամիտ կերպով՝ խօսք բացած եմ այդիկ մասին։ Յը մը, ճաշի ատեն, Մարկոսին սա հարցումը ուղղեցի. «Ինչո՞ւ այդիիդ վրայ չես երթար. արդեօ՞ք ի՞նչ վիճակի մէջ կը դտնուի։» Մարկոս երեսս նայեցաւ պահ մը ու սկսաւ քա՞ն քա՞ն ինդալ. այդ քրքինը կարծես բաւ չի համարելով՝ աւելցուց. «Գործաւորներս շա՞տ լաւ հոգ կը տանին այդիին, հոն երթալու ի՞նչ պէտք կայ։» Ծատ միամիտ ու անփորձ էի։ Զէի կրնար հասկալ թէ ինչո՞ւ այդ մութ սենեակին մէջ կ'ապրէինք՝ հակառակ այն իրողութեան որ տիկին Մարիամի ցուցուցած յիսուն էյքրնոց այդին Մարկոսին կը պատկանէր։ Զէի կրնար տրամաբաննել որ յիսուն էյքրնոց այդիի մը տէրը կրնար անլոյս սենեակ մը ընտրել որպէս բնակավայր . . . Այնքան անդիտակից էի որ չի կրնար հասկալ թէ ինչո՞ւ Մարկոս ուրիշներու այդիներուն մէջ կը գործէր՝ որպէս հասարակ գործաւոր՝ եւ իր այդիին հոգ չի տաներ . . . Սոեղծուած մըն էր այդ կէտը ինձ համար, բայց ժամանակը՝ թէ եւ շատ ուշ՝ կուգար հասկցնելու ինծի որ Մարկոս ո՛չ թէ յիսուն արտավար հող՝ այլ մէկ արտավար տեղ իսկ չունէր։ «Տան ու կալուածի տէր» Մարկոսը անկարող էր նոյնիսկ մէր մէկ սենեակի վարձար վճարելու։

Հաղիւ երկու շաբաթ կ'ընէր որ այն խուցը քաշուած էինք՝ երբ օր մը Մարկոս խօսք բացաւ կիներու գործելու մասին։ Նա որոշապէս կը ջանար զիս գործի մղել։ «Ամերիկայի մէջ»՝ կ'ըսէր նա, «կիներ հաւասար են մարդերուն. տան մը ծախքերը հոգալու պարտականութիւնը որքան այր մարդուն ույնքան կնոջ ուսերուն կը ծանրանայ։ Գործելը կիներու համար սովորական բան մըն է։ Վաղը միասին տիկին Սուեթին երթանք, թո՛ղ գործ մըն ալ քեզի տայ չամիչի գործատան մէջ. ինք այդ գործատան լնդհանուր վերահսկին է. վստահ եմ որ պիտի ուղէ քեզի ալ գործ մը տալ։» Յաջորդ օր տիկին Սուեթի գործատեղին գացինք։ Տիկինը շատ քաղաքավարօրէն վե-

բարերուեցաւ մեղի հետ, անմիջապէս դործի զրաւ զիս: Թէեւ
ոեւէ փորձառութիւն չունէի երբ դործի սկսայ՝ դործատան
վերահսկչը կը տեսնէր որ օրէ օր աւելի յաջողութիւն կը ցու-
ցընէի գործիս մէջ: Առաջին շաբաթ միայն ութ տոլարի գործ
կրցայ ընել: Ամիս մը վերջ՝ շաբաթականս սկսաւ քսան տո-
լարի համնիւ. նոյն իսկ՝ դործի բուռն ժամանակ՝ քսանի մը շա-
բաթ երեսունական տոլար շնուցի: Այսպէս, վեց տարի, պը-
տուղի ժամանակ՝ թէ այդիներու եւ թէ թուղի, խաղողի ու
չամիչի գործարաններու մէջ գործեցի չարաչար՝ առանց ոեւէ
տրտունջի: Դրամիս մէկ մասը՝ ստանալուս պէս Մարկոսին
պէտք էր յանձնէի որպէս զի սենեակի վարձքը եւ նպարավա-
ճառի պարտքը վճարէր: Երեք տարի վերջ՝ արդէն ձեռքի վը-
րայ ունէի հինգ հարիւր տոլար. քրտինքիս ու չարաչար աշխա-
տանքիս արդիւնքն էր այդ դրամը՝ զոր աներեւակայելի խնա-
յողութեամբ կրցած էի հաւաքել: Այդ դրամով յաջողեցանք
տուն մը գնել՝ ուր պիտի կարենայինք քիչ մը հանդիստ ասղ-
րիլ: Հանգիւստ, ինձ համար հանգստութիւն չի կար: Այն
պայքարը որ առաջին օրէն իսկ սկսած էր հոգիս մէջ՝ թէեւ
ո՛չ այնքան ուժգին՝ կամաց կամաց աւելի կը խորունկնար
հոն՝ անցնող տարիներու թողուցած թշուառութեան ու զրկան-
քի հետ: Օրէ օր աւելի կը դիտակցէի վիճակիս դժբաղու-
թեան: Օրէ օր աւելի մելամաղնոտ կը դառնար սիրտս: Այդ
մարդու ներկայութիւնը, սառ ու անտարբեր՝ օրէ օր աւելի
անտանելի կը դառնար: Կը զզուէի նոյնիսկ իր դէմքին նայե-
լու՝ որ հրէշի մը տպաւրութիւնը թողուցած էր միտքիս վը-
րայ: Կը տեսնէի որոշապէս որ նա ծաղիկ կեանքիս դահիճն
էր: Կը զզայի որ ապրելու տենչը կամաց կամաց կը հեռանար
հոգիս: Կ'անիծէի այն Աստուածը որ զիս գերի դարձուցած
էր այդ մարդուն: Կ'անիծէի այն վարդապետը որ միջնորդ
հանդիսացեր էր իմ գերութեան: Միայն զզուանք, միայն ա-
տելութիւն կը զզայի այն բոլոր հաստատութիւններու հան-
գէպ՝ զոր մարդէկ աստուածային կը նկատէին: Կը տեսնէի
որ աստուածային այն հաստատութիւնը — Ամուսնութեան ո-

րէնքը որ գէմ է ոեւէ բաժանումի — զիս ստրուկ, յաւիտենա-
կան գերի դարձուցած էր այն ծերուկին: Զէի կրնար ըմբռնել
որ մարդն էր ստեղծած Աստուածը, անոր աստուածային օ-
րէնքները՝ որ լեցուն են կեղծիքով ու անարդարութեամբ՝
ինչպէս ընկերային շատ մը օրէնքներ: Աստուածային կամ
մարդկային ո՛չ մի օրէնք կրնայ արդարացնել իմ եւ այդ
մարդու միջեւ գոյութիւն ունեցող կապը: Ամուսնութեան այն
աստուածային օրէնքը որ զիս կապած է Մարկոսին անբաժա-
նելիօրէն՝ վորդապէտի մը միջնորդութեամբ՝ այժմ կը տես-
նեմ որ անբարոյութեան մարմնացում մըն է . . . Այդ մարդը
արդէն ապրած է իր կեանքը. իր երիտասարդութեան տան
անցուցած կեանքը ցամքեցուցած է անոր յոյզերը, ապրելու
խանդն ու աւելինը: Արիւնը դանդաղօրէն կը չարտի անոր ե-
րակներուն մէջ . . . կենդանի մեռած մըն է նա . . . Ահա!
թէ ինչպիսի մարդու մը գերի դարձուցած է զիս աստուածա-
յին օրէնքը՝ իր միջնորդի միջոցով: Ծաղկ կեանքս պէտք է
քարշ տամ այդ ծերուկի փատած գոյութեան հետ՝ որպէս զի
համեմ լինիմ աստուածային օրէնքը յաւերժացնողներուն:
Ո՛չ, ո՛չ, այսպիսի դժոխիքի մը մէջ ապրելու համար մայրս չի
ծնաւ զիս: Ես կ'ատեմ, կ'ատեմ այդ զառամած ծերուկը՝ որ
կեղծիքով ու ստութեամբ՝ իմ մաքուր երազները թունաւո-
րեց: Ես կ'ատեմ այդ զզուելի մարդ-գաղանը՝ որ իր կեանքը,
յոյզերն ու կրքերը, երիտասարդական հաճոյքներն ու տենչե-
րը ապրելէ վերջ՝ ուզեց կապէլ իմ մատող կեանքը իր ցամքած,
անկիրք ու անաւիւն կեանքին: Իմ կեանքի վերջին վեց տա-
րիներու պատմութիւննը՝ եղած է վէպ մը հոգեկան պայքարնե-
րու, սիրտի հեւանքներու, դալարումներու, ահաւո՛ր, ահա-
ւո՛ր Զրկանքի . . . ահա! ամբողջը:

Ու նէ լոեց: Փոթորիկ մը՝ հոգիէն ներս՝ կարծես
վայրկեան առ վայրկեան աւելի կը սաստկանար: Ներս ամ-
բողջ մարմինը կը գողար: Զայրոյթն ու վիշտը կարծես նոյ-
նացեր էին ներա խոնաւ աչքերուն մէջ . . . Ու յանկարծական

յնցում մը, յանկարծական փղձկում մը . . . Նէ իր գլուխը ձեռքերուն մէջ առած՝ սկսաւ լալ դառնօրէն՝ օրօրոցի մէջ լացող փոքրիկ մանուկի մը պէս:

Լուռ էր Երուանդ. Ատրինէի ամուսնական կեանքի պատմութիւնը, ներա արցունքները՝ շփոթ դրութեան մը մատնած էին անոր միտքը: Շուտարուն հայուածքներով՝ ներա մարմինը կը գիտէր, որ լացի ազդեցութեան ներքեւ՝ տակաւին կը դողար՝ քամիի սառ շունչին սարսացող ծառի մը պէս: Զէր զիտեր ինչ ընկելիքը. արտասովոր երեսոյթի մը առջեւ կը գըտնէր ինքզինք: Վայրկեանները՝ լուռ ու անորոշ՝ կը սահէին: Վերջալոյսի տժգոյն ցոլքերը կը փախչէին արագ արագ՝ պարտէզի ամբարձուղէշ ծառերու մէջին, եւ երկարաձիու ստուերները կը սկսէին սարել թեթեւսալաց զեփիւոին հետ՝ պարտէզին ներս ու պարտէզին դուրս: Ծառերու սառերներուն մէջ՝ ծարգագետնի վրայ երկարած կը մնային երկու անշարժ ստուերներ՝ որպէս հանդիսատես այդ պարտէզի պարին: Երկնակամարին վրայ աստղերը կը սկսէին պլաղալ ու ծառերու ծայրերէն՝ փարիլուն կանթեղներու պէս՝ պարտէզ-տաճարը կը լուսաւորիին: Խորհրդաւոր շունչ մը կարծես կը ծաւալէր այդ տաճարէն ներս: Յամեցող զեփիւոին պարը ստուերներուն հետ՝ կը մեղմանար ու կը գաղրէր վայրկեանէ վայրկեան: Լուռթի՛ն, խորհրդաւոր լուռթի՛ն պարտէզին ներս. փոթորի՛կ, մեծ փոթորի՛կ անոնց սիրտերուն մէջ . . . Աւ սկսան շարժիլ. սկսան քալել, պարտէզի մէկ ծայրէն մինչեւ ժիւս ծայր . . . Դուրս ելան պարտէզին. նորէն քալեցին . . . նորէն լուռ . . .

Հանրակառք մը պարտէզին կը մօտենար: Պէտք էր տուն երթալ: Տանըհինդ վայրկեան վերջ՝ անոնք թուլարի փողոցի անկիւնը վար իջան հանրակառքէն: Եկեղեցիի մը ժամացոյցը հնչեց մէկէն. ժամը ութն էր: Անոնք բաժնուեցան իրարմէ՝ ձեռքի տաք սեղմումով, լուռ ու անխօս՝ փոթորիկը իրենց սիրտերուն մէջ . . . :

ՆԷ ՄՈՌՑԱԿԻ ԻՐ ՍԻՐՏԸ ՎԱԽԷՆ . . .

Ատրինէի վերջին հանդիսպումը՝ որ չափէն աւելի յուղած էր Երուանդի զզացումները՝ նոր ու դիւթական երազի մը վարագոյրը կը բանար ներա տրտում հոգիին մէջ: Այն գիշերը՝ անորոշ մտածումներու գիրկը ինկած՝ երազի գիշեր մը եղաւ ներա համար: Զէր կրնար քնանալ, չէր ուզեր քնանալ. կ'ուզէր երազել. կը փորձէր պատկերացնել իր երեւակայութեան մէջ՝ Երուանդի ցուցուցած հետաքրքիր նայուածքները իր ամուսնական կեանքի պատմութեան հանդէպ: Թէեւ այդ պատմութիւնը չափէն աւելի յուղած էր ներա սիրտը եւ արցունքներ խլած ներա աչքերէն՝ նէ երջանիկ կը զզար ինքզինք զեղեցիկ մտածումով մը՝ որ կամաց կամաց աւելի կը պայծառանար ներա միտքին մէջ: Յաղթանակի մը գեղեցկութիւնը ունէր այդ մտածումը ներա համար:

Գեղեցիկ կնոջ մը տարած յաղթանակը՝ որքան իր զոհի՝ նոյնքան ներա միտքին մէջ պայծառ ու որոշ է: Նէ չատդիւրութեամբ կրնայ գիտնալ իր խօսքերու, շարժումներու եւ նայուածքներու թողուցած աղղեցութիւնը իր զոհի վրայ:

Ատրինէն՝ որքան որ կաշկանդուած կը զզար ինքզինք իր գժբաղդ ամուսնութեան պատճառով՝ ինչպէս ուեւէ գեղեցիկ կին՝ իրազեկ էր իր տարած յաղթանակին: Նէ գիտէր, որոշապէս, որ Երուանդ գերի զարձած էր իր նայուածքներուն, իր կախարդական տեսքին: Այդ իրողութիւնը կարծես զինովցուցած էր Ատրինէի հոգին եւ՝ գէթ կարճ միջոց մը՝ մոոցնել տուած էր ներա տրտում ու հոգեմաշ զգացումները:

Առաջին անդամն էր վեց տարիներու ընթացքին՝ որ նէ կը դե-
տակցէր իր նայուածքներու, իր մարմնական գեղեցկութեան
ոյժին։ Այդ ոյժի յայտնումը՝ թէեւ ոչ այնքան բուռն՝ կա-
մաց կամաց կը սկսէր փոխել Ատրինէի մտածումները կեանքի
մասին։ Նէ կարծեա այնքան ալ կաշկանդուած չէր զգար ինք-
զինք։ Ներա մելամաղձուս սիրալ կը սկսէր լեցուիլ երազային
դողարիկ զգացումներով։ Սփոփարար թեթեւութիւն մը կար-
ծես կը տարածուէր ներա հողիին մէջ եւ վեց տարիներու ահա-
ւոր զրկանքը, Մարկոսի պատճառած հոգեկան զալարումներն
ու հեւանքները, լոին գիշերներու իր սիրտին մորմոքն ու լա-
ցը՝ կամաց կամաց կը ստուերանային, մոռացութեան դիրկը
կը թագուէին՝ այն ոյժի երեւումով։ Հրապուրիչ ու փրկա-
րար էր այդ ոյժը՝ որ Ատրինէի համար՝ օրէ օր աւելի բուռն
էերազով՝ պաշտումի միակ առարկան կը դառնար։ Նէ կը պաշ-
տէր իր գեղեցկութիւնը՝ առանց խորհելու որ օր մը՝ այդ գե-
ղեցկութեան դիտակցութիւնը կործանումի պիտի առաջնոր-
դէր ներա կեանքը։

Երուանդի համար Ատրինէի առեղծուածային կեսն-
քը՝ վերջին տեսակցութիւնէն յետոյ՝ պարզուած կ'երեւնար։
Նէ արդէն շատ պարզ բառերով արտայայտած էր իր վիշտերը,
իր հիւծող սիրտին զդացումները։ Նա կը տեսնէր որոշապէս՝
որ Ատրինէն վճռած էր վերջ տալ այն թշուառ կեանքին՝ որ
վեց տարիներէ ի վեր միայն զրկանք, միայն մաշում տեսած
էր։ Մարկոսի հանդէս ներա ունեցած ատելութիւնը՝ մէծ
տեղ գրաւած էր Երուանդի միտքին մէջ։ Նա կը մտածէր որ
Ատրինէի քնքոյշ սիրտը մասնաւոր դողով մը կը բարախէր ի-
րեն համար։ Ներա սիրալիր վերաբերմունքը, խորհրդաւոր
նայուածքներն ու ձեռքի տաք սեղմումները՝ Երուանդի հա-
մար համոզիչ փաստեր էին որ Ատրինէն կը սիրէր զինք։

Նա եւս՝ Ատրինէի պէս՝ չէր կրցած քնանալ այն խոր-
հրդաւոր գիշերը եւ ուզած էր օրորուիլ ներա գինովնող գե-
ղեցկութեան գիրկը։

Վերջին տեսակցութենէն երկու օր յետոյ՝ Երուանդ
սիրալիր երկտող մը ստացաւ Ատրինէին՝ որ կը փափաքէր
տեսնել զինք դարձեալ այն միեւնոյն պարտէզին մէջ՝ իրենց
ժամադրավայրը։ Երուանդի մէջ աւելի զօրաւոր հետաքրքը-
րութիւն ստեղծելու համար՝ նէ մոռցած չէր չեշտելու իր երկ-
տողով թէ այս նոր տեսակցութիւնը մասնաւոր նպատակի մը
համար կ'ուղէր ունենալ։ Ի՞նչ էր այդ մասնաւոր նպատակը՝
զոր Ատրինէն ուզած էր չեշտել իր նամակլին մէջ։

Այդ երկտողի համաձայն՝ Մայիսի գեղեցիկ իրիկուն
մը, ժամը եօթին՝ Երուանդ Ատրինէին պիտի հանդիպէր՝ մի-
եւնոյն հանրային պարտէզին մէջ։ Երուանդի հետաքրքու-
թիւնը երթալով աւելի զօրաւոր կը դառնար իր մէջ։ Զէր կըր-
նալ սպասել մինչեւ որոշուած ժամանակը։ Ժամը վեցին՝ նա
արդէն հանրային պարտէզը հասած՝ հետաքրքիր նայուածք-
ներով իր բոլորտիքը կը դիտէր։ Դեռ պարտէզին ծայրը չի
հասած՝ յանկարծ նշմարեց գեռատի կինը մը, կարծես այն մի-
եւնոյն նստարանին վրայ՝ զոր ինք եւ Ատրինէն գրաւած էին
իրենց առաջին ժամադրութեան։ Զէր կրնար երեւակայել որ
Ատրինէն պիտի ուզէր այդքան կանուխ գալ։ Նստարանէն
տակաւին քսան ոտք հեռու՝ այն գեռատի կինը ոտքի ելաւ ու
սկսաւ արագ արագ Երուանդի կողմը յառաջնալ։

— Հըլօ՛, Երուանդ, ինչո՞ւ այսքան ուշացար։ Աւ-
ձեռքի տաք սեղմումով՝ նէ Երուանդի աչքերուն մէջ պտտցուց
իր նայուածքները, որ այդ իրիկուն՝ աւելի անոյշ ու դիւթիչ
կ'երեւնային։

— Ժամը տակաւին վեցն է . . . Այս անգամ դուն
զիս կանինեցիր։

Ու քով քովի՛ անոնք սկսան քալել դէպի պարտէզին
միւս ծայրը՝ ուր մարգագետնի վրայ տեսան ուրիշ քանի մը
զոյգեր՝ անհոգօրէն երկարած։ Անոնցմէ բաւական հեռու-

նոյն մարդագետնի վրայ՝ իրենք եւս երկարեցան, քով քովի, իրարու շատ մօտ :

— Դեռ չըսիր թէ ինչո՞ւ կ'ուղէիր զիս տեսնել դարձեալ . . .

Ատրինէն լուռ էր . Երկու անգամ վորձեց խօսիլ, բայց ձայնը կարծես դուրս չէր դար իր կոկորդէն : Դողդողացող ձեռքերով Երուանդի ձեռքը բոնեց յանկարծ ու կնոջական քընքոյց դուրքուրանքով մը՝ սկսաւ փայփայել զայն : Մնհասկընալի, աներեւակայելի դող մը կը ցնցէր ներա թեթեւ մարմիւնը : Նոյն դողով լեցուած էր նաեւ Երուանդի էութիւնը : Սյն փափուկ ձեռքերու իւրաքանչիւր փայփայում՝ սարսուռ մը կը ձէք ներուանդի հոգին մէջ : Նա կը զգար, առաջին անգամ ըլլալով՝ թէ ո՛րքան կախարդական ու հոգեցունց են կնոջական նուրբ ու թաւշային ձեռքերու փայփայումները : Այդ ի՞նչ ոյժէր կը ցնցէր անոնց սիրտերը, ու կապած՝ շղթայած էր անոնց լեզուները : Լուռ էին, չէին կրնար խօսիլ : Ի՞նչ փոյթ սակայն, իրենց սիրտերը կը խօսէին առանց ձայնի, յամրորէն . . . Ի՞նչ փոյթ սակայն, սիրտերու այդ անձայն լեզուն՝ աւելի զգայացունց, աւելի գիւթիչ էր :

Ատրինէն՝ որ գեռ Երուանդի ձեռքը իր ձեռքերուն մէջ առած կը չոյէր՝ նստեցաւ մէկէն, Երուանդի գլուխը իր ծունկին դրաւ թեթեւօրէն ու սկսաւ անոր ճակատն ու մատերը փայփայել : Մագնիսական ոյժ մը կարծես անոնց շուրթերուն վրայ կը թրթուար : Մինչ Երուանդ կը փորձէր Ատրինէի ձեռքը բոնել, անոր թաւշային փափկութիւնը սեղմել իր ճակատին՝ նէ կայծակի արագութեամբ ծուեցաւ անոր գէմքին վրայ, զլուխը ձեռքերուն մէջ առած՝ իր փափուկ, մեղրիկ շրթունքները անոր այրող շրթունքներուն փակցուց կրքագին : Անոնց շրթունքները իրարու գամուեցան կարծես՝ աւելի քան հինգ վայրկեան ու սիրապարար Երջանկութիւն մը՝ որ գիտէ արհամարհէն աշխարհի ստեղծած քմահած օրէնքները՝ սկսաւ թըր-

թոալ անոնց հոգիներուն մէջ : Երջանիկ էին անոնք ու իրենց սուաշին համբոյըին մէջ՝ ամբողջ աշխարհը իր դառնութիւններով հիւլէի մըն էր վերածուած . . . Ու տակաւին շրթունք շրթունքի, զինովցած կեանքի ամենամաքուր Ոյժով՝ Ատրինէի աչքերը հոսող աղրիւր մը դարձան : Ներա անբաղդ կեանքի երջանկութեան առաջին արցունքներն էին անոնք . . .

Ներա այրած սիրտը կարծես կը սկսէր զովանալ . նէ կուզէր խօսիլ այժմ, իր մաքուր՝ իր առաջին սէրը յայտնել Երուանդին : Նէ գլուխը վեր բարձրացուց քիչ մը, իր շունչը անոր շունչին մէջ տակաւին, Երուանդի թրջուած աչքերուն յառեցաւ պահ մը անքթիթ ու փորձեց խօսիլ .

— Երուանդ, Երուանդ, Երուանդ, հոգիս, Ասուուածու . . .

Ու նէ դարձեալ անոր գէմքին վրայ ծուեցաւ, իր սիրաբորբոք շրթները անոր շրթներուն փակցուց նորէն, իր երկրորդ համբոյըին հետ՝ նէ իր կնոջական նուիրումի, կնոջական ուսխափի խորհուրդն ըրաւ իր սիրտին մէջ : Ի՞նչ էր այդ խորհուրդը՝ որ մէկէն դառնապին հեծեծանքի մը մատնեց ներա սիրտը ու աղի արցունքներ խուց ներա աչքերէն՝ որ տակաւին թաց էին : Իրական կեանքի դառնութիւնն էր որ կը քամուէր ներա աչքերէն այս անգամ եւ սեւ ամպի մը պէս կ'ուզէր ծածկել ներա խորհուրդին պայծառութիւնը : Վեց տարիներու սեւ պատկերը մէկէն ներա յիշողութեան մէջ կախուեցաւ . այդ պատկերին մէջ նէ տեսաւ ինքինքը, թարմ ու կայտառ աղջիկ մը՝ շուարուն նայուածքներով՝ վարդապետին առջեւ կանգնած, ձախ ձեռքը Մարկոսի կոպիտ ձեռքերուն մէջ ու այն գերութեան օղը իր մատին վրայ : Նէ վերյիշեց իր վեց տարիներու մաշումն ու զրկանքը վայրկեանի մը մէջ, Մարկոսի անսաւիւն ու սառած կեանքը՝ որ աստուածային նուիրական օրէնքով մը իր ծաղիկ կեանքին էր կապուած : Պատկերը փոխուեցաւ մէկէն . . . Նէ տեսաւ ինքինք իր ներկայ կեանքին մէջ, իր վերջին օրերու հոգեկան գալարումներուն գիրկը,

Մարկոսի դիւային ներկայութեան՝ որ կծու ու անողոք հեղ-
նանքի մը պէս ներա մատաղ կեանքը կը կրծէր . . .

Պատկերը փոխուեցաւ նորէն ու նէ տեսաւ ինքզինք
իր հայելին առջեւ, իր հարուստ՝ շաղանակագոյն վարսերու
գեղեցիկ խոպաները իր ուսերուն վրայ փոռած, մետաքսէ
նուրբ՝ վարդագոյն դիշերազղեասի մը մէջ՝ որ մեղմօրէն կը
ծփծփար ներա փափուկ մարմնի ձիւնաթոյր ճերմակութեան
վրայ, անուշահոտ իւղերու գինովցնող բոյրը ներա շունչին
հետ խառնուած՝ նէ տեսաւ ինքզինք իր մարմնական գեղեց-
կութեան պաշտումին մէջ . . .

Պատկերը փոխուեցաւ գարձեալ . . . եւ նէ դտաւ ինք-
զինք իր առաջին զոհին գիրկը, ըրթները անոր ըրթներուն փա-
կած: Եւ գեղեցիկ երազէ մը արթնցողի մը պէս՝ Ատրինէն
փրցուց իր ըրթները երուանդի ըրթներէն ու կնոջական ամե-
նաջինջ ու կարօտարազձ նայուածքներով՝ անոր աչքերուն մէջ
խորասուզուեցաւ . . .

— Երուանդ, անուշիկ Երուանդ, ըսէ՛ ինձ, Եր-
ուանդ, կը սիրե՞ս զիս . . .

Նա դողաց մէկէն ու դողդոջուն ձեռքերով՝ ներա
փափուկ մարմին իր կուրծքին սեղմեց. իր բերանը ներա
ըրթներուն մօտեցուց ու թրթոռուն ձայնով մը ըսաւ.

— Ատրինէ՛, իմ պաշտելի՛ Ատրինէ, ամբողջ հո-
գիովս, ամբողջ էութեամբս կը սիրեմ քեզ . . .

Նա համբուրեց ներա բուստէ ըրթունքները արադ ա-
րադ, ներա թեթեւ՝ քնքոյը մարմին իր բազուկներուն մէջ
սեղմած՝ մարդագետնի վրայ երկարեցան . . . Լուռ ու ան-
խոս էին դարձեալ . . . Ի՞նչ փոյթ սակայն, իրենց կարօտա-
զեղ սիրտերուն երգը աւելի քաղցրահունչ, աւելի անոյշ էր . . .

Աստղերը կը փալիէին երկնակամարին վրայ ու նո-

րալուսնի բեկրեկուն ցոլքերը՝ սաղարթակիտ ծառերու կա-
տարներէն՝ կը մաղուէին այն խորհրդաւոր սլարտէղին մէջ:
Մեղմիկ զեփիւոի մը քաղցրահունչ սուլումին հետ՝ ծառերու
ստուերները պար էին բռներ: Անոյշաբոյր գինովութիւն մը
կը ծաւալէր այն պարտէղին մէջ, մարդագետնի վրայ երկարող
զոյգերուն վերեւ: Կեանքի գարունին մէջ գինովցածներ էին
անոնք՝ որ փոթորկալիր աշխարհի մէկ լուռ անկիւնը քաշուած՝
իրենց հոգիներուն երգը կ'ուղէին լսել . . .

Ու անխօս ստուերներու պէս՝ թեւ թեւի՝ կը հեռանա-
յին անոնք այդ պարտէղին. իրենց սիրտերու երջանիկ ապ-
րումները հոն թողած՝ իրական կեանքի աղմուկին մէջ կը մըտ-
նէին զարձեալ: Անողոք էր նաև այդ իրական կեանքը՝ Ատ-
րինէի եւ Երուանդի համար: Անոնք եւս, թեւ թեւի, կը հե-
ռանային այն ուժատավայրէն. իրենց նորաբողոքն սէրի երջա-
նիկ վայրկեանները հոն թողած՝ կեանքի սովորական՝ բայց
անողոք յորձանքին մէջ կը մտնէին նորէն . . . :

Հանրակառք մը թիւլարի փողոցին անկիւնը կանգնե-
ցաւ վայրկեան մը. անոնք վար իջան անկէ ու մութին մէջէն՝
թեւ թեւի՝ սկսան յատաջանալ դէսլի այն փայտաչէն տունը՝
ուր Ատրինէն կ'ասլըէր: Հազիւ թէ յաջորդ փողոցին անկիւնն
էին հասած՝ եկեղեցիի մը ժամացոյցը հնչեց մէկէն. Ժամը
տասերկուքն էր: Հինգ վայրկեան վերը՝ անոնք կանգ առան
այն փայտաչէն տունին քով՝ ուր աղօտ լոյս մը կը պլազար
տակաւին: Սեւ ստուեր մը պատուհանի վարագոյրին ետեւ՝
խօլական ձեւերով՝ վայրկեանէ վայրկեան աւելի կը մէծնար
ու մարդակերպ կը զառնար: Մարկոսի ստուերն էր այն: Նա
տակաւին չէր քնացած, Ատրինէին կը սպասէր՝ որ այդ գի-
շեր, առաջին անդամ ըլլալով՝ այնքա՞ն կ'ուշանար: Անոնց
ոտքի ձայնը լսելով՝ Մարկոս պատուհանին էր մօտեցած ու
վարագոյրի մէկ ծայրէն դուրսը կը դիտէր: Նա յանկարծ
նշմարեց Ատրինէն՝ անծանօթ երիտասարդի մը թեւերուն մէջ՝
ըրթունք ըրթունքի: Նա իր տեղը քարացած՝ անշարժ մնաց:

Նփոթութիւն մը պատեց իր միտքը . ի՞նչ ընելիքը չէր գիտեր : Վեց տարիներու ընթացքին՝ առաջին անգամն էր որ այդպիսի երեսոյթի մը ականատես կ'ըլլար : Իր երիտասարդութիւն աւան անցուցած կեանքը մէկին աչքերուն առջեւ պարզուցաւ . անոր յաջորդեց ուրիշ պատկեր մը , իր ծերութեան պատկերը : Կը զգար որ արիւնը գանգալորչն կը շարժէր իր երակեներուն մէջ . իր յոյզերը ցամքած , կծկուած էին իր անաւիւն սիրտին մէկ անկիւնը : Միայն վիշտ մը , խորունկ ու կոկծալից վիշտ մը կը լայննար իր հողիին մէջ . . . Վեց տարիներու ընթացքին՝ առաջին անգամ ըլլալով՝ նա կը զգար իր կատարած դաւագրութեան ահաւոր ճնշումը իր հողիին վրայ . . . Ան'ըր , զի՞լ ձայն մը կը հնչէր իր գիտակցութեան մէջ . «Ոճրագործ , ոճրագործ մըն ես դուն . . . տե՛ս , քու սեփական աշքերովը տե՛ս ոճիրիդ արդիւնքը . . . »

Ու իր կեանքին մէջ՝ նա առաջին անգամ կը տեսնէր որ ինք աշխարհի ամենէն թշուառ մարդն էր : Այդ գիտակցութիւնը վայրկեանէ վայրկեան աւելի կը տանջէր , աւելի կը ցնցէր անոր միտքը , որովհետեւ նա կը զգար որ իր թշուառութեան միակ պատճառը ինքն էր եղած . . . Դեռ դուրսը կը դիմէր , իր կինը ուրիշ մը թեւերուն մէջ , երիտասարդի մը զիրկը , ըթունք ըթունքի . . . Նա անիծեց իր ծերութիւնը . . . Աչքերը արցունքով լեցուցան յանկարծ ու այլեւս ոչինչ կը տեսնէր : Արթնցող գիտակցութիւնն էր որ ուղղութիւն կուտար անոր միտքին ու շարժումներուն . . . Նա խարիսխիւով քովի սենեակը գնաց ու իր հագուստները մէկ կողմ նետելով անփութօրէն՝ արտագ արտագ՝ իր մահիմին երկարեցաւ : Խորհուրդ մը , ծերութեան ահաւոր խորհուրդը՝ կը Ակէր , կը կրծէր անոր սիրտը , ու նա կը զգար որ ինք աշխարհի ամենէն թշուառ մարդն էր . . . :

Երկար ու կրքագին համբոյրէ մը վերջ՝ Ատրինէն բաժնուեցաւ Երուանդէն : Նէ իր սենեակը մտաւ կամացուկ մը՝ որ այն փայտաշէն տունի առաջամասին վրայ կը դտնուէր :

Դուռին կից՝ ողատին վրայ զետեղուած ելեքտրական կոճակը դարձուց ու սենեակը վայրկենապէս ողողուեցաւ լոյսի հեղեղի մը մէջ : Նէ սովորականին պէս՝ հայելիին առջեւ գտաւ ինքովինք ու մատերու ծայրերով՝ մեքենաբար՝ սկսաւ իր ճակատին ու ականջներուն վրայ իջած մաղերը յարգարել : Երջանիկը ու ինքնազոհ ժպիտ մը կը թրթուար ներա աչքերուն մէջ . . . Ներա գեղեցկութեան յաղթահակի ժպիտն էր այն՝ որ այդ գիշեր՝ առաւել քան երբէք՝ պայծառօրէն կը շողար ներա բէրերուն վրայ : Նէ իր գէմքին գեղեցկութիւնը կը գիտէր հայելիին մէջ ու կնոջական նուրբ ձեւերու , աչքերու դիւթական թարթումի , յօնքերու միանական հրապութիչ շարժումներու փորձեր կը կատարէր : Նէ իր գեղեցկութեան պաշտումի աղօթքն էր որ կ'ընէր հայելիին առջեւ :

Թեթեւ յոզնութիւն մը կարծես՝ կամաց կամաց նըշմարելի կը գառնար ներա շարժումներուն մէջ : Նէ իր վարսասեղները մաղերուն մէջէն՝ մէկիկ մէկիկ սկսաւ զուրս քաշել : Ներա հարուստ վարսերը վար թափեցան իր ուսերուն ու ծիծերուն վրայ : Շարժաթոռի մը մէջ ինկաւ մէկէն . կիսակօշիկները՝ մահիմին տակ , գուլպաներն ու կապոյտ շրջազգեստը աթոռի մը վրայ նետեց . . . Հանուած էր բոլորովին . իր վարդագոյն գիշերազգեստը հագաւ ու հայելիին առջեւ՝ նոյն ինքնազոհ ժպիտն վէմքին վրայ՝ սրուակի մը անուշահոտ չուրը սկսաւ իր վարսերուն սրսկել : Վայրկեան մը անչարժ՝ նէ իր մարմինը դիտեց : Ներա գեղեցկութեան պաշտումի վերջին ազօթքն էր այն : Նէ իր մահիմին երկարեցաւ թեթեւօրէն , կը ռնակի վրայ՝ բաղկատարած : Նէ իր աչքերը գոցեց ու սկսաւ Երեւակայել : Երուանդի այրող ըթներուն դողը կարծես տակաւին կը թրթուար իր ըթներուն վրայ : Անոր բաղուկներու կրքագին սեղմումները դեռ իր մարմնին վրայ կը զգար :

Թաթրութիւն մը ներա կոպերուն կը ծանրանար մեղմօրէն՝ վայրկեան առ վայրկեան , ու այն լոյսէ հեղեղին մէջ՝ նէ սկսաւ կամաց կամաց ՄօրՓիւսին գիրկն իյնալ :

Ներա սենեակին կից ուրիշ սենեակի մը մէջ՝ իր մահիճին վրայ Մարկոս տակաւին երկարած կը մնար՝ արթուն, իր գիտակցութեան ահաւոր մնչումին տակ: Նա մէկին սուքի ելաւ ու պատերը խարխափելէն՝ ներա սենեակի դուռին մօաեցաւ: Կամացուկ մը բացաւ գուռու. ելեքտրական լոյսէ հեղեղին մէջ անոր աչքերը սկսան խոտախի. վայրկեան մը կանդ սուսաւ, իր աչքերը չփեց, ու ձեռքերը տակաւին աչքերուն վըրայ՝ ներա մահիճին մօտեցաւ: Նա ձեռքերը հեռացուց իր աչքերէն ու այժմ՝ Ատրինէի կիսամերկ՝ ձիւնաթոյր մարմինն էր որ կը խտղեցնէր անոր աչքերը: Նա դող մը, թեթեւ սարսուռ մը զգաց իր երակներուն մէջ, ուրիշ աչինչ . . . Աւզեց ներա մարմինն փայփայել . . . Բայց կիրքը արդէն սառած էր իր հոգիին խորը, ոչինչ կը զգար . . . Ձեռքերով իր աչք: Իր ծածկեց ու ետ ետ դնաց՝ իր սենեակը:

Ծանրութիւն մը կարծես՝ իր կուրծքին չոքած՝ կ'ուղէր իւղղել վինք. իր ծերութեան անողոք գիտակցութիւնն էր այն . . . :

Յաջորդ առաւօտ, շատ կանուխ՝ նախաճաշը դեռ չըրած՝ Մարկոս աճապարանքով գուրս ելաւ տունին ու իր քայլերը ուղղեց գէպի շուկան: Նա կանդ առաւ հեռագրատան մը առջեւ. շփոթութիւն մը կարծես սկսաւ պատել անոր միտքը եւ դիշերուան լուռ՝ բայց հոգեմաշ ժամերուն պատրաստած ծրագիրը կ'անյայտանար իր միտքէն: Անշարժ կանդնած տեղի՝ ձեռքը ճակատին սեղմեց մեքենաբար, ծրագիրը իր միտքին մէջ սկսաւ փայլի նորէն . . . Նա կ'ուղէր հեռագրել իր քրոջ՝ տիկին Մարիամին՝ որ անմիջապէս ֆրէզնօ դար: Քսան վայրկեան վերջ՝ նա արդէն տունն էր վերագարձած, իր սենեակը ու անձկութեամբ մէկի մը սպասող ջլայնոտ անձի մը պէս՝ նա սենեակին մէկ ծայրէն միւս ծայրը՝ արագ արագ, իր ձեռքերը իրարու սեղմելով՝ կ'երթար կուգար: Մէկին կանդ կ'առնէր, գրեթէ իւրաքանչիւր անցնող վայրկեանին, գողղացող ձեռքերով՝ ժամացոյցը դուրս կը հանէր իր բաճկոնին դըր-

տանէն, անոր վրայ կը պէնուր մեքենաբար, ու նորէն կ'երթար կուգար՝ սենեակի մէկ ծայրէն դէպի միւս ծայր:

Մարկոսի միտքին մէջ միայն մէկ ծրագիր կը գտնար: Նա կ'ուղէր կապել ու կաշկանդել Ատրինէի մոլորուն քայլերը՝ իրենց սկզբնական շարժումին մէջ, ու այդ ծրագիրը գլուխ հանելու համար՝ նա իր քրոջ օգնութեան կը կարօտէր: Նա կ'ուղէր շղթայել ներա կայտառ հողին՝ առանց գիտնալու որ այդ շղթայումը միայն թշուառութիւն պիտի պատճառէր իւրին՝ իր ծերութեան օրերուն: Նա յիմարացեր էր, իր յիսունուվեց տարիներու կեանքը զգուշացումի ո՛չ մի դաս կըցած էր տալ իրեն, ու նա կ'ուղէր կաշկանդել, շղթայել ներա հողին իր տան նեղ բանտին մէջ՝ առանց գիտնալու որ գեղեցիկ կնոջ մը հողին կարելի չէ շղթայել: Նէ օր մը չէ օր մը՝ պիտի փորձէ կոտրտել այդ շղթաները ու իր նեղ բանտէն գուրս փախչել: Այդ ցնորած ծերուկը կ'ուղէր նեղցնել ներա նայուածքներու աշխարհը՝ իր քրոջ հսկումին տակ՝ առանց միտքէն իսկ անցունելու որ գեղեցիկ ու մանկամարդ կնոջ մը նայուածքները աւելի դիւթիչ ու կախարդական կ'երեւին՝ ներա բանտի պատուհանին առջեւ թափառող զոհերու բոյլին, ու օր մը չէ օր մը, անսպասելիօրէն՝ ներա վիրաւոր զոհերէն մէկն ու մէկը՝ այն նեղ բանտէն ներս պիտի ուղէր սողոսկիլ: Նա կ'անգիտանար, միտքէն իսկ չէր ուղեր անցունել՝ որ գեղեցիկ կին մը կ'ուղէ ամբողջ աշխարհին համար ապրիլ . . . Այդ ծերուկը չէր կրնար երեւակայել՝ որ կնոջ մը առաջին սէրը անպարտելի է, կը մաքարի կատաղօրէն՝ առանց յուսահատելու՝ մինչեւ որ իր զոհին տիրանայ:

Բայց այս բոլորին հետ մէկտեղ՝ Մարկոսի միտքին մէջ մէկ կէտ կար որ շատ պայծառօրէն կը փայլէր: Ամբողջ վեց տարիներու ընթացքին՝ միայն մէկ բան ճանչցած էր Ատրինէի կեանքէն: Նէ անծանօթ վախ մը, սարսափ մը կը զգար իր հոգիին խորը՝ երբ իւրաքանչիւր անդամ Մարկոսի բարկացոտ ու արիւնախառն նայուածքները տեսնէր: Նէ կը սկսէր

դողալ այդ վայրկեաններուն, ու Մարկոսի ոտքերուն կը միախթուէր բնաղդօրէն։ Ամբողջ տասնըչորս տարի նէ տեսած էր որ Երբ իր հայրը կը բարկանար ու ոտքի հարուածներու ներքեւ կ'առնէր իր խեղճ մայրը, նէ կը սկսէր իր էրկան ոտքերուն վաթթուէլ՝ աղաչական նայուածքներով։ Ստացական զօրաւոր բնաղդ մըն էր գարձած այդ երեւոյթը։ Ատրինէի հոգիին մէջ։ Նէ տեսած էր իր մօր այդ վերաբերմունքը շարունակ իր բարկացոտ հօր հանդէպ, ու հետեւղական բնաղդով մը՝ որ ներա ջղային դրութեան մէկ անբաժանելի մասը կը կազմէր այժմ՝ նէ եւս, Մարկոսի բարկութեան վայրկեաններուն՝ կը սկսէր դողալ անծանօթ սարսափէ մը ու անոր ոտքերուն կը վաթթուէր։

Ատրինէի այդ բնաղդական վախի արտայայտութիւնը ծանօթ էր Մարկոսին։ Նա այդ զէնքը՝ որու ամբողջական արժէքը չէր կրնար ըմբոնել՝ բաւ չի համարելով՝ կ'ուզէր Ատրինէի կեանքը իր քրոջ հսկողութեան տակ դնել։ Նա գիտէր որ իր քրոջ իւրաքանչիւր խօսքը մասնաւոր նշանակութիւն մը ունէր Ատրինէի համար։ Նա որոշապէս՝ փորձառաբար տեսած էր իր քրոջ խորունկ աղդեցութիւնը ներա միտքին, զգացումներուն ու նոյնիսկ շարժումներուն վրայ։ Վեց տարիներու ընթացքին՝ Մարկոս Ատրինէի բնաւորութեան այդ երկու կէտերը միայն կը ճանչնար, — իր բարկութեան ժամանակ ներա մէջ արթնցող բնաղդական վախի, ու իր քրոջ՝ տիկին Մարիամի թողուցած պատկառելի աղդեցութիւնը՝ ներա միտքի, սովորութիւններու եւ շարժումներու վրայ։

Նա իր այդ երկու զէնքերէն՝ այդ օր՝ նախընտրեր էր իր քրոջ աղդեցութիւնը գործածել, ու այդ նպատակով՝ նա արդէն հեռաղբած էր տիկին Մարիամին՝ որ անմիջապէս իրենց տուն գար։

Ժամը տասին կը մօտենար՝ Երբ Ատրինէն իր սենեակի պատուհանէն յանկարծ նշմարեց տիկին Մարիամ որ իրենց

տան աստիճաններէն չնչասսպառ վեր կ'ելլէր։ Վարանոտ խորհուրդ մը մէկէն ներա միտքը պաշարեց բայց նէ չի կորսընցուց իր հաւասարակշուութիւնը. սենեակին դուռը բացաւ ու հիւրը ներս հրաւիրեց։ Տիկին Մարիամ իր սովորութեան համաձայն՝ Ատրինէի գլուխը իր ձեռքերուն մէջ բռնելով՝ սկսաւ ներա երկու երեսները՝ քանի մը անդամ, արագ արագ, համբուրել։

— Շատ կարօտցած էի քեզ, ձագս . . . Մարկոսի հեռագիրը առնելուալ պէս ճամբայ ելայ. չէի գիտեր թէ ե՞րբ տուն պիտի համնէի. մէկ ժամուան ճամբաս՝ օրուան մը տըպաւորութիւնը թողուց վրաս . . . Ո՞ւր է Մարկոս եղայրս . . . Ի՞նչ կայ, ի՞նչ է պատահեր . . . կ'ուզէր անմիջապէս հոս գայի . . .

Տիկին Մարիամի արագ արտասանած խօսքերը չիոթութիւն մը կը սկսէին ստեղծել Ատրինէի միտքին մէջ։ Նէ ոչինչ գիտէր Մարկոսի զրկած հեռագրի մասին ու իր չփոթած միտքը չէր կրնար ուեւ պատասխան գտնել ներա հարցումներուն։ Մինչ տիկին Մարիամ իր լայնածաւալ գլխարկը կը փորձէր վար առնել՝ սիրտի անսովոր հեւանք մը լսուեցաւ քովի սենեակէն։ Նէ աճապարանքով այն սենեակը վագեց։ մահիճին վրայ հծկուած գտաւ իր եղբայրը՝ որ ահաւոր վիշտի մը ծանրութեան ներքեւ կը հեւար ու կը տառապէր։ Նէ սուր ճիչ մը արձակեց՝ որ վախի ահաւոր գող մը պտտցուց Ատրինէի ամբողջ մարմնին մէջ, ու Մարկոսի վրայ ինկաւ . . .

— Մարկոս, Մարկոս, խօսի՛ր, ի՞նչ կայ, ի՞նչ է եղեր . . . թո՛ղ աչքերս կուրնային ու քեզ այս վիճակին մէջ չի գտնէի . . . Երբ հեռագիրդ առի՝ սիրտս վկաց որ գժբաղդութիւն մը պատահած է . . .

Մարկոս գլուխը վեր բարձրացուց, իր քրոջ արցունքու աչքերուն նայեցաւ պահ մը, ու փորձեց քանի մը խօսքը ըսել.

— Հանդարտի՛ր, թո՛ղ Ասրինէն չի գիտնայ . . .
Ու մեղմ ձայնով մը, դրեթէ փսխալչն՝ պատմեց նախորդ գե-
շերուան իր տեսածները :

— Քեզ հոս կանչեցի որ հոկես զինք ժամանակի մը
համար՝ մինչեւ որ գիտակցի իր առած սխալ քայլերուն . . .
Համոզէ զինք որ իր ընթացքը ամուսնական աստաւածային օ-
րէնքին դէմ է . . . Յիշեցուր իրեն՝ վարդապետին առջեւ իր
ըրած ուխտին սրբութիւնը . . . Խօսէ՛ իրեն հետ ընտանեկան
յարկի մաքրութեան մասին . . . Բայց մի՛ պատմեր իրեն թէ
ես երէկ գիշեր զինք տեսայ երիտասարդի մը թեւերուն մէջ . . .
Այդ պատկերը չէ՛ սակայն որ կը տանջէ իմ միտքը. եթէ որոշ
սահմանի մը մէջ ապրի՛ հոդ չէ՛, թող երբեմն ալ հաճոյքի
վայրկեաններ անցունէ ուրիշներու հետ. իմ խիզճը հանդարտ
է այդ մասին, որովհետեւ ես կը տեսնեմ որ նէ կը տառապի
Փիղիքապէս՝ իմ անզօր բաղուկներուն մէջ . . . Իմ ժամա-
նակը անցած է արդէն, իսկ նէ իր կեանքի ամենէն տաք, ամե-
նէն խանդավառ շրջանին մէջ կը գտնուի . . . Երիտասար-
դական արիւնը կ'եռայ իր երակներուն մէջ. զիտեմ որ ինքնինք
զրկուած կը տեսնէ իր կնոջական լիուլի հաճոյքներէն . . .
Թո՛ղ երթայ . . . Ուրիշներու հետ թո՛ղ երբեմն փնտոէ իր
հաճոյքները . . . Եթէ միայն որոշ սահմանի մը մէջ ապ-
րի . . . Բայց կը վախնամ, կը սոսկամ իր գեղեցկութենէն,
որովհետեւ այդ գեղեցկութեան շուրջ հազարաւոր կրակոտ ու
սիրավառ աչքեր կը գառնան . . . Կը վախնամ որ օր մը շատ
հեռուն երթայ, իր ոտքը սահի, գերի դառնայ իր սիրտի զար-
կերուն . . . ու լքէ զիս՝ այս ահաւոր թշուառութեան օրե-
րուս . . .

Խարէ՛ զինք . . . Գեղեցկութեան կործանումներու
մասին պատմէ իրեն . . . Էսէ՛ իրեն որ ինք գեղեցիկ չէ՛.
թերեւս իր գեղեցկութեան նորազարթ զգացումը մթագնի,
սեւնայ իր սիրտին մէջ: Խարէ՛ զինք, թո՛ղ գիտնայ որ ինք
երջանիկ էակ մըն է . . . Իշխէ՛ իր սիրտին՝ որ չէ լքէ զիս,

մինչեւ որ ծերացած սիրտիս գանգաղ դարկերը դադրին բար-
խելէ, ու անկէ վերջ թո՛ղ երթայ, ո՛ւր որ կ'ուզէ, ո՛ւր որ իր
սիրտը կ'առաջնորդէ . . .

Դուռին զանգակը հնչեց մէկէն: Ասրինէն, որ իր
սենեակին մէկ անկիւնը՝ աթոռի մը վրայ կծկուած, գլուխը
ձեռքերուն մէջ՝ գալիք ժամերու մասին կը մտածէր՝ ցնցում
մը զգաց զանգակի ձայնէն. լոնդոստ վեր ցատկեց, սենեակին
դուռը բացաւ կիսովին, մարմինը դուռին ևտեւ՝ գլուխը դուրս
երկնցուց. Երկու անձանօթ երիտասարդներու հանդիպեցան իր
նայուածքները: Դուռին բացուիլը ու կոչ մը գլուխը տեսնե-
լուն պէս՝ անոնք իրենց գլխարկները վար առին մեքենաբար,
և դուռին աւելի մօտ գտնուող երիտասարդը հարցուց բարձ-
րաձայն:

— Վարձու սենեակ ունի՞ք:

Մինչ Ասրինէն դուռը աւելի բանալով՝ հաղիւ երկու
բառ սկսած էր խօսիլ, Մարկոսի հաստ ու խոպոտ ձայնը մէ-
կէն խեղղեց ներա բառերու մեղմ թրթումները:

— Այո՛, լաւ կահաւորուած երկու սենեակներ ու-
նինք . . .

Նա արդէն դուռին առջեւ կը գտնուէր ու փաղաքա-
կան լեզուով, քծնող ու ծիծաղելի շարժումներով՝ ներս կը հը-
րաւիրէր զանոնք որ սենեակները աչքէ անցունեն:

Հինգ վայրկեանէն անոնք արդէն համաձայնած էին
սենեակներու վարձքի ու այլեւայլ պայմաններու մասին: Յա-
ջորդ օրը անոնք պիտի գրաւէին իրենց սենեակները: Ոտքի
վրայ, օղի պայծառութեան մասին քանի մը խօսք փոխանակե-
լէ յետոյ՝ քաղաքավարական շարժումներով՝ անոնք մեկնե-
ցան:

Մարկոս չափաղանց գոհ կը զգար: Իրենց փայտա-

չն տունին երկու սենեակները՝ որ երեք ամիսներէ ի վեր պարապ էին մնացեր, ու թերեւս այդ իսկ պատճառով՝ Ատրինէն կը փափաքէր շարունակ դուրս պտոյսի երթալ՝ այժմ վարձը ուած էին երկու վայելչատես երխտասարդներու կողմէն։ Մեծ յազթանակի մը երեւոյթն ունէր այդ իրողութիւնը՝ Մարկոսի ծերացած միտքին համար։ Նա կը խորհէր որ Ատրինէի ոտքերը այլեւս կապուած պիտի մնային իրենց տան շեմէն ներս։ Այդ իրողութեան յափշտակութիւնը անդործութեան դաստապարտած էր անոր ուղեղը եւ նա չէր կրնար տեսնել իր ծերութեան թշուառութիւնը կրկնապատկող դէպքերու սեւ շարանը՝ բուն իսկ իր սեփական ծրագրին մէջ . . .։ Այդ ինքնասէր, եսամոլ ու ցնդած ծերուկը՝ ամբողջովին կուրցած էր միտքով ու հոգիով՝ եւ չէր կրնար տեսնել իր չնական, դժոխային ծրագրին մէջ՝ իր արդէն իսկ կործանուած կեանքի մօտալուտ փլուզումը։

Կեանքը սկսաւ իր անխուսափելի ընթացքը՝ Մարկոս Մեծիկեանի տան մէջ։ Անցնող օրեւը՝ նոր նոր երեւոյթներու, քսամնեցուցիչ անակնկաներու պատկերներ կը սկսէին բանալ Մարկոս Մեծիկեանի աշքերուն առջեւ . . .

Երկու օր իր եղաօր տունը անցունելի յետոյ՝ տիկին Մարիամ ստիպուած էր վերադառնալ, որովհետեւ ամէն ինչ երեսի վրայ ձգած՝ հեռացեր էր տունէն։ Իրենց ադարակին վըրայ իր ներկայութիւնը անհրաժեշտ էր որպէս տան տիկին։

Մէկ շաբաթ կ'ըլլար որ Երուանդ ունէ լուր առած չէր Ատրինէն։ Հոգեկան անհանգստութենէ մը կը տառապէր կարծես։ Վճռած էր Ատրինէն տեսնել այդքան երկար սպասել յետոյ՝ երբ այդ եօթերորդ օրը, կէսօրէն առաջ՝ նամակ մը ստացաւ Ատրինէն՝ որ կը փափաքէր տեսնել զինք կէսօրէն վերջ ժամը երկուքին՝ իրենց տան մէջ։ Երուանդ անսովոր հրձուանք մը զգաց իր հոգիին խորը՝ Ատրինէի նամակը կարգալով, եւ սկսաւ պատրաստուիլ ժամ առաջ՝ որպէս զի կարե-

նար ներա քով ըլլալ ժամանակին։ Նէ յայտնած էր իր նամակով որ Մարկոս այդ օր տուն պիտի չի գար ճաշի համար, բայց որպէս զի աւելի ապահով ըլլար իրենց տեսակցութիւնը՝ շեշտած էր որ Երուանդ չի ջանար գալ ժամը երկուքին առաջ։

Ժամը երկուքին՝ Երուանդ այն փայտաշէն տունին սկսաւ մօտենալ՝ անորոշ գող մը իր սիրտին մէջ։ Խուզարկող նայուածքներով իր բոլորակը անդամ մը եւս գիտելէ վերջ՝ նա թեթեւ քայլերով՝ առանց ձայնի՝ սկսաւ տան սանդուղներէն վեր ելլեւ։ Ատրինէն՝ պատուհանին առջեւ կեցած՝ Երուանդին կը սպասէր՝ գրեթէ կէս ժամ։ Նէ գուռը բացաւ, արագութեամբ Երուանդի ձեռքը բռնելով՝ ներս քաշեց զայն, գուռը գոցեց միւս ձեռքով, ու Երուանդի վիզին փաթթուելով՝ սկսաւ համբուրել կրքագին անոր չըթունքները։

Հինգ վայրկեանէն՝ անոնք արդէն իրենց շարժաթոռներուն մէջ, քով քովի, սկսած էին անվերջանալի խօսակցութեան մը՝ որ միայն մերթ ընդ մերթ կ'ընդհատուէր յանկարծ՝ համբոյըրի մը կամ գողարիկ վերյիշումի մը առթած դողին պատճառով։ Հանրային պարտէզին մէջ ունեցած իրենց վերջին տեսակցութեան ապրումները՝ տակաւին թարմ իրենց յիշողութեան մէջ՝ պատած՝ պաշարած էին անոնց հոգիները։ Բայց չէին զգար գրկումի ու համբոյըրներու դողը այնքան աղատօրէն ո'րքան որ կը զգային այն խորհրդաւոր ու ապահով պարտէզին մէջ։ Անորոշ վախի մը զգացումը՝ որ Մարկոսի սեւ շուքէն կուգար՝ կը սկսէր կամաց կամաց Ատրինէի սիրտին մէջ աւելի ու աւելի խորունկալ։ Երուանդի համար եւս՝ այդ շրջապատը տակաւ առ տակաւ կը նեղնար ու անշուք բանտի մը սարսուոը կը ձգէր անոր հոգիին մէջ։

Վայրկեանները ժամերու կը փոխուէին ու անոնց սիրտերուն մէջ յառաջացող վախին հետ՝ կարծես միայն այդ օր՝ իր սովորական ժամանակէն երկու ժամ առաջ՝ Մարկոս տուն կուգար։

Մինչ աճոնք՝ թէեւ իրենց սիրտերը անորոշ վախով մը
լցուն՝ իրարու դիրկն էին ինկած ու չարժաթոռի մը մէջ կը
օրորուէին մէղմօրէն՝ Մարկոս վեր կ'ելլէր տան առջեւի աստի-
ճաններէն՝ իր սովորական գողի քալուածքով։

Դեռ սանդուղին ծայրը չի հաջած՝ նա Ատրինէի պա-
տուհանէն ներս նշմարեց երկու շարժող դլուխներ՝ գրեթէ ե-
րարու փակած։ Նա իր աչքերը չի եց, իր քայլերը աւելի մեղ-
մացուց, ու կամացուկ մը պատուհանին մօտեցաւ։ Նա ճանչ-
ցաւ անմիջապէս որ Ատրինէն իր թէւերուն մէջ գրկող երիտա-
սարդը՝ Երուանդ Թորգոմեանն էր։ Այն գիշերուան խոռվիչ
պատկերը յանկարծ իր միտքին մէջ կախուցաւ, Ատրինէն ան-
ծանօթ երիտասարդի մը պրկող թէւերուն մէջ, շրթունք չըբ-
իունքի փակած . . . Նա ուզեց խորհիլ որ այն անծանօթ ե-
րիտասարդը դարձեալ Երուանդն էր։ Իր ծեր հոգին նորէն
սկսաւ փոթորկել իր էութիւնը։ Մարմինը կը գողար, իր ե-
րակներուն մէջ գանգաղօրէն շարժող արիւնը սկսաւ արագա-
ցընել իր վաղքը. Երակները պիտի պայթէին կարծես . . .
Արիւնը իր գլուխը խուժեց. դէմքն ու աչքերը քստմնեցուցիչ
կարմրութեան մը սկսան փոխուել . . . Դեռ կը սպասէր, ո-
րոշեալ ժամանակի մը կը սպասէր կարծես . . . Երբ Ատրի-
նէի ձայնը ականջին հասաւ մէկէն։

— Կը փափաքիմ որ ճիշդ ժամանակին . . . հանդի-
պիս ինծի . . . կայարանին առջեւ . . .

Մարկոս իր շունչը բոնած՝ կ'ուզէր լսել Ատրինէի բա-
ռերուն իւրաքանչիւր վանկը, ու երբ նէ կայարան բառը ար-
տասանեց, նա մէկէն կորսնցուց ինքովինք, տեսաւ որ անողոք
հարուած մը կ'իջնէր իր գանկին վրայ . . . Դուռը կատաղօ-
րէն պատին զարկաւ, ներս խուժեց, ակոաները կրծտելով, աչ-
քերը արիւնախառն ու դէմքի երակները ուռած, բռունցքները
սեղմելով՝ կատղած վագրի մը պէս Երուանդի վրայ խոյա-
ցաւ . . . Անոնք դուռի ձայնէն սարսափահար՝ ոտքի ելած

էին արդէն . . . Ատրինէն երբ Մարկոսի կարմրած դէմքն ու
արիւնոտ աչքերը տեսաւ՝ սկսաւ գողալ, իր գոյնը նետեց մէ-
կէն . . . Ներա ամրողջ կեանքէն միայն մէկ պատկեր կ'երեւ-
նար իր աչքերուն, — իր հօր անողոք բարկութեան նոպային՝
իր մօր փաթթուիլը անոր ոտքերուն . . . Մոոցաւ ամէն ինչ,
ու տանըչորս տարիներու ներա ուզեղի վրայ գրօշմուած
պատկերի բնազգական ազգեցութեան ներքեւ՝ նէ աղաչական
նայուածքներով՝ զինք գիեցնող մօր պէս՝ սկսաւ փաթթուիլ
Մարկոսի ոտքերուն . . .

— Քու գերին թո'ղ ըլլամ . . . Այն վատը . . . Վա-
տը . . . Գերիդ ըլլամ . . . ներէ ինձ այս անդամ . . .

Երուանդ տեսաւ այդ պատկերը, իրեն անծանօթ նե-
րա այդ բնազգին զարթնումը, լսեց Ատրինէի խօսքերը . . .
Այն ուժասպառ ծերուկը ոչինչ կը ընել իրեն . . .
Դուրս վազեց ու արագ արագ հեռացաւ այդ փայտաչն տու-
նէն . . . վիրաւոր սիրտով։

Հինգ օր վերջ, որոշեալ ժամանակին, Երուանդ կա-
յարանին առջեւ՝ Ատրինէին կը սպասէր . . . նէ կ'ուշանար . . .
ձեպընթացը մեկնեցաւ . . . Նէ տակաւին կ'ուշանար . . .
Նա հոն սպասեց աւելի քան երկու ժամ . . . ու արագ արագ հե-
ռացաւ կայարանէն . . . յուսախար ու վիրաւոր սիրտով։

Նէ մոոցած էր իր սիրտը . . . վախէն։

Երուանդ տակաւին անփորձ էր, չէր գիտեր որ կի-
ները բանականութենէ աւելի՝ իրենց բնազգներով կը կառա-
վարուին . . .

ՅՈՐՁԱՆՔԻՆ ՄԷԶ

Ամէն առաւօտ ժամը վեցին՝ պատանի մը, Մ փողո-
յէն սկսելով՝ իր հեծանիւլին վրայ նստած՝ կը հեռանար ֆրէդ-
նոյէն՝ որ լոռւթեան թեւերուն մէջ կ'օրօրուէր տակաւին։
Ֆրէզնօն իր ետեւ ձգած՝ մեծ պողոտայէն՝ հալածուողի մը
պէս՝ նա կը քչէր իր հեծանիւր արագօրէն։ տասնըհինդ վայր-
կեան վերջ՝ սեւ կէտի մը կը փոխուէր, ու կամաց կամաց
կամերեւութեանար։ Յունիսի մեզմաշունչ օրերուն՝ միամն
տասնըհինդ օր, ամէն առաւօտ նա իր գործի վայրը կ'երթար՝
որ ընդարձակ ադարակ մըն էր՝ քաղաքէն հինդ մորն հեռու,
ու իրիկունները ժամը վեցին՝ իր գործը կը ձգէր, նոյն ճամ-
բաներէն տուն կը վերադառնար . . . յոդիարեկ։ Երուանդն
էր այդ պատանին։

Թէեւ Ատրինէի պատճառած յուսախարութեան կսկի-
ծը տակաւին չէր հեռացած իր սիրոտէն ու շատ անդամ այն չա-
րաշուրք դէպէէն յետոյ՝ իր հոգին քրքրող դառնալիր արցունք-
ներ էր թափած դիշերական առանձնութեան լուռ ժամերուն՝
Երուանդ ցցուած կը գտնէր իր առջեւ անողոք կեանքի նոր ու
հոգեմաշ երեւոյթներ։ Այդ գառնալիր երեւոյթները՝ կամաց
կամաց կը թաղէին Ատրինէի հոգին մոռացութեան գիրկը։

Խե՛ղճ պատանի, դեռ քսանըմէկ տարեկան, յուսախա-
րութեան սառնաշունչ քամին երկու անդամ խորտակած էր ա-
նոր սիրտին մէջ կառուցուած գողտրիկ երազներու դղեակը . . .
իր առաջին յուսախարութեան կսկիծը դինք Ամերիկա քշած

էր՝ բարձրագոյն կրթութեան ձգտումով։ Իր երկրորդ յու-
սախարութիւնը՝ միայն տարի մը վերջ՝ կեանքի անողոք պայ-
քարին մէջ կը նետէր զինք, ու բարձրագոյն կրթութեան ձլգ-
տումը կը թաղուէր առժամապէս իր միտքին մէջ՝ տնտեսական
անձուկ պայմաններու պատճառով։

Իր քոյլերն ու աղջականները օգնած էին իրեն՝ ինչ-
պէս նաև իր մօրն ու եղբօր՝ որ կարենային Ամերիկա գալ։
Պարտքով՝ ծանր պարտքով՝ նախ ինքը, յետոյ իր մայրն ու
եղբայրը՝ ընտանիքով՝ Ամերիկա եկած էին։ Հինդ հարիւր
տոլարի գումար մըն էր ամբողջ պարտքը, որու չորս հարիւր
տոլարը իր մօրաքրոջ որդիներ փոխ տուած էին։ հարիւրին ու-
թը տոկոսով՝ իր քոյլերու ու անոնց ամուսիններու գրաւոր ե-
րաշխաւորութեամբ։ Հակառակ պարագային, եթէ Երուանդ
եւ իր եղբայր չի կարենային կամ չուզէին վճարել այդ գումա-
րը՝ տէր եւ տէկին Սերոբեաններ ու Գրիգորեաններ՝ իրենց
սուրագրած թուղթի համաձայն՝ պարտաւոր էին վճարելու
իրենց գրպանէն։ Իսկ մնացած հարիւր տոլարը՝ Երուանդի
քոյլերը հայթայթած էին առանց տոկոսի։

Այդ պարտքը, ամէն գիշեր, մզճաւանջի մը պէս՝ Եր-
ուանդի եւ իր եղբօր հոգիններուն կը ծանրանար ու անոնց քու-
նը կը փափացնէր իրենց աշքերէն։ Իրենց մայրն ալ գիշերները
անքուն կ'անցունէր, միշտ աղօթելով ու պաղատելով Աստը-
ծուն՝ որ իր զաւակներուն յաջող ու հանգիստ գործ մը գլու-
նէր Ամերիկայի մէջ՝ որպէս զի անոնք կարենային իրենց
պարտքը վճարել շուտով։ Նէ ամէն Կիրակի ժամ կ'երթար,
ամէն մէկ սուրբի պատկերին առջեւ մոմ մը կը վառէր, ծունկի
եկած։ իր սիրտը կը բանար այդ սուրբերուն առջեւ . . . Ար-
ցունքները աչքերուն մէջ՝ տիկին Սրբուհին՝ իր երեսը խաչա-
կրնքելով արագ արագ՝ գրեթէ մեքենաբար՝ այդ սուրբերուն
կը փափսար իր սիրտին փափսաքը . . .

— Քեզի մեռնիմ, սուրբ Տիրամէր, անտէր ու անտի-

րական ենք . . . իմ Երուանդին հանդիսատ գործ մը դադիր . . . իմ Գեղամին գործ մը սուրբ . . . Բարեխօս Սուրբ . . . Հոգիս վկայ . . . ամէն Կիրակի մոմ մը պիտի վառեմ սուրբ պատկերիդ առջեւ . . .

Ու այդ յաւիտենական սուրբերը լուռ էին՝ անխօս ու քարացած՝ տիկին Սրբուհու հոգերուղիս արցունքներուն առջեւ . . . Լուռ էր նաեւ Աստուած . . . Այդ Աստուածը գործ չունէր տիկին Սրբուհու դաւակներուն համար . . .

Երուանդ միայն տասնըհինգ օր գործած էր՝ որպէս հասարակ գործաւոր՝ այն ազարակին վրայ որ Թրէզնոյէն հինգ մղոն հեռու կը գտնուէր, երբ ազարակին տէրը՝ շաբաթ իրիկում՝ անոր տասնըհինգ օրուան աշխատանքի վարձքը, քըսան տոլար, վճարեց ու յայտնեց իրեն որ այլեւս գործաւորի պէտք պիտի չունենար:

Անկէ վերջ՝ Երուանդ եւ իր եղբայրը՝ որ նոր էր եկած Ամերիկա՝ գրեթէ երկու ամիս պարապ պտտեցան: Այս կամ այն ազգականին կ'երթային գործի համար, իրենց գլուխը ամէն քարի կը զարնէին՝ բայց գործ չի կար. գործ կար . . . բայց իրենց գործ տուող չի կար: Ամբողջ օր հոս ու հոն դիմելէ յետոյ՝ յուսախաբ՝ երեսկախ տուն կը վերադառնային: Իրիկուները՝ դարձեալ տրտում՝ լքուած, անխօս ու անձայն՝ չատ կանուխ՝ անկողին կ'երթային . . . բայց չէին կրնար քըսնանալ . . . Հինգ հարիւր տոլարի պարտքը՝ մղձաւանջի մը պէս իրենց հոգիներուն կը ծանրանար դարձեալ: Իսկ իրենց մօրաքրոջ որդիներու պահանջած հարիւրին ութ տոկոսը՝ արդէն խորունկ ու անբուժելի վէրք մըն էր բացած անոնց դիւրազգած սիրտերուն մէջ:

Օրեր, շաբաթներ ու ամիսներ կ'անցնէին, տիկին Սրբուհին կը շարունակէր իր ազօթքն ու պաղատանքը Աստծուն՝ ամէն առաւօտ՝ լուացուելուն պէս, ամէն երեկոյ՝ անկողին երթալէ առաջ:

ուած մոմերը կը պլազլային բարեխօս սուրբերու պատկերներուն առջեւ . . . Բայց սուրբերը պապանձուեր էին, չէին պատասխաներ տիկին Սրբուհու լացին ու աղերսին: Լուռ էր նաեւ՝ տիկին Սրբուհու Աստուածը . . . :

Սակայն անցնող ժամանակի հետ՝ Երուանդ ու Գեղամ օրէ օր աւելի կը ծանօթանային իրենց միջավայրի պայմաններուն: Թրէզնօ քաղաքը այլեւս անծանօթ ու օտար տեղ մը չէր իրենց համար: Գործի պատճառով՝ անոնք արգէն քաղաքի ամէն մէկ անկիւնը կը ճանչնային՝ դրէթէ իրենց տան պէս:

Այդ տարուան Օգոստոսին՝ գործի բուռն ժամանակը՝ գործաւորի մէծ պահանջ կար Թրէզնոյի մէջ ու շրջակայ ազարակներու վրայ: Թիերեւս սուրբերու բարեխօսութեան արդիւնքն էր . . . Երուանդ եւ Գեղամ՝ բարեկամի մը միջնորդութեամբ՝ գործ առած էին Քինկպարկ գիւղի ազարակի մը վրայ, որ Թրէզնոյին միայն երեսուն մղոն հեռու էր: Ամբողջ երկու ամիս՝ իրենց ընտանիքին բոլոր անդամներով՝ օրը տաս, երբեմն տասնըմէկ կամ տասերկու ժամ՝ անդաղար գործեցին:

Գործը թէեւ ծանր էր Երուանդի եւ Գեղամի համար, ու ամէն օր արեւի կիզիչ ճառադայթներու տակ քրտինքը անպակաս իրենց ճակատէն՝ անոնք գոհ էին ու գործի ծանրութիւնը ոեւէ դառնութիւն չէր պատճառեր անոնց սիրտերուն: Գիշերները հանդիսատ կը քնանային՝ այն միակ մտածումով՝ որ չատ չուտ, իրենց հայկական խնայողութեամբ, ունեցած չունեցածէն՝ չորս ճոթը իրարու մօտ բերելով՝ պիտի կարենային իրենց պարտքը վճարել: Տարին դեռ չէր բոլորած . . . անոնք վճարեցին իրենց պարտքը ամբողջովին՝ իրենց սեփական քրտինքով: Այն պարտքի սեւ ծանրութիւնը այլեւս մղձաւանցի մը պէս չէր ծանրանար անոնց հոգիներուն, ու անկէ վերջ՝ անոնց գիշերները աւելի խաղաղ ու հանդիսատ էին:

Տիկին Սրբուհին, որ ամիսներէ ի վեր ժամու երես չէր տեսած՝ քաղաք գալուն պէս՝ առաջին Կիրակի օր ժամ վաղեց

ու ամէն մէկ բարեխօս սուրբի պատկերին առջեւ երկու մոմ վասեց այս անգամ : Արցունքնելը վար կը թափէին իր բարեգութ աչքերէն դարձեալ, ու երեսը խաչակնքելով՝ ծնկաչոք՝ իր Աստծուն, սուրբերուն հետ կը խօսէր շարունակ, չնչառպառ, հեւալէն .

— Փա՛ռք քեզ, , Աստուած, Յիսուս Փրկիչ, Աղիո Տերամէր, որ մեղաւորիս ձայնը լսեցիք ու որդիներուս օդնութեան հասաք . . .

Տիկին Սրբուհին աղօթեց նորէն՝ ծնկաչոք, երկիւղածութեամբ, երեսը խաչակնքեց նորէն, ու չերժ հաւատացեալի մը մրմունջով ուխտեց իր սիրտին մէջ .

— Խաչ որ ամէն Կիրակի ժամ պիտի զամ ու ամէն մէկ սուրբի պատկերին առջեւ երկու մոմ պիտի վառեմ :

Տիկին Սրբուհին պահեց իր ուխտը . ամէն Կիրակի ժամ կ'երթար, չերժ հաւատացեալի իր լուման կը ձգէր ժամու պնակին մէջ, ամէն մէկ սուրբի պատկերին առջեւ երկու մոմ կը վառէր, արցունքուտ աչքերով սուրբ Տիրամօր պատկերին յառած իր հոգեբուլի աղօթքը կը մրմնջէր, ու ամենէն ուշ, քանի մը անգամ նորէն արագ արագ երեսը խաչակնքելով՝ տուն կ'երթար : Տիկին Սրբուհու հաւատքը շա՛տ զօրաւոր էր, շա՛տ խորունկ . . . Ու իր զաւակներու գործի յաջողութիւնը՝ սուրբ Տիրամօր բարեգութ սիրտին կը վերադրէր :

Ամբողջ երկու տարի, պտուղի ժամանակ, այդիներու ու աշունը, գրեթէ մինչեւ Նոյեմբերի վերջերը, չամիչի գործարաններու մէջ՝ անոնք չարաչար գործեցին՝ իրենց ընտանիքի բոլոր անդամներով : Տիկին Սրբուհին իր ականջները միշտ բաց կը պահէր՝ երբ պտուղի ժամանակը դար : Օր առաջ իրեն ծանօթ ագարակատէրերուն կ'երթար, օր առաջ կը պայմանաւրուէր անոնց հետ, որպէս զի պտուղները համնելուն պէս, առանց ժամանակ կորսնցնելու՝ կարենային գործի սկսիլ :

Տիկին Սրբուհին ճարպիկ, գործունեայ, արագաշարժի մըն էր : Սիրաը կը ճաթէր կարծես՝ եթէ մէկ ժամ առանց գործի մնար : Երբ այդիներու գործերը վերջացած՝ քաղաք կը վերադառնային, յաջորդ օրն իսկ, առաւօտ շատ կանուխ, մութ ու լուսուն՝ վեր կ'լլէր, լուացուելուն պէս՝ դէպի աղօթարան կը դարձնէր իր աչքերը, երեսը քանի մը անգամ խաչակնքելով՝ իր սովորական աղօթքը կը փափսար Աստղծուն ու սուրբերուն՝ առանց նոյնիսկ պատառ մը բան դընելու իր բերան՝ ճո՛ւկ, ակիկին Սուկիթենց չամիչի գործատան առջեւ կը կենար : Ամէն անգամ, թերեւս իր սուրբերու բարեխօսութեամբ՝ երբ այդքան կանուխ գործատուն երթար՝ միշտ ալ կը յաջողէր գործ առնել : Իր զաւակներու ականջին ալ միշտ միեւնոյն յանկերգը կ'երգէր .

— Երուա՛նդ, Գեղա՛մ, վե՛ր ելէք, լուսցեր է . . . Եա՛չ որ գործ կ'առնէք՝ եթէ կանուխ երթար . . .

Երկու տարի շարունակ գործելով՝ անոնք արդէն իրենց պարտքերը վճարած, հագուելէ խիուելէ վերջ՝ չորս հարիւր տոլար ալ դրամատան մէջ ունէին :

Բայց չարագուշակ օր մը, առաջին անգամ ըլլալով՝ տիկին Սրբուհին հիւանդացաւ, քանի մը անգամ փորձեց տեղէն շարժիլ արդ օր, բայց կարծես իր մահիճին գամուած էր՝ չի կրցաւ : Ախով ու գողով իր սուրբերը օդնութեան կանչեց, բայց անոնք եւս կ'ուշանային : Այդ օր գործի չի կրցաւ երթալ . սիրտը ճաթելու աստիճան լեցուած էր . . . Կը հաշուէր որ իրեն ճիշդ քով գործող աղջիկը, օրիսրդ Մէրին՝ այդ օր չորս տոլար իրմէ աւելի պիտի շինէր : Յաջորդ օրը՝ տիկին Սրբուհու վիճակը աւելի ծանր էր . նորէն իր մահիճին գամուած կը մնար . . . Նորէն կը հաջուէր որ օրիսրդ Մէրին ութը տոլար աւելի պիտի շինէր այդ երկու օրերուն . . . Իսկ ինք՝ ութը տոլար կը կորսնցնէր : Երկրորդ օրը քանի մը անգամ փորձեց գարձեալ ոտքի ելլել . զո՛ւր էր իր ջանքը : Այդ օր

Երուանդ ուղեց բժիշկ մը կանչել, բայց տիկին Սրբուհին ընդումացաւ, չի թողուց . . .

— Բժիշկի պատանքն եմ կարեր, իմ սուրբերը զիս սուքի կը հանեն առաւօտ . . .

Առաւօտ կ'ըլլար, ու իր սուրբերը դեռ կ'ուշանային . . . Տիկին Սրբուհու վիճակը աւելի կը ծանրանար: Այդ օր Գեղամի կինը՝ տիկին Ալիսն ալ գործի չի գնաց. տիկին Սրբուհու վիճակը ծանր էր, մէկը պէտք էր իր քով գտնուէր շարունակ: Երուանդ եւ Գեղամ նորէն բժիշկի խօսք բացին. տիկին Սրբուհին, որ չափէն աւելի ջղայնոտ կ'երեւնար՝ աւելի ջղայնացաւ.

— Բժիշկներու պատանքն եմ կարեր, բժիշկներու պատանքն եմ կարեր . . . Գործի գացէք որ չուշանաք:

Ու տիկին Սրբուհին նորէն փոքրիկ հաշիւ մը ըրաւ իր միտքին մէջ. Երեք օր՝ չորսական տոլարէն՝ օրիորդ Մէրին տասերկու տոլար աւելի պիտի շինէր, իսկ ինք՝ տասերկու տոլար կը կորսնցնէր. իր կորուստին վրայ աւելցուց նաեւ տիկին Ալիսի հինգ տոլար օրտկանը, գումարը տասնթիոթ տոլարի կը հասնէր՝ որ մետաքսէ թելի մէջ չարուած՝ իր աչքերու առջեւէն չէր հեռանար:

Այդ իրեկուն Երուանդի եւ Գեղամի երեսները կախուած էին՝ երբ տուն վերադարձան: Երուանդ՝ գործաւորի մը հետ ունեցած վէճի մը պատճառով՝ գործէ ձգուած էր: Գործատան վերահսկիչը՝ որ այն գործաւորի մտերիմ բարեկամն էր, երեւի անոր աւելի գուր գալու համար՝ Գեղամի գործն ալ առած էր ձեռքէն:

Գործատուները արդէն մէկ երկու շաբաթէն պիտի փակուէին: Երուանդ եւ Գեղամ յաջորդ օր չուզեցին գործ վնատուելու երթալ: Եւ երբ տիկին Սրբուհին լսեց իր զաւակներուն գործէ ձգուիլ՝ յուսահատական «ախ» մը քաշեց . . .

կարծես իր վիճակը աւելի կը ծանրանար: Բայց այդ ծանր վիճակին մէջ՝ նէ փորձեց նորէն փոքրիկ հաշիւ մը ընել . . . Զորս օր, չորսական տոլար՝ օրիորդ Մէրին տասնթվեց տոլար աւելի պիտի շինէր, իսկ ինք՝ տասնթվեց տոլար կը կորսնցընէր. տիկին Ալիսի կորուսալ տաս տոլար կ'ըլլար. Երուանդ եւ Գեղամ՝ վեցական տոլարէն՝ տասերկու տոլար կը կորսնցնէին. գումարը երեսունեւութ տոլար կ'ըլլար . . . երեսունեւութ տոլար՝ որ մետաքսէ թելի մէջ չարուած՝ ճթնոցի մը պէս՝ տիկին Սրբուհու մարմրուն աչքերուն առջեւն էր կախուած՝ չէր հեռանար:

Սառնաշունչ ձմեռը կը մօտենար կամաց կամաց, իսկ տիկին Սրբուհին գեռ իր մահճին էր գամուած: Իր սուրբերու բարեխօսութիւնը ապարդիւն մնալով՝ նէ վերջապէս համոզուեցաւ բժիշկի մը ինամքին յանձնուելու անհրաժեշտութեան: Բայց ամէն անդամ որ բժիշկը կուգար՝ տիկին Սրբուհին իր երեսը կը դարձնէր անկէ, ու կը փսփսար իր միտքին մէջ.

— Պատա՛նքդ կարեմ, նորէ՞ն եկար. որբ զաւակներուն քրտինքին դրամը կողոպտելու եկար նորէն:

Բժիշկը կը շարունակէր սակայն իր այցելութիւններ՝ օրը մէկ, երեմն երկու անգամ: Երուանդ գրեթէ ամէն օր դեղարան կը վագէր: Տիկին Սրբուհին կը գործածէր բըժիշկի պատուիրած դեղերը, բայց իր անխախտ հաւատքը տակաւին սուրբերուն վրան էր:

Բժիշկի իւրաքանչիւր այցելութեան հետ՝ կը պակսէր նաև անոնց քրտինքով շահած դրամը: Գործատուները գոցուեր էին արդէն եւ Երուանդ ու Գեղամ՝ ձմեռուան ցուրտ օրերուն՝ իրենց գլուխը ամէն քարի զարնելէ վերջ՝ նորէն լըքուած ու յուսահատ՝ հոս ու հոն կը թափառէին: Իրենց մօր հիւանդութիւնը աւելի յուսահատական կը դարձնէր ամէն ինչ:

Հինգ ամիսներու ընթացքին՝ արդէն երկու հարիւր տոլար լրս-
ժիշկին վճարած էին։ Դրամը կամաց կամաց կը սպառէր՝
հակառակ անոր որ չափազանց խնայողութեամբ կ'ուղէին ամ-
րիւլ։ Իրենց անշուռ ու աղքատիկ սեղանը՝ օրէ օր աւելի ան-
շուք ու աղքատիկ կը դառնար։ Հինգ ամիս վերջ՝ տիկին Սըր-
բուհին դեռ իր մահիձին զամուած՝ անոնց վերջին սէնթը կը
սպառէր։

Ո՞չ ոք գիտէր իրենց թշուառ վիճակի մասին։ իրենց
ամենամօտիկ աղղականն իսկ անտեղեակ էր կացութեան։ Վե-
հանձնութիւն մը և ինքնասիրութեան խոր զգացում մը պա-
շարած էին անոնց հոգիները, ու անոնք կ'ամշնային, չէին հա-
մարձակեր ունէ մէկին ձեռք կարկառել օդնութեան համար։

Բժիշկը կուղար դարձեալ . . . շարաթը մէկ անդամ
միայն . . . Երուանդ դեղարան կ'երթար՝ շարաթ անդամ մը
միայն։ Բժիշկը զարդեցուց իր այցելութիւնները ու Երուանդ
այլեւս դեղարան չէր երթար . . .

Անպատմելի թշուառութիւն մը՝ օրէ օր աւելի կը ծան-
րանար այդ տունին վրայ։ Վերջին ամիսներուն՝ օրը միայն
երկու անդամ անոնք ճաշի կը նստէին . . . Անոնց սեղանը օրէ
օր աւելի թափուր կը դառնար, ու իրենց վերջին սէնթին հետ՝
կը սպառէին նաեւ իրենց սեղանի վերջին վհշանքները . . .

Անոնց դէմքերը տժդունած՝ նիշարցեր էին. կ'ամ չ-
նային նոյնիսկ գիշեր ատեն գուրս ելլելու . . . Անօթու-
թեան սեւ ուրուականը չոքեր էր կարծես այդ խեղճ տունին
վրայ ու չէր հեռանար . . .

Անոնց մայրը գեռ կը տառապէր իր հիւանդութեան
ծիրաններուն մէջ . . .

Երեք օր անօթի էին անոնք, պատառ մը բան չէին կե-
րած։ Տիկին Ալիսի երեք տարեկան փոքրիկ լիլին ալ անօթի
էր, չառ անօթի, որ չարունակ իր կմախացած մայրիկի փե-

շերուն միաթիթուած՝ կուլար ու հաց կ'ուղէր։

— Մամա', մամա', հա'ց, հա'ց, հա'ց . . .

Ու ներա թրթուուն ձայնի վանկերը կը խրուէին իր
արցունքու մայրիկի խոցոտուած սիրտին մէջ . . . Փոքրիկ
լիլին նորէն կուլար՝ իր մայրիկի լացին հետ ու հաց կ'ուղէր։

— Մամա', մամա', հա'ց, հա'ց, հա'ց տուր, հա'ց,
հա'ց . . .

Ու ներա արցունքի ջինջ կաթիլները վար կը հոսէին
իր հրեշտակային՝ անմեղ դէմքէն՝ իր մայրիկի փեշերուն վը-
րայ։ Խեղճ, անմեղ գառնուուկ . . . ամբողջ աշխարհ շը-
ռայլութեան գիրկը կը լողայ՝ մինչ քու փոքրիկ ստամոքսը կը
դալարի, կը կծկուի անօթութեան մանկերուն մէջ . . . Հէ՛ք
մոքրիկ լիլի . . .

Ամբողջ երեք օր՝ ո՞չ ոք գուրս ելած կամ ներս մտած
եր այդ տունէն . . . Անօթութիւնն էր որ գայլի պէս իր երա-
խը բացած՝ անոնց գուրփին առջեւ՝ իր գոհերուն կը սպասէր . . .

Անոնց աղղականներն ու բարեկամները միայն երբեմն
կ'այցելէին իրենց հիւանդ մայրը։ Բայց այդ վերջին օրերուն՝
ո՞չ ոք մտած էր իրենց շեմէն ներս։

Բարի դրացուհի մը՝ որ երբեմն կ'այցելէր անոնց հիւ-
անդ մայրը՝ նկատած էր որ երեք օրերէ ի վեր ո՞չ ոք այն
տունէն գուրս ելած էր կամ ներս մտած։ Փոքրիկ լիլին՝ որ
ամէն օր կը խաղար իրենց բակին մէջ, դուռին առջեւ, երեք
օրերէ ի վեր տեսնուած չէր դուրսը։ Նէ որոշեց այդ օրն ալ
այցելել անոնց հիւանդ մայրը, ու քանի մը վայրկեան վերջ՝
արդէն անոնց գուրփին առջեւ կը գտնուէր։ Դուռին զանգակը
հնչեցուց ու սպասեց . . . գրեթէ երկու վայրկեան։ Նորէն
հնչեցուց զանգակը՝ բայց դուռ բացող չի կար . . . Զեռքով
սկսաւ դուռը ծեծել . . . ու սպասեց, բայց դուռը բացող չի

կար . . . Նէ կարծես կանխազգացութեամբ՝ դուռը բացաւ
իր ձեռքով ու ներս գնաց . . . Տիկին Սըրուհին իր մահիճին
վրայ, Երուանդն ու Գեղամ՝ իրենց մօր մահիճին քով՝ սեն-
եակին մէկ անկիւնը կծկուած, տիկին Ալիս՝ Լիլին իր մայրա-
կան թեւերուն մէջ գրկած . . . մարդկային կմախացած դէմ-
քեր, փոսցած աչքերով՝ անօթութեան ալցունքը իրենց նայ-
ուածքներուն մէջ քարացած՝ բոլորը մէկ՝ սկսան այդ բարի
դրացուհու աչքերուն յառիլ . . . Լուս էին. անօթութիւնը
կապած՝ կաշկանդած էր անոնց լեզուները. իրենց շրթունքնե-
րը կը շարժէին՝ բայց ձայն դուրս չէր դար . . . Կուզէին խօ-
սիլ՝ բայց անօթութիւնը շղթայած էր անոնց գիտակցութիւ-
նը . . . Ի՞նչ պէտք լեզուի, ի՞նչ պէտք կայ ձայնի՝ երբ ա-
նոնց կմախացած դէմքերն ու նուազուն աչքերը աւելի պէրճա-
խօս, աւելի խօսուն էին . . .

Ու բարի դրացուհին իր տուն վաղեց. հինդ վայրկեա-
նչն վերադարձած էր արդէն . . . Հացով ու զանազան ուտե-
լիքներով: Երբ Լիլին հացը տեսաւ դրացուհու ձեռքին մէջ,
նուազուն, դողդացող, հազիւ լսելի ձայնով մը հեկեկաց.

— Մամա՛, հա՛ց, հա՛ց . . .

Այն բարի դրացուհին չի կրցաւ իր սիրտին յուղումը
զսպել, հացը գեռ Լիլիին չի տուած՝ միզակեցաւ մէկէն . . .
Քարերն անդամ պիտի լային եթէ զդացումը չի պակեր իրենց:
Բայց ինչո՞ւ, ինչո՞ւ տիկին Սըրուհու Աստուածն ու սուրբերը՝
անտարեր աշխարհին միացած՝ գեռ կը հեղնէին անոնց անօ-
թութիւնը . . . Միայն մէկ սիրտ, բարի դրացուհու սիր-
տը . . . Փրկեց այդ խեղճերը անօթութեան ճանկերէն:

Դառնութեան օրերը կ'անցնէին կամաց կամաց: Այն
բարի դրացուհին իր ամուսնու միջոցով՝ որ հարուստ էր եւ
քաղաքին մէջ պատուաւոր գիրքի տէր՝ գործ գտած էր Եր-
ուանդի եւ Գեղամի համար:

Գեղամ, որ տասը տարիներէ ի վեր՝ հայրենիքի մէջ
փորագրիչ էր եղած՝ իր ապրուստը այդ արհեստէն հանած էր,
այժմ եւս, քաղաքին մէջ ծանօթ վարպետի մը քով՝ կը սկսէր
իր հացը նորէն այն արհեստէն հանել: Թէեւ շատ չնչին շա-
րաթականով մը սկսած էր գործի, ապրուստը չէր կրնար հա-
նել, բայց կամաց կամաց շարաթականը բարձրացած էր ու
ամէն կերպով գոհ կը զգար իր արհեստէն եւ կեանքէն:

Երուանդ արհեստ մը չունէր. իր կեանքի տասերկու
տարիները գպրոցի գրասեղաններու վրայ էր անցուցած. ըս-
տիպուած ու ճարահատ՝ ի՞նչ գործի ալ հանդիպէր՝ կ'ընէր,
չէր մերժեր: Նպարավաճառի մը խանութիւն մէջ, այն բարի
դրացուհու ամուսին գործ առած էր Երուանդի համար: Թէեւ
շարաթը միայն ութ տողար կը ստանար, վերջապէս գործ մըն
էր որ իր միտքը գէթ զրադած կը պահէր ժամանակի մը հա-
մար, մինչեւ որ պտուղի եղանակ՝ այդիներու գործերը բաց-
ուէին:

Տիկին Սըրուհին ալ կամաց կամաց կը սկսէր շարժիլ
իր մահիճին մէջ: Իր հիւանդութիւնը կը հեռանար օրէ օր՝
բժիշկի հեռանալէն ժամանակ մը վերջ: Թէեւ մօտ վեց ամիս
իր մահիճին գամուեցաւ՝ չի կրցաւ զիտնալ թէ ի՞նչ էր իր հի-
ւանդութեան պատճառը: Միայն սա չափը գիտէր որ իր ոտ-
քերուն, սրունքներուն մէջ կրկտող ցաւ մը մտած էր ու գուրս
չէր գար: Արդեօ՞ք պաղ գետնի վրայ ոտքի կանգնած գործե-
լէ՞ն յառաջ էր եկած այդ ցաւը իր սրունքներուն մէջ: Տիկին
Սըրուհին չէր ուղեր ընդունիլ այդ պատճառը: Բայց իր ցա-
ւի հեռանալու մասին՝ մէկ բան շատ որոշ էր իր միտքին մէջ.
բժիշկը կողոպտած էր իր տղաները՝ առանց դարման մը տալու
իր ցաւին. բժիշկը անօթութեան մատնած էր իր տունը, այն
անդութ, անխի՛ղճ, անաստուած բժիշկը: Ամէն օր իր հար-
սին կը յայտնէր բժիշկին հանդէպ ունեցած գանդատը.

— Զ'ըսի՞ քեզ, Ալիս, այն պատանքակարը տղաներս

Կողոպտելու կուզար ամէն օր . . .

Ու հոգիին խորէն, քանի մը անդամ, արագ արագ
կ'աւելցնէր.

— Իր պատանքը կարեմ, իր պատանքը կարեմ . . .

Տիկին Սրբուհին ոտքի ելլելուն պէս՝ առաջին կիրա-
կին ժամ զնաց: Ուխտած էր իր սիրտին մէջ որ ոտքի կանդ-
նելուն պէս՝ ժամ պիտի երթար ու ամէն մէկ սուրբի պատկե-
րին առջեւ երեք մոմ պիտի վառէր այս անդամ: Իր ուխտը
կատարելու գացած էր: Հաւատացեալի իր լուման ժամու պը-
նակին մէջ ձգած՝ ամէն մէկ սուրբի պատկերին առջեւ երեք
մոմ վառելով՝ տիկին Սրբուհին Տիրամօր պատկերին առջեւ
ծնկաչոք՝ իր սրտաբուղլարցունքները աչքերուն մէջ՝ երկիւ-
ղածօրէն կ'աղօթէր.

— Փա՛ռք քեզ, Աստուած, Փրկիչ Մանուկ, Աղիզ Տի-
րամէր, որ մեղաւորիս ձայնը լսեցիք ու ոտքերուս կրկուտը
տարաք . . .

Տիկին Սրբուհու աղօթքը շատ կարճ էր ու կորուկ.
աղօթելէ աւելի՝ դպիրներու ժամասացութեան հետ՝ միշտ ա-
րագ արագ՝ իր երեսը կը խաչակնքէր, ու դարձեալ կ'աղօթէր.
Եթէ բան մը մոոցած ըլլար իր սուրբերուն յայտնելու՝ նորէն
ծունկի կուգար ու իր կարճ, շատ կարճ, լակոնական աղօթքը
կը մըմնջէր:

Ու ամենէն վերջ՝ ժամը արդէն պարագուած՝ տիկին
Սրբուհին՝ դուրս ելլէտ առաջ՝ նորէն ծունկի եկաւ, վերյի-
շեց իր միտքին մէջ մոոցուած կէտ մը ու երկիւղածութեամբ
սկսաւ իր սուրբերուն յայտնել զայն.

— Փա՛ռք քեզ, Աստուած, ողորմած Քրիստոս, Աղիզ
Տիրամէր, որ տեսաք անօթութիւնն իմ տան մէջ ու հանդիսա-
գործ ճարեցիք որդիներուս . . .

Ու իր երեսը խաչակնքելով նորէն՝ տուն զնաց:

Տիկին Սրբուհու ունեցած հաւատքը իր սուրբերուն
հանդէպ՝ շղթայած էր ներա հոգին: Նէ չէր հարցներ իր Աս-
տղծուն ու Սուրբերուն թէ ինչո՞ւ վեց ամիս շարունակ զինք
գամուած կ'ուզէին տեսնել իր մահիճին ու օդնութեան չէին
հասներ . . . Տիկին Սրբուհու հոգին շղթայուած էր, իր լե-
զուն պապանձուեր էր, չէր կրնար հարցնել իր Աստծուն ու
Սուրբերուն՝ թէ ինչո՞ւ կ'ուզէին իր տուն երեք օր առանց պա-
տառ մը հացի տեսնել . . . Ներա հաւատքը կուրցուցած էր
իր հոգին ու չէր կրնար հարցնել իր Աստծուն ու Սուրբերուն՝
թէ ինչո՞ւ կ'ուզէին դիտել փոքրիկ, անմեղ Լիլիի գալարող ա-
նօթութեան ջինջ ու մանկական արցունքները. թէ ինչո՞ւ այդ
Աստուածն ու Սուրբերը կ'ուզէին լսել փոքրիկ Լիլիի նուազուն՝
աղեխարշ լացին ձայնը, «Մա՛մա, հա՛ց, հա՛ց» ու հաց չէին
տար գէթ այն անմեղ գառնուկին: Տիկին Սրբուհին միտքէն
իսկ չէր անցուներ, որ եթէ այն բարի դրացուհին ըըլլար՝ գու-
ցէ իր ուշացող Աստուածն ու Սուրբերը անչացած գտնէին
զինք ու իր սրտակիցները . . . Բայց ո՛չ, նէ կը հաւատար
որ այն ուշացող Աստուածն ու Սուրբերն էին ճամբեր այն բա-
րի դրացուհին՝ որպէս զի իրենց վոխարէն տեսնէր անոնց կը-
մախացած մարմիններն ու անօթութեան դառն արցունքներէն
վուսած աչքերը . . .

Խե՛ղծ, միամի՛տ, շղթայուա՛ծ կին . . . հաւատքի
կապանքներով շղթայուա՛ծ մայր . . . :

ԱՆՈՐ ԵՏԵՒԷՆ . . .

Երուանդ միայն քանի մը շաբաթ գործեց նպարավա-
ճառի խանութին մէջ։ Դեղձի ժամանակը հասած էր արդէն ու
նա այս անդամ ինքինք վաթսուն արտավալը ազարակի մը վը-
րայ կը գտնէր՝ Ֆրէզնոյէն միայն քսանըհնդ մղոն հեռու՝
դէպի հիւսիս։ Օրական տաս, շատ անդամ տասնըմէկ կամ
տասերկու ժամ գործելով՝ շաբաթը տասնըհնդ տուարէն ա-
ւելի չէր կրնար շինել։

Այդ գործի ծանրութիւնը օրէ օր աւելի ճնշէ կը դառ-
նար Երուանդի արդէն վտիտ կազմին համար։ Բաց օդին մէջ՝
արեւի այրող ճառապայթներուն ներքեւ՝ իր պօսի աչալուրջ
հսկողութեան տակ՝ ամէն օր իր ընկեր գործաւորին հետ՝
տախտակներու վրայ կտրուած դեղձերը ծծմբատուն կը դնէին
ու նախորդ երեկոյեան կարուած դեղձերու դէպերը ծծմբատան
հեղձուցիչ ծուխէն, որ շարունակ անոնց աչքերը արցունքով կը
լցնէր, գուրս հանելով՝ բարկ արեւին տակ կը սկսէին պար-
զել։ Երբ ծծմբատունէն հանուած դէպերը գետնի վրայ պար-
զած էին արդէն, վայրկեան մը շունչ կ'առնէին ոտքի վրայ,
դեղնած թաշկինակներով իրենց ճակատի ու երեսներուն իջած
քրտինքը կը սրբէին արագ արագ, ու կը սկսէին դարձնել նա-
խորդ օր փոած տախտակները՝ որոնց վրայ պարզուած ծծմ-
բուտ թաց դեղձի չիրերը՝ կիզիչ արեւի տակ բաւական չորցած
էին արդէն։ Իւրաքանչիւր տախտակը դարձնելու համար՝ ա-
նոնք ստիպուած էին իրենց մէջքը ծոել. տախտակի երկու ծայ-

րերը իրենց ձեռքերուն մէջ՝ գրեթէ գլուխ դլխի դպած, վեր
կը բարձրանային՝ չիրերով լեցուն տախտակը ուրիշ տախտակի
մը վրայ դարձնելով օդին մէջ, նորէն կը ծոէին՝ դարձուած
տախտակը գետին զնելով՝ յաջորդ տախտակին կ'անցնէին.
վեր կը բարձրանային նորէն, նորէն կը ծոէին . . . ու իւրա-
քանչիւր ծուլուն՝ քրտինքը իրենց ճակատներէն չորցած չի-
ւերուն վրայ կը կաթկիթէր, ու իւրաքանչիւր բարձրանալուն՝
քրտինքը երեսներէն վար, ականջներու բլթակներէն՝ իրենց
վիզերը թրջելով՝ վա՛ր, վար կ'իջնէր, գրեթէ մինչեւ անոնց
ոտքերուն ծայրը։ Տախտակներու իւրաքանչիւր շարքին գը-
լուխը հասնելուն պէս՝ անոնք վայրկեան մը կանդ կ'առնէին
նորէն, ու եթէ պօսը այդիին միւս ծայրը դաշած ըլլար, ծա-
ռերը թօթուողն ու դեղձ հսւաքողները աչքէ անցունելու հա-
մար՝ Երուանդի հետ գործող լանուորը մէկին դուրս կը հա-
նէր պուլտրը ծխախոտի պարկը իր շատիկի գրպանէն, որ
սիրախն վրայ էր կարուած, ու երկվայրկեանի մը մէջ սիկրէք-
մը կը պլլէր քրտնած մատերով, պարկը նորէն իր տեղը կը գը-
նէր, աչքերը չորս կողմ դարձնելէ վերջ՝ կը վառէր սիկրէթը,
Երուանդն ալ իր քրտինքը սրբած էր արդէն, տախտակներու
յաջորդ շարքը կը սկսէին դարձնել։

Քառասուն օր շարունակ՝ յերեկները արեւի թափած
կրակին տակ, Երուանդ քրտինքէ հեղեղի մէջ կը լողար, ու գի-
շերները կը տառապէր իր թեւերու յոգնութենէն ու մէջքի գա-
լարող ցաւէն։

Քառասուն օր վերջ՝ Երբ գործերը արդէն վերջացած
էին՝ Երուանդ կը յուսար գանձել իր արիւն-քրտինքով վաս-
ալկած ութսունըհնդ տոլարը ու քաղաք վերագառնալ . . .
բայց դրամ տուող չի կար։ Վերջին օրը, գործաւորներ պօսին
դաշին՝ որ իրենց հաշիւը մաքրէր. բայց պօսը միայն մէկ կըտ-
րուկ պատասխան ունէր անոնց բոլորին։

— Ապրանքս տակաւին ծախած չեմ, գրպանս դատարկ

է, սէնթ մը չունիմ որ ձեղի վճարեմ :

Երկու հին գործաւորներէ զատ, անոնք բոլորն ալ հաւատացին իրենց պօսի խօսքերուն : Այս երկու հին գործաւորները, այն միեւնոյն իրիկուն, նորէն իրենց պօսին գացին . պօսը քիթի տակէն սկսաւ ինդալ ու անոնց հաշիւները մաքրեց : Աւրիշ հինդ յաղթանդամ գործաւորներ եւս, յաջորդ առաւոտ, իրենց պօսին ներկայացան : Սպասնալիքի ներքեւ՝ անոնք եւս գանձեցին իրենց աշխատանքի վարձքը : Միւս անփորձ գործաւորները, որոնց մէջ կը գտնուէք նաեւ Երուանդ, աչք տուին իրենց գործաւոր ընկերներուն ու պօսին ներկայացան : Պօսը իր յանկերդը կրկնեց . անոնք իրենց պահանջի վրայ ամուր կեցան : Պօսը սկսաւ բարկութեամբ խօսիլ անոնց հետ . անոնք իրմէ աւելի բարկացան : Պօսը տեսաւ որ չըլլար, անոնց պարագլուխները՝ որոնց մէջ էր նաեւ Երուանդ, ներս կանչեց . . . իր քաղցր լեզուն դուրս հանեց նորէն, անոնց սիրտերը առնելով՝ իրենց աշխատավարձի միայն կէսը վճարեց . խոստացաւ միւս կէսն ալ վճարել՝ դեղձի ընկերութենէն դրամ առնելուն պէս, ու զանոնք ճամբու դրաւ : Շիւսները, որոնց մէջ կը գտնուէին կիներ, աղջիկներ ու փոքր տղաներ, զատարկ խոստումէ զատ՝ սէնթ մը չի կրցան առնել իրենց պօսին . . .

— Դեղձերը ծախելուն պէս՝ ձեր դրամը կը վճարեմ :

Դեղձերը ծախուեցան . . . դրամը պօսին գրպանը մտաւ՝ դուրս չէր գար : Անոնք զատ բացին իրենց պօսին դէմ . . . Պօսը նոյնիսկ դատարանին չի ներկայացաւ . իր պերճախօս փաստաբանը արդէն շահած էր զատը . . . Այն ինդերը՝ իրենց ճամբու ծախքերէն, իրենց աշխատանքի համար սէնթ մը չստանալէ զատ՝ հարիւր տոլար ալ ստիպուած էին վճարել իրենց գիտարաբանին :

Այդիներու մէջ՝ կիզիչ արեւի ներքեւ՝ Երուանդի թափած քրտինքը ու պտուզի գործատուներու ծանր աշխատանքը՝

— 90 —

միայն մէկ պատկեր կը գծէին անոր միտքին մէջ : Երեք տարի շարունակ նա պայքարած էր իր նոր մէջավայրի դաժան պայմաններուն դէմ, երեք տարի քրտինք էր թափած՝ որպէս զի օր մը, իր քրտինքի արդիւնքով՝ կարենար իրականացնել այն գողարիկ երազը՝ որ զինք հեռու, այնքան հեռու ձգած էր հայրենի երկրն :

Չորս ամիսներու քրտնաջան աշխատանքին միայն յիսուն տոլար կրցած էր աւելցնել . . . Եւ այդ յիսուն տոլարով՝ 1916-ի Դէկտեմբերին, նա կը հեռանար Ֆրէզոյէն՝ Քալիֆորնիոյ Համալսարանը մտնելու միակ երազով : 1917-ին, նախական քննութիւնները անցունելէ վերջ՝ Երուանդ անհուն խանդակառութեամբ իր համալսարանական աշխատանքին կը լծուէր : Այդ խանդակառութիւնը օրէ օր, նոր նոր դժուարութիւններու ծոցը կը նետէր զինք : Ակադեմական ծանր աշխատանքի հետ, միայն մէկ ամիս վերջ երբ արդէն ծախսած էր իր յիսուն տոլարը՝ գործի ճնշումը նորէն իր միտքին կը ծանրանար : Մէկ ամիս վերջ՝ երբ բարձրագոյն կրթութեան սէրը աւելի կը կրծէր իր միտքը, գրականութեան տենչը աւելի ուժգործէն կը ցնցէր իր հոգին, սեւ ուրուական մը եւս՝ անօթութեան ուրուականը՝ կը սկսէր իր ստամոքսը կրծէլ . . .

Երուանդի վերջին տոլարը միայն չորս օր կրցած էր ապրեցնել զինք . . . Գրամանը զատարկ, անօթի՝ բայց սորվելու արծարծուն տենչը տակաւին իր սիրտին մէջ՝ նա դարձեալ իր երազի ետեւէն կը վաղէր . . .

Քանի մը անդամ դիմում կատարելէ վերջ՝ Համալսարանի աշխատանքի գրասենեակը գործ մը գտած էր իրեն : Տունի մը մէջ՝ օրը մօտաւորապէս չորս ժամ պէտք էր աշխատիլ՝ իր սենեակի եւ ճաշի համար : Թէեւ գործի ժամերը միշտ ալ մոայլ զգացումներով կը լեցնէին իր սիրտը, ու զիշերները միայն վեց ժամ կը քնանար՝ սորվելու տենչը, զիրքի ու գրակա-

— 91 —

նութեան բուռն սէրը՝ իր անտանելի վլձակը տանելի կը դարձընէին :

Հաղիւ թէ չորս ամիս կ'ըլլար որ Երուանդ սկսած էր իր մտաւոր ու ֆիզիքական ոգորումը համալսարանական ծանր ու դժուար առարկաներու հետ՝ երբ կեանքը դարձեալ կուպար փոխելու անոր մտային ու հողեկան դրութիւնը . . . Պատերազմի մըրկաշունչ փոթորիկը՝ որ 1914-էն ի վեր կ'ուսնար չին Աշխարհի կարմրադանդ դաշտերուն մէջ՝ Ատլանտիանը նեղքելով 1917-ին՝ նոր Աշխարհը ցնցելու կուղար։ Արէսի շունչը կը սկսէր տարածուել Միացեալ Նահանգներու բոլոր քաղաքներէն ու գիւղերէն ներս ու հայրենասիրութեան ոգին՝ կամաց կամաց՝ իր ճանկերուն մէջ կ'առնէր Սմերիկայի երեսասարդութեան միտքն ու սիրալ։ Հայրենիքի ահազանգը հնչած էր արդէն . . . ու հազարաւոր, տասնեակ հազարաւոր Երիտասարդներ՝ խաղաղ կեանքի իրենց աշխատանքը մէկ կողմ ձգած՝ կը փոթային դէպի բանակ, հայրենիքի ազատութեան, արդարութեան ու ճնշուող ազգերու աղատադրութեան դատին համար կոռուող բանակը . . .

Խանդավառութեան շունչով տողորուն՝ բանուորները իրենց արհեստանոցներէն, երկաթուղիի գիծերուն վրայ աշխատողները իրենց քրտնաթոր դործէն՝ գունդ գունդ՝ կը զինուորագրուէին իրենց հայրենիքի պաշտպանութեան համար . . . Անշարժ չէր նաեւ երիտասարդութիւնը կրթական հաստատութիւններէն ներս . Հայրենիքի պաշտպանութեան ու արդարութեան դատի գաղափարը՝ աւելի մեծ թափով յառաջ կը տարուէր կօլէճներու եւ համալսարաններու սրահներէն ներս . . . Ռւսանողութեան բոլոր խաւերուն մէջ, շատ քիչ բացառութեամբ, անհկարագրելի խանդավառութիւն մը կը տիրէր։ Հազարաւոր ուսանողներ՝ իրենց դասընթացքները կիսկատար ձրգած՝ կը խուժէին դէպի բանակ, դէպի զինուորական վարժարաններ . . .

Արէսի կարմիր ողին գինովցուցած էր Երիտասարդութիւնը իր բոլոր խաւերուն մէջ . . . Բանականութենէն աւելի՝ զգացումն էր որ ուղղութիւն կուտար այդ Երիտասարդութեան խանդավառ ու արկածախնդիր կեանքին։

Ամերիկայի երիտասարդութեան հետ՝ գինովցած էր նաեւ Երուանդ։ Իր զասընկերներէն շատեր արդէն զինուուրագրուած էին բանակի այս կամ այն ճիւղին մէջ ծառայելու։ Անոնց զոհաբերութեան օրինակը օրէ օր աւելի կը յուղէր Երուանդի սիրուը հայրենասիրական զգացումներով։

Հայրենասիրական զգացումներուն փոթորիկը՝ համալսարանական երկու շրջաններ բոլորելէ յետոյ՝ Երուանդի միտքին մէջ կը ստեղծէր նոր Մարդը — հայրենիքի զինուուրը . . . Ու Փետրուարի ցրտաշունչ առաւօտ մը, Սան Ֆրանսիսկոյի մէջ՝ Երուանդ ինքզինք կը գտնէր անգլիական դրահաւաք կայսնի մը առջեւ։ Վճռական քայլերով՝ ներս կը մտնէր չինքէն եւ Քէրթըն Կուտին կը ներկայանար՝ անգլիական բանակին մէջ զինուորագրուելու համար։ Քէրթըն Կուտը՝ որ շատ աղնիւ զինուորականի մը երեւոյթն ունէր՝ պաշտօնական թուղթերը լեցնելէ եւ բժշկական քննութիւնը անցունէլ վերջ՝ կը խոստանար, Երուանդի վափառքին համաձայն՝ Պաղեստինի ռազմաճակատը դրկել դինք՝ իր դարաւոր թշնամիին՝ թիւրքերուն դէմ կոռուելու համար։

Շաբաթ մը վերջ՝ Երուանդ պաշտօնական նամակ մը ստացաւ Քէրթըն Կուտէն։ Անգլիական զինուորագրութեան պետը իր նամակով կը յայտնէր որ Երուանդ հինգ օրէն՝ մեկնող շոգենաւով՝ նորահաւաք զինուորներու հետ՝ Անգլիա պիտի երթար, եւ երեք ամիսներու զինուորական մարզանքէն վերջ՝ պիտի զրկուէր Պաղեստինի ճակատը։

Բայց Քէրթըն Կուտի նամակը առնելէ առաջ Երուանդ արդէն փոխած էր իր մտադրութիւնը՝ ուրիշ պաշտօնական նամակի մը ստացումով։ Ֆրէզնոյի զինուորական քըն-

նիշ մարմինը կը յայտնէր որ Երուանդ՝ բնդհանուր արձանագըռութեան համաձայն՝ առաջին կարդի մէջ ըլլալով՝ քանի մը ամիսէն բանակը պիտի զրկուէր։ Այդ օրերուն՝ մամուլի եւ ժողովրդական խաւերուն մէջ տիրող կարծիքը՝ թէ Ամերիկա Թիւրքիոյ գէմ եւս պատերազմ պիտի յայտարարէ՝ կուգար փոխէլու բոլորավին անդլիական բանակին միանալու անոր որոշումը։

Երուանդի վերջնական որոշումն էր ամերիկեան բանակին մէջ մտնել։ Եւ այդ որոշումը իրականացնելու համար՝ նա իր համալսարանական դասընթացքը կիսկատար ձգած՝ ֆրէզնօ գացած էր, բանակին միանալէ առաջ՝ իր ծնողքին ու բարեկամներուն հետ անցունելու քանի մը շարաթ։

Օր մը, — հազիւ թէ շարաթ մը կ'ըլլար որ Երուանդ ֆրէզնօ կը գտնուէր — ճաշի էր հրատիրուած իր քրոջ՝ տիկին Սերորեանենց տունը։ Ճաշին գեռ նոր վեր ելած՝ հեռաձայնի դանգակը հնչեց մէկէն։ Տիկին Սերորեանի փոքր տղան, Ֆրէշտին, որ շարունակ հեռաձայնին կը պատասխանէր, Երուանդին մօտեցաւ եւ սկսաւ անոր ականջին փափսալ։

— Բնքը, ամերիկացի աղջիկ մը կ'ուզէ քեզ հետ խօսիլ բէլէֆօնի վրայ ։ Հարցուց թէ համալսարանական ուսանողը այդ տեղ է ։

Երուանդ մէկէն շփոթ դրութեան մը մատնուեցաւ. գէմքը սկսաւ կարմրիւ. չէր կրնար յիշել թէ ինք ոեւէ ամերիկուհի կը ճանչնար ֆրէզնոյի մէջ։ Զեռքը ճակատին՝ մտածկոտ՝ հեռաձայնին մօտեցաւ.

— Հըլօ ։

Անծանօթ՝ նուրբ ձայն մը անդլիերէն պատասխանեց։

— Հըլօ', ի՞նչպէս էք ։

— Ո՞վ էք դուք, կարել՛ է զիտնալ ձեր ո՞վ ըլլալը ։

— Բարեկամուհի մը, որ կը փափաքի ձեղ տեսնել ։ Վաղը ։ Պօտինկ Պարտէզին մէջ ։

— Բայց ինչո՞ւ չէք ուզեր ձեր ո՞վ ըլլալը յայտնել։

— Վաղը ։ Կէսօրէն վերջ ժամը Երկուքին պիտի զիտնաք իմ ո՞վ ըլլալը ։ Բարեկամուհի մը ։

— Վաղը ։ Ժամը Երկուքին ։

Երուանդի միտքին մէջ՝ կայծակի արագութեամբ՝ խորհուրդ մը փայլատակեց։

— Գիտեմ ձեր ո՞վ ըլլալը ։ Օրիորդ Ռիվը ։ Ինչո՞ւ կ'ուզէք պահել ձեր ինքնութիւնը ։

— Զի՞, հի՞, վաղը ։ Կէսօրէն վերջ ժամը Երկուքին ։ Պօտինկ փարքին մէջ ։ Յտեսութիւն ։

— Յտեսութիւն ։

Երուանդ տակաւին հեռաձայնի քով կանգնած՝ սկսաւ կասկածիլ թէ խօսող ամերիկուհին օր. Ռիվը էր, համալսարանի իր դասընկերուհիներէն մէկը, որու հետ մտերմացած էր գրեթէ երկու ամիս առաջ։ Ներա ձայնի շեշտերը տարբեր էին օր. Ռիվը ձայնի շեշտերէն։ Ներա խնդուքն ալ տարբեր էր ։ Երուանդ սկսաւ բաղդատել իր միտքին մէջ՝ այն օտար, անծանօթ ձայնի թրթումները, բառերու գործածութիւնը, հեռաձայնի վրայ խօսելու ընդհանուր եղանակը՝ օր. Ռիվը արտայայտութիւններուն հետ ։ Ու յիշեց որ օր. Ռիվը հեռախօսը «ցտեսութիւն» ըսելով չէր գոցեր ։

Նէ միշտ կը սիրէր կրկնել քանի մը անգամ, «Երուանդ», Երուանդ» ։ մասնաւրաբար երբ մոռցած բան մը ուզէր վերյիշել ։ Օր. Ռիվը աւելի արագ կը խօսէր Եւ

Երուանդ շատ անդամ չէր կրնար հետեւիլ ներա խօսքերուն .
իսկ այն անծանօթուհին, ընդհակառակը, Երուանդի անունը
երբէք չի յիշեց . . . շատ կամաց կը խօսէր, ու Երուանդ կը
հասկնար ներա իւրաքանչիւր բառը . . .

Անձանօթ օրիորդի մը հանդիպելու րուն հետա-
քրքրութիւնը փախցուցած էր քունը Երուանդի աջերէն ու
զրեթէ ամբողջ գիշերը՝ արթուն՝ անորոշ խորհուրդներու,
գոզտրիկ երազներու գիրկը օրորուած էր իր հոգին: Յաջորդ
օրը, ժամը մէկին, Թօմինկ պարտէ զին մէջ՝ Երուանդ այն ան-
ձանօթ օրիորդին կը սպասէր անհամբեր: Սրբնթաց հանրա-
կառք մը՝ միայն քանի վայրիւանի սպասումն վերջ՝ հանրա-
յին պարտէ զին կը մօտենար նորէն: Դեռատի կին մը՝ վոք-
ոիկ մանուկ մը գրկած՝ վար կ'իջներ հանրակառքին ու արագ
արագ դէպի պարտէ զը կը յառաջանար: Երուանդին տակաւին
քան ոտք հեռու՝ նէ սկսաւ վազել մնկմօրէն . . . կախարդա-
կան ժպիտ մը իր փայլուն աչքերուն մէջ՝ նէ Երուանդին մօ-
տեցաւ, անոր ձեռքը թօթուեց դողդպալէն ու երկչոտ՝ թրթը-
ռուն ձայնով մը յարեց.

— Երուանդ . . . թերթի մէջ . . . կարդացի որ շու-
տով բանակին . . . պիտի միանաս . . . Մեկնելիդ առաջ,
կ'ուղէի տեսնել քեզ . . . եւ Երուանդ . . . ներէ՛ ինձ . . .
ներէ՛ ինձ . . .

Ատրինէն լոեց . ժպիտը արդէն խոյս տուած էր ներա
զիւթիչ աչքերէն ու թեթեւ տժունութիւն մը կը սկսէր տա-
ռածուիլ ներա ճերմակ այտերուն վրայ:

— Երեք տարի յետոյ . . .

— Այս՛, Երեք տարի չարունակ . . . այն վիշտը կը-
ծած է սիրտս . . . ու երբ լսեցի ար զինուորագրուեր ես . . .
պիտի հեռանաս շուտով . . . չէի կրնար սպասել տւելի Եր-
կար . . .

— Ի՞նչպէս սպասեցիք Երեք տարի չարունակ, աւել-
ցուց Երուանդ կծու չեշտով մը:

— Ո՛հ, Երուանդ, թո՛ղ որ պատմեմ ամէն ինչ . . .
Վատահ եմ որ պիտի ներես ինձ՝ եթէ լսես իմ պատմութիւնը . . .

— Ինչո՞ւ կ'ուղէք պատմել ձեր պատմութիւնը խոր-
տակուած սիրտի մը . . . Ինչո՞ւ կ'ուղէք քրքրել սիրտիս վէր-
քը . . . Երեք տարի վերջ . . .

— Երուանդ, կ'աղաչեմ, մտիկ տուր ինձ . . . Ամ-
րող երեք տարի՝ կրծող վիշտը սիրտիս մէջ՝ արցունք եմ թա-
փած՝ այն սխալ ընթացքիս պատճառով . . . Կեանքիս սպառ-
նացին . . . Վախցուցին զիս . . . վախցուցին զիս, Եր-
ուանդ . . . Տիկին Մարիամ յայտնեց ինձի իր եղբօր ծրագի-
րը . . . նա իմ կեանքին կը սպառնար . . . Վախցուց, Եր-
ուանդ . . . Ներէ՛ ինձ . . . Տառապա՛ծ, վիշտէն չարչարուա՛ծ
կին մըն է որ ներում կը ինդրէ քեզմէ . . .

Ատքի վրայ խօսելէն՝ անոնք պարտէ զին մէջ զետեղ-
ուած նստարաններուն մօտեցեր էին: Ատրինէն իր փոքրիկը՝
որ տակաւին զրկին մէջն էր, մարգագետնի վրայ պառկեցուց
յանկարծ, ու իր գողգոզացով՝ երեքուն մարմինը նստարանի
մը վրայ նետեց: Գլուխը ճեռքերուն մէջ առած՝ նէ սկսաւ հե-
կեկալ դառնօրէն:

Ատրինէի վերջին քանի մը խօսքերը, ներա զոջումի
հեծեծանքը, սկսան Երուանդի երիտասարդ սիրտին բաղ-
լիկ . . . նա փոխուեցաւ մէկէն . . . երիտասարդ էր . . .
իր սիրտը չի կրցաւ դիմանալ կնոջ մը լացին, այն անդութ կնոջ
որ երեք տարի առաջ խորտակած էր իր երազներու դղեակը . . .
Երիտասարդ էր . . . Ատրինէին մօտեցաւ, ներա վարսերը
սկսաւ շոյել, ու գուրգուրացող չեշտով մը յարեց.

— Հանդարտի՛ր, հանդարտի՛ր, չարչարուած սիրտ . . .

Ատրինէն Երուանդի ձեռքը բոնեց մէկէն ու իր շըրթունքներուն փակցուց : Սրցունքոտ աչքերով՝ նէ Երուանդի աչքերուն յառեցաւ պահ մը . . . թեթեւ ժողիս մը սկսաւ փայլիլ ներա արցունքներուն մէջէն . . . նէ կարդաց Երուանդի սիրաը . . . նա ներած էր . . .

Երուանդ ուրիշ նստարան մը գրաւեց , որ Ատրինէն միայն քանի մը ոտք հեռու լը գտնուէր , ու դէմ դիմաց՝ անոնք սկսան վերջին երեք տարիներու մասին խօսիլ . . .

— Քանի՞ տարեկան է փոքրիկը . . .

— Երկու . . .

— Պարո՛յր , եկո՛ւր պարոնին ձեռքը թօթուէ . . .

Ատրինէն ոտքի ելաւ , փոքրիկի ձեռքէն բոնեց՝ Երուանդին մօտեցուց՝ որ անոր ձեռքը թօթուէ :

— Հըլօ՛ . . . Սիրուն մանէ մը ունիս , Ատրինէ . . .

— Այո՛ . . . Բայց . . .

Շփոթութիւն մը պատեց Ատրինէի միտքը՝ սեւ խորհուրդի մը ազդեցութեան ներքեւ ու իր լեզուն կարծես կը փաթթուէր . . . չէր կրնար խօսիլ :

— Շատեր քեզի կը նմանցնեն . . . կը խօսին . . . կը բամբասեն . . .

— Ես կը կարծեմ թէ կարեւորութիւն տալու չէ ժողովուրդի մէջ տարածուած զրոյցներուն կամ բամբասանքներուն :

— Ո՛չ , ժողովուրդէն աւելի՝ մօտիկ աղջականներն են որ կը խօսին . . . Տիկին Մարիամ քանի քանի անդամներ յիշած է որ Պարոյր երբէք չի նմանիր իր եղրօր . . . Քու մասին կը խօսի . . .

— Իմ մասի՞ն . . . եւ ի՞նչ է եղած ձեր պատասխանը . . .

Ատրինէն աչքերը վար կախեց . . . կարմրեցաւ մէկէն . . .

— Արդեօք ժողովուրդը իրաւունք չունի՞ կասկածելու . . .

— Այո՛ , շատ բնական է այդ կասկածը , — նէ աւելցուց յուղուած չեշտերով :

— Երանի՛ թէ , այո՛ , երանի՛ թէ . . . Երուանդ . . .

— Զեմ կարծեր թէ պէտք կայ այդ մասին աւելի երկար խօսելու . . . Դուք տակաւին ունէ բան չ'ըսկը վերջին երեք տարիներու ձեր ապրումներու մասին :

Ատրինէն ինքնամփոփումի ջանք մը ըրաւ , Երուանդին պատասխանելէ առաջ :

— Ապրումներ . . . այն հրէշի կողքին . . . Ամբողջ երեք տարի՝ միայն մէկ սփոփանք ևմ ունեցեր . . . Ջաւակս է եղած այդ սփոփանքը . . .

— Ուրեմն երջանի՛կ էք . . .

— Ո՛չ . . . Որքան որ սփոփանք մը եղած է զաւակս . . . բայց . . . միեւնոյն ատեն աւելի կաշկանդուած կը զգամինքինքս . . . մասնաւորաբար վերջերս . . . Ես կը խորհէի որ կեանքի դառնութիւնները ; սիրտիս դալարումները պիտի մեղմանային . . . երջանիկ պիտի զգայի զաւակ մը ունենալով . . . Ես կը կարծէի որ զաւակիս ներկայութիւնը մոռցընել պիտի տար երիտասարդ հոգիիս երազները ու կարօտս , իդձերս , սիրտս միայն անոր շուրջ պիտի յածէին . . . Խաբուած . . . ու կաշկանդուած եմ , Երուանդ :

Ատրինէի վերջին խօսքերը Երուանդի միտքը անորոշ շփոթութեան մը մատնեցին : Շուարուն նայուածքներով՝ նա Ատրինէի դէմքի արտայատութիւնը կը դիտէր . . . Նա կը

փորձէր նշանակութեան մը հետ կապել ներա վերջին խօսքերը, բայց իր չփոթած միտքը՝ փոխանակ լուծում մը դանելու՝ աւելի չփոթ, աւելի տարտամ կը դառնար: Լուռ ու մտածկոտ, առանց բառ մը արտասանելու, Ատրինէի աչքերուն յառած՝ նա կը փորձէր ներա սիրով կարդալ. երիտասարդ էր . . . նա կը փորձէր կնոջ մը սիրով կարդալ, ու իր հոգիին մօտիկ նըշանակութեան մը հետ կապել ներա խօսքերը, առանց գիտանութէ ո՛չ ոք կրնայ կարդալ կնոջ մը սիրով՝ որ անգիր է ու անգոյն . . . կնոջ մը սիրաը, մանաւանդ գեղեցիկ կնոջ մը սիրաը՝ որու վրայ ամէն մարդ կը փորձէ իր պատկերը տեսնել, առանց տեսնելու ուրիշ հարիւրաւոր պատկերներ՝ իր պատկերին տակ. առանց գիտնալու որ իր պատկերը՝ միայն քանի մը վայրկեան վերջ արդէն անգոյն է դարձեր, ուրիշի մը պատկերին տակ . . . : Երուանդ կը փորձէր նշանակութեան մը հետ կապել ներա խօսքերը՝ առանց գիտնալու թէ գեղեցիկ կին մը կարելի չէ պատասխանաւու լոնել իր արտասանած խօսքերուն կամ երդումին համար . . .

Ատրինէն վայրկեանէ վայրկեան աւելի անհանդիստ կը զդար. ներա շարժումները աւելի տարօրինակ կը դառնային՝ Երուանդի լուսութեան պատճառով . . . նէ կը խորհէր որ իր վերջին խօսքերը որոշ աղեցութիւն մը կամ հետաքրքրութիւն մը չէին կրցած ստեղծել Երուանդի միտքին մէջ: Առանց յիշելու իր վերջին խօսքերը — կին մը, մանաւանդ գեղեցիկ կին մը, չի սիրեր վերյչել Երկու վայրկեան առաջ իր արտասանած խօսքերը՝ որ մասնաւոր հետաքրքրութիւն մը չեն կրցած արթընցնել ենթակային մէջ— Ատրինէն անսովար ճիդ մը ըրաւ իր սիրտին գաղտնիքը Երուանդին յայտնելու համար.

— Հիմա բոլորովին ազատ եմ . . . Երուանդ . . . Ա'չ ոք կը կը վախցնել զիս այլեւս . . .

Երուանդ իր աչքերը շիեց մէկէն ու Ատրինէի ժըստուն աչքերուն մէջ պատցնելով իր չուարուն նայուածքները քմծիծաղով մը հարցուց.

— Մէծիկեանէն բաժնուա՞ծ էք ուրեմն . . .

— Կարճ ժամանակի մը խնդիր է այդ . . . Այժմ ազատ եմ, ուզածս ընելու . . .

Ատրինէն դեռ իր խօսքը չի վերջացուցած՝ փորձեց Երուանդի ձեռքը բոնել: Նա իր ձեռքը ետ քաշեց, ոտքի ելաւ ու իր նստարանին քանի մը ոտք հեռու դանուող ուռենիին յենած՝ սկսաւ ներա շարժումները, ներա դէմքը դիտել . . . Ատրինէն չի կորսնցուց ինքովինք. նէ եւս ոտքի ելաւ ու արագութեամբ Երուանդին մօտենալով՝ անոր ձեռքը բոնեց . . . ու այդ փորձին մէջ՝ նա սկսաւ ծառին բոլորափքը դառնալ . . . Ատրինէն ամուր բոնած էր անոր ձեռքը, թող չէր տար . . . ու արագ արագ՝ անոնք կը վաղէին ուռենիին չուրջը . . .

— Երուանդ . . . կը փափաքիմ որ գրես ինծի . . . բանակէն . . . Երուանդ . . . խօսք տուր որ պիտի գրես ինծի . . .

Երուանդ կանգ առաւ մէկէն.

— Ինչո՞ւ . . . ինչո՞ւ կ'ուզես որ գրեմ քեզի . . . իմ սիրտը արդէն խորտակուած է . . . ու գուցէ կարճ ժամանակ մը չ'անցած՝ զինուորի սովորական բաղդին արժանանամ . . .

Արցունքը աչքերուն մէջ՝ Ատրինէն աւելի մօտեցաւ Երուանդին ու հեծկլառուքով մը նորէն փորձեց իր հոգին կըրծող գաղտնիքը յայտնել.

— Երուանդ, Երուանդ, մահն իսկ անկարող է բաժնել քեզ ինծմէ . . .

Ու նէ՝ յանկարծական շարժումով մը՝ անոր վիզին փաթթուեցաւ, զրթները անոր չրթներուն փակցուց կըքազին . . . այն դէպքէն երեք տարի վերջ . . . Ու նէ նորէն իր

կնոջական ուխտն ըրաւ՝ արցունքը գեռ իր աչքերուն մէջ լը-
ճացած.

— Երուանդ, մահն անդամ անկարող է բաժնել քեզ
ինձմէ . . . Գրէ ինծ, Երուանդ, գրէ ինծ . . .

Երուանդի սիրտը, անդամ մը եւս, երեք տարի վերջ՝
իր սկսէր դողալ Ասրինէի կրքառ շրթունքներու առթած սար-
սուռէն . . . Երխասարդ էր . . . Ներա փաթուկ՝ այրող
շրթները մոռցնել տուած էին անցեալի յուսախարութիւնը . . .
Վայրկեաններ կան՝ երբ կնոջ մը մէկ կրքալիր համբոյը մոռ-
ցնել կուտայ ենթակային՝ ներա գործած ոճիրն իսկ . . .
Վայրկեաններ կան՝ երբ կնոջ մը զինովցնող համբոյը՝ ան-
դործութիւնն կը զատապարտէ մտածող, տրամարանող, ամե-
նասուր միտքն անդամ . . .

Երուանդ մոռցած էր բոլորովին Ասրինէի պատճառած
յուսախարութիւնը, ու կեանքը կարծես՝ ներա շրթներու սար-
սուռին հետ՝ նոր յոյս մը կը ծնցնէր անոր սիրտին մէջ . . .

Ժամը եօթին կը մօտենար՝ երբ անոնք բաժնուեցան
իրարմէ :

Յուլիսի տաքուկ առաւօտ մը, ժամը ութին, մէծ
բազմութիւն մը կը վխասար ֆրէզնոյի հանրային սրահէն ներս
ու սրահէն դուրս։ Երխասարդ ու ծեր, կին թէ մարդ, ամ-
բողջ քաղաքը դուրս թափած՝ մէկնող զինուորներուն ողջերթ
լսելու։ Գինովցնող խանդալաւութիւն մը, վայրկեանէ վայր-
կեան, աւելի զգալի կը զառնար բազմութեան մէջ։ Ամէն ոք
ժպտերես, խնդուն՝ կարծես հարսանիքի եկած էր։ Միայն հոս
ու հոն, անկիւն մը կծկուած, կը տեսնուէին մայրեր՝ որ իրենց
զաւակներուն փաթթուած՝ հողեբուղիս արցունքներով իրենց
վերջին կարօտը կ'ուղէին առնել . . . Միայն հոս ու հոն, կը
անեսնուէին սիրահար սիրտեր՝ որ հողեմաշ տրամութեամբ լեց-
ուած՝ կը փափսային, իրենց վերջին մտերմիկ վայրկեանները

կ'ապրէին . . . Ու զինուորական նուազախումբը սկսաւ աղ-
պային քայլերգ մը նուազել . . . Ամբոխը սկսաւ շարժիլ . . .
գէպի կայարան։ Այնտեղ՝ բաժանումի այն վայրը՝ հարիւ-
րաւոր մայրական սիրտեր սկսան փղձկիլ . . . Հոն էր նաեւ
տիկին Սրբուհին՝ արցունքը աչքերուն մէջ՝ իր զաւակին փաթ-
թլուած . . . Նէ չը կրնար բաժնուել անկէ . . . Ու ճե-
պընթացը սուլեց անդօրէն. իր անդութ սոյլը ցնցեց հաղա-
րաւոր արցունքոտ սիրտեր՝ իրենց վերջին համբոյը հետ . . .
Ու ճեպընթացը նորէն սուլեց ու սկսաւ շարժիլ . . . Ճերմակ
թաշկինակներ օդին մէջ . . . Բաժանում . . . վերջին բաժա-
նում՝ հարիւրաւոր մայրերու համար . . . Ու ճեպընթացը
անյայտացաւ . . . Ամբոխը իր սովորական գործին դնաց . . .

Գացին, հայրենիքի խանդալառ զինուորները գացին՝
խողիողելու, սպաննելու իրենց անծանօթ եղբայրները . . .
Գացին՝ հայրենասիրութեան զրահը հաղած . . . Հայրենա-
սիրութեան կապանքներով շղթայուած . . .

Ու անոնց մայրերը արծաթափայլ աստղ մը կախեցին
իրենց տուներու պատուհաններէն՝ իւրաքանչիւր մեկնող զին-
ուորի համար . . . Քանի մը ամիս վերջ՝ արծաթափայլ աստ-
ղերէն շատ շատեր փոխուեցան սոկեգոյն աստղերու . . .

* * *

Ճեպընթացի արագասահ վաղքը դադրած էր՝ Ֆրէզ-
նոյէն գրեթէ երկու հարիւր մզոն հեռու՝ Օքէնտի մօտ ու շո-
գենաւը՝ քանի մը ժամէն՝ կանդ կ'առնէր նորահաւաք զինուոր-
ներու կայանի մը առջեւ։ Մըկ-Տառու ամրոցի բժշկական եւ
այլն քննութիւններու ենթարկուելէ վերը՝ Երուանդ ինքինք
կը գտնէր զինուորական համազգեստին մէջ։

Իր ժամանումէն միայն չորս օր յետոյ՝ Երուանդ հեռագիր մը ստացաւ Ատրինէն՝ հետեւեալ բովանդակութեամբ. «Մի՛ գրեր. սպասէ՛ նոր հասցէիս»:

Երեք օր վերջ՝ Երուանդ հետեւեալ նամակը ստացաւ Ստաքառնէն.

Յուլիս 22, 1918

Անուշիկ Երուանդ,

Չի կրցայ սպասել աւելի երկար . . . Քու մեկնումի առաջին գիշերը անգուցի. ահաւոր ճնշում մը՝ վայրկեանէ վայրկեան աւելի կը ծանրանար սիրտիս վը-րայ . . . Սաստկաշունչ փոթորկի մը կը ցնցէր ամբողջ էու-թիւնս . . . ու կը զգայի որ լքուած էակ մըն եմ այս աշխար-հի վրայ . . .

Երկրորդ գիշերը կը մօտենար. լանջիս տակ՝ զգա-ցումներուս ովկիանը խսովիլ կը սկսէր նորէն, ու կը զգայի որ թշուառ էակ մըն եմ ամբողջ տիեզերքի մէջ . . .

Երրորդ գիշերը . . . չորրորդ գիշերը . . . ու այս-ոէս վեց գիշերներ, փոթորկայտ'յդ, խոսվալից, վեց տանջող գիշերներ . . . Ու եօթերորդ գիշերը . . . փոթորիկը դադ-րած էր. լանջիս տակ՝ զգացումներուս ովկիանը կը նիրհէր՝ խաղաղ ու հանդարտ . . . եօթերորդ գիշերը . . . լուս-թեան խորհրդաւոր գիրկին մէջ, լանջիս տակ շղթայուած սիրտ մը դտայ . . . Երուանդ, Երուանդ, լանջիս տակ սիրտ մը դտայ՝ սիրտիդ շղթայուած . . . ու չի կրցայ սպասել աւելի երկար . . . հեռացայ այն գժողքէն. հոս եկայ՝ քեզի ա-ւելի մօտ ըլլալու համար. հոս եկայ՝ քեզ տեսնելու միակ յոյ-սով: Ե՞րբ, ա՛հ, Ե՞րբ պիտի կարենամ տեսնել քեզ նորէն . . .

Ա՞ւր ես, Երուանդ, գրէ՛ ինձ, ամբողջ հոգիովս կը բաղձամ տեսնել քեզ: Գրէ ինձ . . . գրէ՛ . . . գրէ՛ թէ ներած ես ինձ . . . Անարժան եմ, այս', անարժան եմ . . . Խարեցին զիս, վախցուցին զիս . . . իսկ այժմ . . . Երբ լուսթեան ծոցը, կեանքի դառնութիւններէն բնկճուած՝ հոգիիդ հետ կ'առանձնանաս սփոփանք մը վնտուելու՝ յիշէ՛, Երուանդ, որ սիրահիւծ սիրտ մը ամէն վայրկեան քեզ համար կը բարա-խի միայն: Ցիշէ՛, յիշէ՛, որ այս քաղաքի մէկ լուռ անկիւնը՝ սիրտիդ շղթայուած սիրտ մը կայ . . .

Կարօտամաչ՝
Ատրինէ

Ատրինէն մոռցած էր իր հասցէն Երուանդին դրկել եւ զէթ քանի մը օր՝ այդ վրեպումի պատճառով՝ նէ հոգեկան ո-գորումներու եւ անորոշութեան մէջ կը տառապէր: Զէր գի-տեր թէ իր հեռագիրն ու նամակը հասած էին Երուանդի ձեռ-քը: Շփոթութիւն մը, շատ բնականորէն, պաշարած էր ներա միտքն ու հոգին, ու նէ փոխանակ բանականութեան թելադը-րութենէն առաջնորդուելու՝ կը տարուրերուէր իր սիրայոյզ զգացումներու վայրկեանական ազգեցութեան ներքեւ: Եւ այդ հոգեկան վիճակի մղումով էր որ, Երեք օր Ստաքառնի իր սեն-հակը սպասելէ վերջ՝ յանկարծ վճռեց զօրանոց երթալ՝ Եր-ուանդ տեսնելու միակ փափաքով:

Գեղեցիկ առաւօտ մը, Երբ արեւի տաքուկ ճառա-գայթները գեռ նոր էին հասած Մըկ-Տառւլ ամրոցը, կին մը, շատ գողգոջուն ու գունաթափ, առանց իր բոլորտիքը դիտե-լու, զօրանոցի գրասենեակին մօտեցաւ, որոշ էր, ծանօթու-թիւն առնելու նպատակով: Քանի մը վայրկեան վերջ՝ նոյն կինը գուրս ելաւ զօրանոցի գրասենեակին, թուղթի կտոր մը ձեռքը բանած: Նէ իր քայլերը դէպի քարափը ուղղեց, հոն արդէն մեկնելու պատրաստ նաւակ մը մտնելով՝ հեռացաւ Մըկ-Տառւլ ամրոցէն՝ դարձեալ գողգոջուն, գարձեալ գունա-

թափ։ Մէկ ժամ վերջ՝ նէ արդէն Պրիսիսիոյ զօրանոցի առջեւ կեցած՝ զինուորի մը հետ հատուկուոր խօսքեր կը փոխանակէր։ մերթ կը ժպտէր, մերթ կը քրքջար՝ կարծես տիրող լոռութիւնը խզելու համար։ իր մարմնական անսովոր շարժումները որոշապէս կը ցուցնէին որ նէ կը գտնուէր յուղուած՝ արտակարգ վիճակի մը մէջ։ Նէ չէր կրնար խօսիլ. զուր տեղ չիդ կ'ընէր՝ մէկ երկու բառ ըսելու իր զգացումներու, իր սիրտի, իր այցելութեան մասին։ Կրկին փորձեց. աչքերը արցունքով լեցուեցան. գլուխը վար կախեց ու դողդոջուն ձայնով մը հարցուց։

- Երուանդ, ստացա՞ծ ես իմ հեռաղիրն ու նամակը։
- Այո՛, ճիշտ ժամանակին։

Ատրինէն երկու ձեռքով երուանդի աջ ձեռքը բոնեց, սեղմեց ամուր մը, շատ ջղայնոտ կերպով, առանց բառ մը խիլ փոխանակելու՝ յանկարծ ձեռքերը իրեն քաշեց, ու արագ քայլերով հեռացաւ զօրանոցին։

Երուանդ տարօրինակ երեւոյթի մը առջեւ կը գտնէր ինքըինք։ Զէր կրնար որոշ նշանակութեան մը հետ կաղել Ատրինէի անսպասելի այցելութիւնը, եւ նամանաւանդ՝ ներայանկարծական բաժնուիլը, առանց որոշ բան մը ըսելու իր այցելութեան մասին։ Նա գեռ միեւնոյն տեղն էր կեցած՝ անշարժ ու լուռ, անորոշ մտածումներու զիրկը, երբ կնոջական ձեռք մը ետեւէն՝ իր ուսին դպտւ։

— Մոոցած էի որ տօնական օր է այսօր եւ զինուորները ազատ են քաղաք իջնելու։ Միասին պտտելու երթանք, Երուանդ։ Թէեւ վերադառնալու տոմսակս գնած եմ, կրնամքանըորս ժամ վերջ մէկնիլ։

— Շա՛տ լաւ, երթանք . . .

Գացին, ինչպէս ուրիշներ, ու խառնուեցան Սան Ֆրանսիլոյի հոծ բազմութեան հետ . . .

Յաջորդ առաւօտ, ժամը վեցին՝ երկաթուղիի կայարանին առջեւ, անոնք բաժնուեցան իրարմէ Ատրինէն Ստաքարն վերադարձաւ. Երուանդ հաղիւ հազ՝ ճիշտ ժամանակին՝ իր չունչը զօրանոցին մէջ քաշեց։

Անոնց մտելմութիւնը օրէ օր աւելի կը սերտանար։ Անոնք ամէն օր իրարմէ նամակ կը ստանային. օրը մէկ, երրեմն երկու նամակ։ Առնուազն շաբաթը մէկ անգամ իրարու կ'այցելէին։ Իրերու ընթացքը շարունակուեցաւ այսպէս, զրեթէ երեք ամիս։ Երուանդ, մինչ այդ ժամանակ, արդէն նարզուած զինուոր մըն էր գարձեր, եւ վաթսուներորդ զօրարաժինի հետ մէկ երկու օրէն ֆրանսա պիտի մեկնէր՝ զինուորի իր պարտականութիւնը կատարելու։ Թէրեւս, ինչպէս շատ շատեր, զինուորի սովորական ճակատագրին արժանանար։ Բայց այդ ճակատագրիը երբէք չէր տանջեր անոր միտքը։ Հայրենասիրութեան փայլուն դաշտավարականը՝ փարատած էր երկչոտութեան ու վախի ամպերը անոր մտածողութեան հորիզոնէն, ու նա անվախ էր ու յանդուզն։ Կեանքը կորսնցուցած էր իր իսկական նշանակութիւնը Երուանդի համար։ Մարդը երեւ տրամաբանելէ կը դադրի եւ ինքզինք զգացական հովի մը զիրկը կը նետէ՝ անկարող կը գտնայ զնահատելու կեանքի իրական արժէքը։ Մանաւանդ պատերազմի դաշտին վրայ, երբ թնդանօթները կը դուռան ու մահը կը պարէ, կեանքը հեղնանք կը դառնայ մտածողի համար . . .

Զինուորական վերին հրամանով՝ 60րդ զօրագունդը Արկօնի ռազմաճակատը զրկուեցաւ 1918-ի Սեպտեմբերին, Հայրենասիրութեան իր բաժին պարտականութիւնը կատարելու, իր եղբայր զինուորները սրածելով՝ խելազարութեան մեծ պարին մէջ . . .

ՓԼՈՒԶՈՒՄԸ

Oh, most delicate fiend!
Who is't can read a woman?

CYMBELINE

Ամիս մը դեռ չէր անցած՝ յաղթանակի գինովութիւն մը սկսաւ տարածուիլ գաշնակիցներու բանակին մէջ. թշնամին ընկճուած կ'երեւնար. զինագաղարը անխուսափելի էր: Խելագարութեան մեծ պարը վերջապէս դագրեցաւ Նոյեմբերին: Հայրենիքի համար, ժողովրդապետութեան համար կը ուղղ հերոսներէն շատ շատեր իրենց հայրենի կառուները չի տեսան այլեւս . . . Հայրենիքի սէրը լաված էր անոնց հոգիները: Բաղդաւոր էին անոնք՝ որ իրենց տուները վերադան:

Այդ բաղդաւորներու մէջ էր նաեւ Երուանդ՝ որ ողջ եւ առողջ տուն կը վերադառնար Դեկտեմբերի վերջերը: Առանց նախապէս իր վերադարձը տեղեկացնելու հեռագրով կամ նամակով՝ Երուանդ ինքինք Պրիստիոյ գօրանոցը կը դանէր նորէն, ու քանի մը օրէն՝ զինուորութենէն արձակուած՝ իրենց տունը:

Երկար ատենէ ի վեր էր որ տիկին Սրբուհին ոեւէ լուր առած չէր Երուանդէն. այս անակնկալ ու անսպասելի վերադարձը հրճուանքով ու Երջանկութեամբ ողողեց անոնց տունը:

Տիկին Սրբուհին, իր զաւակի բացակայութեան չըջանին, չէր մուցած ամէն օր ազօթել իր Աստծուն ու սուրբերուն՝ որ իրենց զահանով պահպանէին Երուանդի կեանքը թշնամիի զընդակէն: Ու երբ առաջին անդամ Երուանդ դեռ իրենց սեմէն ներս չէր կոխած՝ տիկին Սրբուհին անոր վիզը փաթթուեցաւ, Երջանկութեան արցունքները իր աչքերուն մէջ՝ հոգիի խորէն իր կարձ ու կտրուկ ազօթքը մրմնջաց.

— Փա՛ռոք քեզ Աստուած, աղիղ Տիրամէր, որ իմ զաւակը նորէն ինծի դարձուցիք:

Երուանդի բացակայութեան ժամանակաշրջանին՝ Ասրինէն միայն երկու նամակ ստացած էր: Նէ փորձած էր գրել Երուանդին, մէկէ աւելի անդամներ, բայց որոշ հասցէ մը չունենալով, ու մանաւանդ, իրեն միայն յայտնի պատճառներով՝ միշտ ալ յետաձգած էր: Որոշ հասցէ մը չունենալը ինքնին արդարացուցիչ պատճառ նըն էր. սակայն ո'չ Երուանդի եւ ո'չ ալ Ասրինէի համար այդ պատճառը կրնար արդարանալի դառնալ:

Նէ կ'ուզէր գրել. նոյնիսկ քանի մը անդամ գրած նամակը փոխանակ թղթատարին յանձնելու՝ ճեղքած, ոչնչացուցած էր: Ներա հոգեկան դրութիւնը խոռված էր ու այդ հոգեկան վիճակով՝ նէ չէր կրնար իր կարօտը, եթէ կար ուեւէ կարօտ իր սիրտին մէջ տակաւին, Երուանդին ճամբել:

Ասրինէն միայն մէկ շաբաթ կեցած էր Ստաքտըն՝ Երուանդի ֆրանսա մեկնելէն յետոյ: Սան ֆրանսիսկօ միշտ ալ կախարդական հրապոյր մը ունէր ներա երեւակայութեան մէջ. նէ որոշած էր իր բնակութիւնը հոն հաստատել, ու մօտ երկու ամիսներէ ի վեր, յայտնի պանդոկներէն մէկի մէջ սենեակ մը վարձած՝ գոհ կամ դժգոհ՝ այդ բաղմամարդ քաղաքին մէջ ապրած էր:

Օր մը, իր գալէն միայն շաբաթ մը վերջ՝ Երուանդ

Աման ֆրանսիսկօ այցելութեան ելած էր։ Բանուեկ պողոտաներէն մէկի անկիմնը դեռ չի հասած՝ յանկարծ նշմարեց դեռատի կին մը, որ Արքինէին կը նմանէր, երիտասարդ անծանօթ զինուորի մը հետ՝ Սարանդ թատրոնը մտաւ։ Երուանդի սիրալ թունդ ելաւ մէկին։ չէր կրնար հաւատալ իր աշքերուն որոնց խորութեանը մէջ մորմօքիչ վիշտ մը կը սկսէր կծկուիլ։ Ատրինէն էր արգեօ՞ք այն կինը՝ թէ ուրիշ մը։ Կասկած մը, որ վայրկեանէ վայրկեան աւելի տիրական ու մաշիչ կը դառնար Երուանդի հոգիին մէջ՝ ահաւոր թափով մը կը սկսէր ցնցել անոր էութիւնը։ Արգեօ՞ք Ասրինէն էր այն կինը . . . Նէ ի՞նչ զործ ունէր այն անծանօթ զինուորի հետ։ Արգեօ՞ք առաջին անդա՞մն էր որ անոր կ'ընկերանար։ Պէտք էր սպասել եւ ստուգել ամէն ինչ։

Եւ այսպէս, մօտ երեք ժամ, Երուանդ այն թատրոնին առջեւը կեցած՝ ջղայնոտ, վերջին աստիճան գունաթափ, կասկածանքի հոգեմաշ փոթորիկ մը իր զանկին մէջ՝ կը սպասէր . . . «Ո՞ւր մնացին, ինչո՞ւ գուրս չեն դար,» նա իրեն հարց կուտար միշտ։ Արգեօ՞ք Ասրինէն նշմարա՞ծ էր զինք, որ կասկածի տեղի չ'տալու համար՝ դուրս չէր ելլեր։

Ուրիշներ գուրս կ'ելլէին թատրոնին, շատեր ներս կ'երթային, ու Երուանդ տակաւին կը սպասէր։ Ո՞ւր մնացին անոնք։ Այս սպասողական՝ անհանդիստ զիրքին մէջ՝ կարծես նոր վարագոյր մը բացուեցաւ Երուանդի աչքերուն առջեւ։ Թատրոնի դուռը կը բացուէր յանկարծ ու Ասրինէն՝ անծանօթ զինուորին թեւը մտած՝ դուրս կ'ելլէր։ Իր աչքերը խարած չեն զինք. Ասրինէն էր այն կինը . . . Երուանդ զսպեց ինք զինքը եւ բաղմութեան մէջէն անոնց հետեւեցաւ։

Փողոցէ վիողոց անցնելով՝ անոնք կանգ առին Պլազա պանդոկին առջեւ. մէկ երկու վայրկեան քանի մը խօսք եւս վսիսացին, Ասրինէն ներս մտաւ ու անծանօթ զինուորը անցաւ գնաց։ Երուանդ՝ յանկարծական մղումով մը՝ զինուորի

Լուեէն վաղեց եւ կամացուկ մը անոր ուսին դպջնելով իր ձեռք՝ բարեկամական շեշտով մը յարեց։

— Դո՞ւք ալ Յօրդ զօրագունաէն էք . . . Շատո՞նց է որ այս քաղաքը կը գտնուիք . . .

Անծանօթ զինուորը պատասխանեց աւելի խնդուն՝ բարեկամական արտայատութեամբ։

— Միայն չորս օր կ'ընէ որ հոս եմ. Երեկ պիտի մէկնէի ասկէ՝ բայց գեղեցիկ կնոշ մը հետ ծանօթանալով պարասրահի մը մէջ՝ քանի մը օր եւս ուղեցի հոս մնալ՝ ներա ընկերակցութիւնը . . . վայելելու համար։ Ո՞չ, որքա՞ն հաճելի է ներա քով գտնուիլ . . . Թատրոն գացած էինք, ճիշտ քիչ առաջ բաժնուեցանք իրարմէ։ Վաղ առաւօտ միասին պիտի ճաշենք նորէն։

Անծանօթ արկածականդիր զինուորը գեռ շատ բաներ պիտի պատմէր՝ եթէ Երուանդ իր ներքին յուղումը պարտկելու համար՝ չհեռանար անկէ։ Նա իր քայլերը ուղղեց դէպի Պլազա Պանդոկը, եւ չփոթած շեշտով մը հարցուց գրասենեալի պաշտօնեայէն։

— Պիտի կարենայի՞ արգեօք տիկին Մեծիկեանի հետ խօսիլ քանի մը վայրկեան։

— Այդ անունով ո՞չ ոք կ'ապրի այս սպանդոկին մէջ, — ըստ պանդոկի պաշտօնեան մեղմ ձայնով մը։

— Տիկին Մեծիկեան ճիշտ քիչ առաջ ներս մտաւ. վստահ եմ որ սենեակը կը գտնուի։

— Քիչ առաջ ներս մտնողը Մատմաղէլ Պարնիէն էր, կը ներէք, պարոն։

— Շատ լաւ. կընայի՞ Մատմաղէլ Պարնիէն տեսնել քանի մը վայրկեանի համար։

— Կարող էք հեռաձայնով իր հաճութիւնն առնել այդ մասին։

Պանդոկի պաշտօնեան դրասենեակի հեռաձայնը երկ- վայրկեանի մը մէջ 177 թիւ սենեակին միացուց։

— Մատմազէլ Պարնիէ, երիտասարդ մը կուզէ ձեզ հետ խօսիլ հեռաձայնով։ Ահաւասիկ հեռաձայնը, պա- րսն, — առելցուց դրասենեակի պաշտօնեան՝ մէկ կողմ քաշ- սելով։

— Հրլօ՛, Մատմազէլ Պարնիէ, մոոցայ ըսելու որ մեր սրոշած ժամադրութիւնը պիտի լինի Քլինթընի մէջ՝ առաւօտ- ևան ժամը 9-ի առեններ, ևս ձեզ հոն կը սպասեմ միասին նա- խաճաշ ընելու համար։

— Շատ յաւ, Միւսիւ Մը Կորթ, ուրախ եմ որ յիշե- ցուցիք այդ մասին։

Երուանդ հեռաձայնը մէկ կողմ գրաւ ու արագ քայ- լով հեռացաւ Պլազա պանդոկէն։

Յաջորդ առաւօտ՝ դինուոր մը, շատ անհամբեր՝ մէ- կի մը կը սպասէր Քլինթընի առջեւ։ Ժամը ինն էր, երբ զե- սատի կին մը՝ առանց իր չուրջը դիտելու՝ դիմահակ, Քլինթը- նին կը մօտենար։ Նէ աչքերը վեր վերցուց մէկէն ու յանկար- ծակի եկած՝ բացականչեց։

— Երուանդ, Երուանդ, ի՞նչ երազային հանդի- պում . . . Որքա՞ն սիրուն կ'երեւիս այդ համազգեստին մէջ . . .

Ու յանկարծական շարժումով մը՝ նէ փորձեց անոր վէղին փաթթուիլ։ Երուանդ իր գլուխը մէկ կողմ քաշեց, նե- րա ձեռքերը ջղայնոտ կերպով բռնած՝ աչքերը զայրոյթով լե- ցուն՝ ցասկոտ շեշտով մը պոռթկաց։

— Դաւաճա՞ն, դաւաճա՞ն, ուխտադրուժ դաւա-

ճան . . . ո՞վ կը սպասէիր գանել այստեղ . . . կը կարծէիր գուցէ որ ես սպաննուած եմ ու ամբողջ երկու ամիս ո՛չ մի նա- մակ գրեցիր . . . Ո՞ւր էիր երեկ, ըսէ՛, ո՞ւր էիր . . .

— Երուանդ, Երուանդ, անիրաւ տեղ կ'ամբաստա- նես զիս . . . Դուն փոխուած ես . . .

— Այո՛, քեզ հանդէպ ամբողջ հոգիովս վոխուած եմ։

Նա իր ձեռքերը իրեն քաշեց, առանց խորհելու որ Ամրինէն այդ ձեռքերու ոյժին էր կոթնած։ Նէ երերաց մէ- կէն ու մարումի նոպայէն բոհուողի մը պէս՝ ոտքերը սկսան եթուալի եւ ծունկերը յանկարծ դետին առնել։ Նէ սկսաւ անո- րոշ ու բարձր ձիչեր արձակել, հեւալ ու գալարիլ՝ առանց ամբնալու իր չուրջը խոնուող հոծ բազմութենէն։ Երկու ան- ծանօթ գէմքեր Ամրինէն ոտքի հանեցին ու մօտակայ դեղա- րանը փոխադրելով՝ ներա ուշքը, քանի մը վայրկեանէ՝ իրեն վերադրածուցին։ Բանի մը երիտասարդներու խոժոռ նայ- ուածքներուն չ'հանդուրժելով՝ Երուանդ արդէն հեռացած էր այն վայրէն։

Այն դիշեր, ժամը ճիշտ 12-ին, Երուանդ տակաւին արթուն իր սենեակին մէջ, զուուին զանգը հնչեց։ Նա դուրս թռաւ իր սենեակին ու դուռը բացաւ։

— Հեռագիր . . .

Դողդղալէն — շատ անսովոր էր այդ գողը իրեն հա- մար — բացաւ հեռագիրը.

«Պարոն Երուանդ Թորգոմեան, Մատմազէլ Պարնիէն՝ ձեր բարեկամուհին՝ թունաւորեց ինքզինք. ճիշտ հիմա փո- խադրուեցաւ քաղաքիս անմիջական օդնութեան հիւանդանոցը։

Պլազա Պանդոկի Վարիչ՝ Մ. Նօլին»

Երուանդ իր սենեակը քաշուեցաւ նորէն, ինքն իր մէջ, զիշերական խորհրդաւոր լոռոթեան զիրկը՝ սկսաւ խորկալ . . . Երկու ժամ իր անկողնի վրայ երկարելէ յետոյ՝ նա լոնդոստ վեր ցատկեց, կարծես ելեքտրական կոճակի մը սեղմումով, հեռաձայնի անկիւնը վագեց ու սկսաւ հոն՝ պատին կախուած զիրքը բրբրել:

Հինգ վայրկեան վերջ՝ նա իր սենեակը կը դանուէր նորէն, աւելի մտածկոտ, աւելի մռայլ: Ծանրութիւն մը վայրկեանէ վայրկեան աւելի ահաւոր թափով կը ճնշէր անոր սիրտը՝ որու բարախումները երթալով կ'արագանային ծայր աստիճան: Նա ինքն իր դէմ էր որ կը սպայքարէր՝ միս մինակ, ինքն իր մէջ, լսութեան զիրկը: Իր գդացումները, իր սիրտն ու հոգին ընդվզեր էին երեւոյթի մը առջեւ՝ որ խորթ էր իրեն: փոթորկայոյդ ովկիւն մըն էր զարձած անոր էութիւնը, անսանձ ու մոնչոդ: Գլուխը ձեռքերուն մէջ տաած՝ նա կը զալարէր, կը հեւար ու կը մաշէր: Սիրտի ցաւ ունէր նա, սիրտի անբուժելի ցաւ՝ խայթող ու մորմոքիչ:

Գիշերը աւելի կը խորունկնար լոռոթեան խորհրդաւոր զիրկը, ու ինքն իր մէջ պայքարող մարդուն սիրտը աւելի կը ճմլուէր ու կը կծկծար: Որքա՞ն ահաւոր է մարդուն պայքարը՝ երբ ո՛չ ոք կայ իր դէմ . . . միայն ինքը, ինքն իր դէմ է որ կը պայքարի . . . ինքն իր վէրքն է որ կը քրքրէ, կը խորունկցընէ . . .

Այն սեւ, լոին զիշերը՝ սեւ ու լոին ցաւ մը կը կրծէր Երուանդի սիրտը. թունաւոր ու մորմոքիչ վիշտ մը վայրկեանէ վայրկեան աւելի կը խորունկնար անոր սիրտին մէջ . . . Երուանդ սիրտի ցաւ ունէր. սիրտի ցաւ՝ որ անբուժելի է եւ ափեղերական. յուսախարութեան կոկիծ . . . Սիրուհու ձեռով ըդքառուած սիրտ մը՝ արիւն կուլար այն զիշեր . . .

Հեռաձայնի զանգը հնչած էր քանի մը անդամներ, բայց ինքն իր մէջ ամփոփուած մարդը՝ չէր լսած ունէ ձայն:

Զանգը նորէն հնչեց, այս անդամ աւելի երկար, կարծես աւելի զիլ: Երուանդ ընդուստ վեր ցատկեց ու ակնթարթի մը մէջ հեռաձայնին մօտեցաւ.

— Խօսողը Պլազա ողանդոկի վարիչն է: Մատմազէլ Պարնիէլ մասին ես ո՛չ ոքի հեռագրած եմ. նէ ելեկ ձգեց մեր պանդոկը. ուր փոխազգութիւն չենք գիտեր:

Հեռաձայնը դետին ինկաւ Երուանդի ձեռքէն. անողոք հարուած մըն էր որ կ'իջնէր իր արդէն տուայտող սիրտին:

Առաւօտ էր: Խիստ աճապարանքով՝ երիտասարդ զինուոր մը կը փութար հասնիլ իս-Փի կայրանը՝ ուրկէ օրուան տուաջնն ձեպընթացը պիտի չարժէր դէպի Սան Ֆրանսիսկօ: Մէկ ժամ վերջ՝ Երուանդ արդէն Սան Ֆրանսիսկոյի նաւամատոյցը հասած՝ կը փորձէր ասկէ անկէ պէտք եղած տեղեկութիւններ առնել անմիջական օգնութեան հիւանդանոցներու մասին: Ոստիկանի մը ցոյց տուած հասցէի համաձայն՝ Երուանդ քսան վայրկեան վերջ՝ ինքզինք կը գտնէր Սան Ֆրանսիսկոյի անմիջական օգնութեան հիւանդանոցին մէջ: Գրասենեակի պաշտօնեան՝ զրեթէ հինգ վայրկեանի չափ նախորդ օրը բերուած հիւանդներու անուանացանկը ուշագրութեամբ աչքէ անցունելէ յետոյ, մեղմ շեշտով մը յայտնեց.

— Այդ անունով ո՛չ ոք բերուած է հսու երեկ:

Երուանդ կարծես թէ մոոցած էր Պլազա պանդոկի վարիչն հեռաձայնով խօսածը եւ չփութած արասայայտութեամբ կը թախանձէր հիւանդանոցի պաշտօնեային որ կը կին աչքէ անցունէր նախորդ օրուան հիւանդներու անուանացանկը:

— Խնդրեմ, անդամ մըն ալ ուշի ուշով նայեցէք . . . Մատմազէլ Պարնիէլ . . .

— Մատմազէլ Պարնիէլ^o, արձագանդեց խարտիչահեր հիւանդապահուէի մը, — այդ անունը շատ քալցրահունչ է,

շատ ալ ծանօթ . . . Խեղճ աղջիկը, հաղիւ հաղ կրցանք աղա-
տել իր կեանքը . . .

— Բսել է թէ հո՛ս է ինք, — Երուանդ բացականչեց
մէկէն :

Հիւանդապահուհին վերջացնելով իր աչքերու նշանա-
յին խօսակցութիւնը գրասենեակի անտեղեակ պաշտօնեայի
հետ՝ Երուանդին դարձաւ ոտքերու ծայրին վրայ, փոքրիկ ծը-
րար մը երկնցուց անոր եւ հաղիւ լսելի ձայնով մը փափաց .

— Ներփակ հասցէին հետեւէ :

Առանց ուեէ հարց տալու, թէ եւ հազարումէկ հարցեր
կը դառնային իր միտքին մէջ՝ Երուանդ զուրս ելաւ հիւանդա-
նոցէն. ծրարը բացաւ, կարդաց ներփակ հասցէն ու քայլերը
ուղղեց դէպի Ասթօրիա պանդոկը, որ հիւանդանոցէն քան
վայրկեանի հեռաւորութեան մը վրայ կը դանուէր : Նա փո-
խանակ հանրակառքով երթալու՝ նախընտրեց քալել, պարզա-
պէս ժամանակ շահելու նպատակով՝ որպէս զի կարենար լաւ
մը դասաւորել վերջին մէկ երկու օրերու անցուղարձը իր միտ-
քին մէջ :

Նա իր կարծածէն աւելի շուտ հասաւ իրեն արուած
հասցէին տեղը: Տակաւին ներս չի մտած պանդոկէն՝ պլուած
այցետոմս մը վար ձգուեցաւ Երուանդի առջեւ՝ պանդոկի եր-
րորդ յարկի պատուհանէ մը: Նա աչքերը վեր բարձրացուց.
կին մը իր գլուխը ներս քաշեց պատուհանէն յանկարծ: Եր-
ուանդ վերցուց անմիջապէս պլուած այցետոմսը, բացաւ
դգուշութեամբ ու կարդաց. «Անուշիկ Երուանդ, Այս իրիկուն
ժամը վեցին հոս եկուր, միասին կը ճաշենք ու կը տեսնուինք:
Խնդրեմ, թո՛յլ տուր որ ջիղերս հանդստանան քիչ մը: Սեն-
եակի թիւ՝ 364:

Միայն քեզ համար ապրող՝ Ատրինէ »:

Ատրինէի բառերը դողով մը լեցուցին Երուանդի ոիր-
ալ: Նա քանի մը վայրկեան եւս հոն սպասեց՝ առանց որոշ
նոլատակի. Իր վրդովուած զզացումները կը հանդարտէին
զէթ թեթեւորէն՝ Ատրինէի այցետոմսով: Այդ ժամապրու-
թիւնը առժամապէս մոոցնել կուտար միւս անցուղարձերը եւ
Երուանդ տուն վերադարձած՝ կը ոլատրաստուէր ժամը վեցի
այցելութեան համար:

Ատրինէի համար այն ժամաղրութիւնը կենսական նը-
շանակութիւն ունէր. Երուանդ ձեռքէ չի փախցնելու միակ ու
վերջին ծրագիր մըն էր որ նէ այդ իրիկուն իրականացնելու
ոլիտի ջանար՝ առանց նկատի ունենալու հոգեբանական այն
յոոփի ազգեցութիւնը՝ որ յաւիտենական ատող մարդը կրնար
սոեղծել ենթակային մէջ: Ատրինէն ամէն ինչ աչք առած էր.
Նոյնիսկ Երուանդի պատիւը՝ որ ոտնակոխ ոլիտի ըլլար: Ի՞նչ
փոյթ, միայն թէ կարենար իրադորձել իր ծրագիրը՝ առանց
յապաղումի, ճիշտ այդ իրիկուն, Ասթորիա պանդոկին մէջ:

Նէ արդէն պէտք եղած կարգադրութիւնները ըրած էր՝
վերջին երկու օրերու ընթացքին, եւ անհամբեր՝ ժամը վեցի
ստեններ՝ Երուանդին կը սպասէր, որ կարծես կ'ուշանար ճիշտ
ժամանակին հոն գտնուելու: Ատրինէի մտածումներու թելը
կտրուեցաւ մէկէն՝ երբ մէկը իր սենեակին դուռը ծեծեց՝ հա-
զիւ լսելի ճայնով: Դուռը բանալի ու գոցելլ եւ Երուանդին
փաթթուիլը մէկ եղաւ, յանկարծական, չատ քնքոյչ ու թեթեւ
շարժումով մը՝ որ արուեստ մըն է ինքնին՝ կեանքը վայելող
կիներու քով: Երուանդ չընդդիմացաւ այդ վարմունքին. նա
արդէն ամէն ինչ վճռած էր իր միտքին մէջ: Ատրինէի վրայ
կը նայէր նա այժմ բոլորովին տարբեր զզացումներով, տար-
բեր սիրտով: Բայց առանց այդ ալ նէ այդ իրիկուն չատ
դիւթիչ էր, գինովցնող հապոյրը մը կը ախոէր իր չուրջը, ան-
դիմադրելի՝ ծաշեցնող քնքութիւն մը կիսամերկ, մետաք-
ոէ վարդապոյն գիշերազգեստի մը տակ ծմբծիուն ձիւնաթոյր

մարմինի, որու առջեւ ո՛չ մի երիտասարդ սիրտ կրնար բարս-
խիլ՝ առանց արտակարդ ուղղի: Գուցէ Երուանդն ալ այդ դո-
գին բռնուած՝ թոյլ տուաւ որ Ատրինէն իրեն փաթթուի ու
կրքագին համբուրէ իր շրթունքները: Գուցէ այդպէս զգաց
Երուանդն ալ, որովհետեւ նա եւս երիտասարդ էր:

Ատրինէն հոգեկան գոհունակութիւն մը կը զգար Եր-
ուանդի վերաբերմունքն: Ներա ծրագիրը այդ իրիկուն շատ
մէծ յաջունթեամբ յառաջ կ'երթար կարձես: Ճաշը, ամէն
ինչ պատրաստ էր արդէն:

— Ճաշի սկսելէ առաջ՝ ես իր վասվաքէի որ գուն բա-
ցատրէիր քու վերջին երկու օրերու ընթացքը, — Երուանդ
հարցուց յանկարծ, շատ միամիտ կերպով:

Նէ իր աթոռը Երուանդին մօտեցուց, բոնեց անոր
ձեռքը, սկսաւ շոյել զայն: առանց բառ մը արտասանելու՝ ա-
նոր աչքերուն յառեցաւ անփթիթ: արցունքի կաթիլներ՝ հատ
հատ՝ սկսան վար թափիլ ներա այտերէն ու այլեւս անկարող
իր յուղումը պարտիկու՝ նէ գատնօրին վիճակաց յանկարծ:

Լացը մէծ դէնք մըն է, կնոջ արուեստը կատարեալ ըն-
ծայելու համար: Առանց արցունքի՝ իինը շատ քիչ նուանում-
ներ կարող է կատարել: Լացը ակարութեան նշան մը ըլլալէ
աւելի՝ ոյժի անսպառ ազբիւր մըն է կնոջ համար: Ատրինէն
շատ պատշաճօրէն գիտէր զործածել այդ զէնքը: Լացէն յե-
տոյ՝ ներա յուղումը կը դադրէր կարծէս ու լեզուն բացուած՝
կը սկսէր խօսիլ:

— Երանի թէ հոս ըլլայիր այս կէսօրին, որ քեզ ծա-
նօթացնէի պարոն Մեծիկեանի եղրօրորդին. հաւանաբար տե-
սած ես զինք ասկէ առաջ . . . ինք եւս Յօրդ գօրագունտի զին-
ուորներէն է . . . Անցեալ օրուան պատահարը տեղի պիտի
չունենար՝ եթէ թոյլ տայիր ինձ ամէն ինչ բացատրելու . . .
Երուանդ, հոգին, կեանքը ո՛չ մի արժէք կը ներկայացնէ ինձ՝

առանց քեզի: Ես քեզ համար է միայն որ կը չնչեմ. դուն ես
իմ յոյսը, երկար տարիներու իմ երազը: Առանց այդ երազին՝
կեանքը ոչնչութիւն է ինձ համար, ո՛չ, ես չեմ կրնար ապրիլ
առանց քեզի: Բոէ՛ ինձ, Երուանդ, երբ ոլիտի կարենանք միշտ
միասին ըլլալ, միեւնոյն յարկի տակ, մի՛շտ, մի՛շտ մեկտեղ . . .
Ո՛չ, Երուանդ, ներէ ինձ երեկուան հեռազրի համար. իմ տա-
ռապող սէրն էր, որ ուղեց փորձել քեզ. այժմ արդէն ամէն ինչ
արեւի պէս պայծառ է ինծիթ. ես սիսալած էի իմ ենթադրու-
թեանս մէջ . . . Ո՛չ ոք կարող է իւլէ քեզ ինձմէ. դո՛ւն իմս
ես եւ ես քուկող եմ. Ասսուածն խոկ անկարող է բաժնել մեղ
իրարմէ . . . Վերցո՛ւր գինիի բաժակը, խմԵնք մեր մէծ ե-
րազի, մեր մաքուր սէրի, մէր Երջանկութեան համար . . .

Եւ գինիի երկու բաժակները իրարու զարնուեցան.
խմեցին անոնք հողէ դաշխուրանի կարմիր զինիէն. բաժակ-
ները նորէն իրարու զարնուեցան՝ սենեակը լեցնելով աւելի զիլ
ձայնով, խմեցին անոնք . . . Բաժակները նորէն իրարու զար-
նուեցան, խմեցին անոնք . . . Եւ կեանքը կարծես իր ամ-
բողջ նշանակութեամբ՝ թեթեւնալ կը սկսէր. զինովցնող մո-
ռացում մը կ'իջնէր անոնց միաբերուն վրայ . . . Գողարիկ
երազի մը վարագոյրը զեռ նոր էր բացուեր անոնց աչքերուն
առջեւ, զինիի հետանքէն՝ զիրկ զիրկի կօրօրուէին անոնք՝
երբ յանկարծ սենեակին դուռը ծեծուեցաւ: Անոնք վեր ցատ-
կեցին իրենց տեղէն, շուարած՝ առանց զիտնալու թէ ինչ
պէտք էր ընել: Դուռը կրկին ծեծուեցաւ, այս անզամ աւելի
ամուր: Սարսափ մը կարծես սկսաւ տարածուիլ անոնց հո-
գիներուն մէջ. հազիւ հազ կրնային վափսալ իրարու: Ատրի-
նէն յանկարծ գուոին մօտեցաւ:

— Ի՞նչ կ'ուզէք, — նէ հարցուց զողով մը:

— Բացէ՛ք գուուր:

Ատրինէն առանց դառնալու Երուանդին՝ որ կը փոր-

ձէր իր սկավուռքով ու շարժումներով ես կեցնել զինք դուռը բանալէ, մէկէն դուռը բացաւ :

Երկու մարդիկ, անձրեւանոցներու մէջ վաթթուած՝ ներս մտան : Դուռը գոցուեցաւ նորէն : Անոնք մէկ կողմ ներացին իրենց անձրեւանոցները ու տակաւին առանց բառ մը արտասանելու՝ անսնցմէ մէկր, որ առաջնորդող միտքը կը թուէր ըլլալ՝ կարծես ապահովցնելու համար իրենց ո՛վ ըլլալու մասին՝ իր բաճկոնը ցուցուց, ասող մը կար հոն : Նա իր զրապանէն թուղթի կտոր մը հանեց՝ որու վրայ քանի մը առուններ կային դրուած :

— Երուանդ Թորգոմնան է ձ՛ր անունը, այնպէս չէ՞ . խկ դուք Ատրինէ Մեծիկեան կը կոչուիք, ուրիշ անունով՝ Մատմաղէլ Պարնիէ :

Ոստիկանը քննական ակնարկ մը նետեց Երուանդի վրայ եւ երկու վայրկեանի լուսութենէ յետոյ՝ շարունակեց կը սուկ ու խիստ շեշտով մը .

— Դուք դիտէք անչուշտ, որ ձեր այս ընթացքը դէմ է քաղաքիս օրէնքներուն . մէնք կ'ուղենք եւ որոշած ենք մաքուր քաղաք մը ունենալ . խստօրէն կը պատժենք բոլոր անոնք՝ որ յամառօրէն կ'ուղեն ոտնակոխ բնել այս քաղաքի օրէնքները :

Ոստիկանը իր ձայնը իջեցուց . նորէն քննական ակնարկ մը նետեց Երուանդի վրայ՝ որ կարծես իր տեղը քարացած՝ կը սպասէր այս անսակնկալ պատահարի վճռական վախճանին : Նա շարունակեց .

— Մենք այս կարդի խնդիրներ շատ անդամ փոխադամ համաձայնութեամբ կը կարգադրենք՝ առանց մամուլի մէջ անտեղի ու անպատուարեր տարածայնութիւններու դուռը բանալու : Շատ շատեր, գտնուելով ձեր դրութեան մէջ՝ երջանիկ ընտանիքներ կազմած են, պարզապէս անսալով մէր այս թելադրութեան : Զեր անունները մամուլի մէջ պիտի չ'երեւ-

նան . Ժողովուրդը, մասնաւորաբար ձեր ազգականներն ու բարեկամները, ոչինչ պիտի դիտնան ձեր այս ընթացքի մասին . . . Դուք պիտի չ'սափութիք բանտը առաջնորդուելու ևթէ միայն գրաւոր կերպով մեղ երաշխաւորէք որ վաղը ձեր ամուսնութեան արտօնագիրը պիտի առնէք :

Երուանդ երկար շունչ մը քաշեց ու Ատրինէին դարձաց իր պապ՝ բայց խորհրդաւոր նախուածքը : Նէ փորձեց իր աչքերը պահել Երուանդէն՝ որ կրնար կարդալ անոնց խորը դանուող գաղտնիքը եւ վիճումի մատնել ներա այնքան յանդուգն՝ բայց եւ անսպատուարեր ծրագիրը : Ոստիկանը իր խօսքը այս անդամ միայն Երուանդին ուղղեց .

— Ի՞նչ է ձեր կարծիքը, պարոն . Համաձա՞յն էք որ այս խնդիրը կարդագրուի մեր թելադրութեան համեմատ :

— Ո՛չ, ես չեմ կարող բոնի ամուսնութեան ենթարկուիլ : Ներկայ տնտեսական պայմաններու ներքեւ՝ ամուսնութիւնը ինձ համար անյաջողութեան ու շարիքի աղբիւր մը պիտի դառնայ : Ես տակաւին իմ դիմուքը որոշած չեմ կեանքի մէջ . Համալսարանական դասընթացքս դեռ չ'մ վերջացուցած . ամուսնանալը չարիք մը պիտի լինի թէ՛ ինձ եւ թէ՛ ներա համար :

— Գործի մասին ահճոգ եղէք . մէնք շատ դիւրութեամբ կրնանք գործ հայթայթել ձեզի : Վստահ ենք որ ձեր տիկինը սիրայօժար կերպով պիտի գործէ ժամանակի մը համար՝ մինչեւ որ դուք ձեր համալսարանական դասընթացքը լրացնէք : Այնպէս չէ՞ , տիկին :

Ատրինէն չի պատասխանեց խօսքով . միայն գլուխի շարժումով իր հաւանութիւնը յայտնեց :

— Կը տեսնէ՞ք, պարոն, տիկինը յօժար է ձեզ հետ ամուսնանալու . դուք հպարտ գտալու էք ներա անձնութիւններան համար : Ի՞նչ է ձեր վերջնական պատասխանը :

— Մենք արդէն տուինք մեր վերջնական պատասխանը : Դուք չէք կարող մեզ բոնի կերպով ամուսնացնել, — պատասխանեց Երուանդ, այս անգամ աւելի յանդուգն չեշտով մը :

— Շատ լաւ . ուրեմն կ'ուղէք որ ձեր այս ընթացքը նկարագրուի մամուլի մէջ . ձեր նկարները թերթերու էջերը զարդարեն ու դուք ալ առաջնորդուիք դէպի բանալը : Շատ լաւ, մեր առջեւ անցէք, — յարեց սստիկանը խրոխտ ձայնով մը՝ Երուանդի թեւէն բոնած :

— Ո՛չ, ո՛չ, — ճաց Ատրինէն սարսափահար, բանտի անունը լսելով :

— Դուք չէ՛ք ուղեր անսալ մեր թելաղըութեան . բանալն է ձեր հանդուտավայրը . քալեցէ՛ք :

Ատրինէն սուր ճիչ մը արձակեց ու դետին ինկաւ, կարծես մարումի նոպային բանուողի մը պէս : Երկու սստիկանները, Երուանդի թեւէն բոնած՝ դուրս ելան սենեակին ու իրենց ինքնաշարժով՝ որ պանդոկի առջեւը կը կենար՝ շարժըւցան դէպի սստիկանական դլիսաւը կայանը, ուր կը գըտնըէր նաեւ Սան Ֆրանսիսկոյի բանտը :

Ինքնաշարժի մէջ՝ առաջնորդով սստիկանը սկսաւ բիրտ լեզու գործածել ու սպանալիքներ կարդալ Երուանդին : Եիւս սստիկանը, անոր հակառակ, քաղցրութեամբ կը ջանար համողել Երուանդ որ իրենց թելաղըութեան անսար ու դուռ չի բանար մամուլի խեղաթիւրիչ տարածայնութիւններուն, որոնք կրնային անյաջողութեան դատապարտել իր տապադայ դործունէութիւնները, զինք երեսէ ձգելով իր աղդականներէն ու բարեկամներէն :

Տասը վայրկեանէն՝ ինքնաշարժ մը կեցաւ սստիկանական կայանին առջեւ . Երեք հոգի դուրս ելան անկէ ու Երկու վայրկեանէն՝ սենեակէ սենեակ անցնելով՝ անոնք կանդ առին տեղ մը, որ տարբեր ուղղութեամբ՝ Երեք սենեակներու կ'ա-

սաջնորդէր : Քանի մը բոոպէի լուսութենէ յետոյ՝ առաջնորդող սստիկանը նորէն փորձեց համոզել Երուանդ՝ որ յայտնապէս մեծ անորոշութեան մը մէջ կը գտնէր ինքպինք :

— Սիրելի պարոն, ձեր չահը կը պահանջէ որ դուք ձետեւիք մեր թելաղըութեան : Երկու համբայ կայ ձեր առաջնու կամ այն է որ դուք պիտի ամուսնանաք վազը տիկին Մեծիկեանի հետ, Երջանիկ ընտանիք մը կազմէք եւ կամ այն է որ դուք ճիշտ հիմա բանտի մէկ խուցը պիտի առաջնորդուիք ու մամուլի տարածայնութիւններով՝ ձեր ապագան ոտնակոխ պիտի ընէք : Ընարկեցէք Երկուքն մէկը : — Եւ աւելի մեղմ ու բարեկամակոն չեշտով մը, — Եթէ ինծի լսէք, դուք կ'ընտրէք առաջինը, եւ քաջ Երիտասարդի մը պէս իլլ պաշտպանէք ձեզ սիրող կողջ մը պատիւր :

Երուանդի միտքին մէջ յանկարծ լոյս մը փայլատակեց . նա սկսաւ հարց տալ իրեն թէ ինչո՞ւ Ատրինէն իր սենեակը մնաց, սստիկանական կայանը չ'առաջնորդուեցաւ իրեն հետ . չէ՞ որ նէ ալ նոյնքան մեղսակից էր այն յանցանքին . . . Երուանդ լուրջ կերպով սկսաւ կասկածիլ . . . սա եւս Ատրինէի մէկ խաղն է : Ու առանց վարանումի, շատ համարձակ կերպով՝ նա պատասխանեց .

— Ես համաձայն եմ ամուսնանալու տիկին Մեծիկեանի հետ այն պայմանով որ ինծի տասնըհինգ օր ժամանակ տաք որպէս զի կարենամ հարսնիքի պէտք եղած կարգադրութիւնները տեսնել :

— Ապրիք, քաջ եղէք այդպէս :

Հինգ վայրկեանէն՝ սստիկանը համաձայնագիր մը ներկայացուց Երուանդին՝ ստորագրելու համար : «Ես, Երուանդ թորգոմեան, կը խոստանամ ամուսնանալ տիկին Ատրինէ Մեծիկեանի հետ՝ թուականէս տասնըհինգ օր վերջ :» Երուանդ ստորագրեց այն թուղթը . աճապարանքով հեռացաւ

սոստիկանական կայանէն և ժամը տասերկուքին արդէն իր սենեակը կը դանուէր :

Նա չի կրցաւ քնանալ այն գիշեր՝ իր հոգեկան խոռվագի պատճառով : Կեանքի յուսախարութեան փոթորկիը կը տանջէր անոր երեւակայութինը՝ կնատեաց մարդը ստեղծելով անոր հոգիին մէջ : Նա կը սկսէր ատել կին ըսուած արարածը, նամանաւանդ Ատրինէն՝ որու մասին մասձելն անզամ զգուանք կը պատճառէր իր դդացումներուն : Նա իր հոգիի զառնութինը՝ զոր յուսախարութեան կոկին էր կերտած՝ ամենասուր բառերով կը փորձէր զրի առնել այն գիշեր, եւ որպէս իր վերջին խօսք՝ Ատրինէին դրկել :

Յաջորդ առաւօտ՝ նա աճապարանքով դուրս ելաւ առնէն եւ քանի մը վայրկեան վերջ արդէն թղթատարին էր յանձնած իր նամակը :

Ճիշտ միեւնոյն օրը, կէսօրէն վերջ, թղթատարին յանձնուած նամակը հասաւ Ատրինէի ձեռքը : Նէ բացաւ նամակը զգուչութեամբ ու սկսաւ կարդալ զայն՝ առանց ձայնի :

«Անոր՝ որ խորտակեց իմ մեծ երազը,

Յուսախարութեան կոկին մէջ զալարուն՝ կը փորձէմ իմ վերջին խօսքը գրել անոր՝ որ կախարդական ժպիտով ինծի ժօնեցաւ ու դիւթեց իմ սիրով՝ գեղեցիկ երազի մը գողուիկ հեռապատկերով . . . Կը գրեմ անոր՝ որ տաքուկ համրոյներով իմ երիտասարդ հոգին շղթայեց՝ ամրակուռ կապանքներով : Կը գրեմ անոր՝ որ սէր խոստացաւ ինձ ու իր առանձնութեան կարօտի գիշերները՝ արցունքով լուսցուց . . . Ո՞ւր, ըսէ՛ ինձ, ո՞ւր մնաց քու ժպիտը, ո՞ւր մնաց քու համբոյը, ո՞ւր մնաց քու սէրը . . . Քու ժպիտով, քու համբոյը ու քու սէրով՝ կեանքիս գերագոյն երազը հիւսեցիր . նոյն ժպիտով, համբոյը ու սէրով՝ դո՛ւն, անդո՛ւթ, անդո՛ւթ կին, խորտակեցիր իմ երազը . . . Կեղծ էր քու ժպիտը . խա-

բող՝ քու համբոյը . թունաւոր՝ քու սէրը . . . ըսէ՛, ըսէ՛, ինչո՞ւ խարեցիր զիս, ինչո՞ւ խորտակեցիր իմ սիրով : Ա՛չ, զուն չե՛ս զիտեր, զուն եւս խարուած ես . զուն եւս՝ խորտակուած . . . Ա՛չ, զուն չես զիտեր . զուն քու ժպիտով, քու համբոյը, քու սէրով՝ քու զերեզմանն ես փորած . . . Դուն այլեւս մեռած մըն ես ինձ համար . . . »

Ու նամակը ներա ձեռքէն զետին ինկաւ : Ներա չիզերը թունալ սկսան . նէ հազիւ ինքդինք մահձակալին վրայ ձգեց : Նէ կը դողար կարծես մահացու հարուածի մը ահաւոր ցաւին ներքեւ ու բովէական փղձկումներով՝ կուլար, զառնօրէն կուլար : Սեւ խաւար մը կարծես կ'իջնէր ներա աչքերուն ու կեանքի զեղեցկութինները սեւ պատանքներով կը սկսէին փաթթուիլ : Իր երազներու զողարիկ զղեակն էր որ կը փլչէր . նէ աղեխարչ արցունքներով՝ իր կեանքի փլուղումը կուլար . . .

Նէ չորս ժամ իր մահիձին վրայ երկարած՝ կուլար ու կը հեւար շարունակ՝ երբ մէկը յանկարծ զուռը ծեծեց ու ներա մտաւ : Տարիքոտ կին մը, որ քովի սենեակը կը գրաւէր, լուրզ Ատրինէի լացն ու կոծը, զալարումն ու հեւանքը, կը փութար մխիթարական քանի մը խօսքով սիովիկուն ներա խոսված զգացումները : Ո՛չ մի մխիթարութիւն կրնար սփովել ներա սիրար : Նէ անյոյս կ'երեւնար : Անծանօթ կինը անմիջապէս պանդոկի վարիչին տեղեկացուց Ատրինէի յուսալքուած վիճակը՝ որ վայրկեանէ վայրկեան աւելի կը ծանրանար :

Հինգ վայրկեան վերջ՝ բժիշկ մը կը փորձէր ներա վիզիքարէս քայքայուած վիճակի պատճառը հասկնալ :

— Զիղերը քայքայուած են . բժշկական խնամքի պէտք ունի . . . Մօտակայ հիւանդանոց մը փոխադրեցէք զինք :

Կէս զիշեր էր, երբ Ատրինէն իր տչքերը բացաւ Սան ծիրանսիսկոյի քաղաքային ձրի հիւանդանոցին մէջ : Նէ իր չուրջը նայեցաւ . . . Գթութեան քոյր մը հարցուց մէղմօրէն .

— Բան մը կ'ուզէի՞ք:
Ասրինէն միայն քրքջաց :

* * *

Ասրինէի թուլցած չիղերը, պէթ թևթեւօրէն, կը
սկսէին կազդուրուիլ օրէ օր: Հիւանդանոցի վերահսկիչը,
միայն հինգ օր վերջ՝ կը տեղեկացնէր անոր որ ներա առողջա-
կան վիճակը բնականոն է արդէն, և այդ կարգի հիւանդներ
աւելի երկար չեն պահուիր հիւանդանոցի մէջ:

Սակայն, որպէս իրականութիւն, Ասրինէի քայլայ-
ուած չիղերը կազդուրուած չեն տակաւին. նէ դեռ կը տա-
ռապէր իր քայլայուած չիղերու ազգեցութեան ներքեւ. ներա
հեծեանքն ու հեւանդը գեռ կը շարունակուէին, մերթ աւելի
զօրաւոր, ու մերթ աւելի թոյլ թափով:

Դժուար թէ այնքան կարձ ժամանակի մը մէջ, կնոջ
մը քայլայուած չիղերը ստանային իրենց բնականոն վիճակը:
Բայց ի՞նչ կարելի էր ընել՝ երբ հիւանդանոցի վերահսկիչը,
երկար տարիներու փորձաւու թիշկ, այդպէս էր կարգադրած:
Առանց այլեւայլի, նէ պէտք էր հեռանար հիւանդանոցէն՝
տակաւին թոյլ, հիւանդագին, անբնականոն վիճակի մէջ: Ո՞ւր
պիտի երթար. որո՞ւ դուռը պիտի ծեծէր. ո՞չ տուն ունէր, ո՞չ
տեղ: Իր սենեակի երկու օրուան վարձը վճարած չէր տա-
կաւին: Երկու շաբթուան վարձք պարտական էր Պլազա պան-
դոկին: Ո՞ւր պիտի երթար, որո՞ւ դուռը պիտի ծեծէր՝ տ-
անց դրամի . . . Այս խորհուրդներով բեռնաւորուած՝ կին

մը, վոքրիկ ոլայուսակ մը ձեռքը բոնած կը հեռանար Սան-
ցրանսիսկոյի քաղաքային ձրի հիւանդանոցէն:

Իրիկուն էր. վոզոցէ վոզոց անցնելով՝ նէ ինքինք կը
դանէր չէնքի մը առջեւ, որու թիւը դժուարութեամբ կարելի
էր կարգալ, զի դուսին ճիշտ վերը կախուած ելեքտրական
լոյսը շատ ազօտ էր: Վարանումով՝ նէ ներս մտաւ ու հազիւ-
լուկի ձայնով մը հարցուց պանդոկի վարիչն:

— Պարսն Մըկ Կորթ այստե՞ղ է տակաւին:

— Ո՞չ, քանի մը օր առաջ մեկնեցաւ այս քաղաքէն:

Այս պատասխանը կարծես հարուածի մը ազգեցու-
թիւնը թողուց Ասրինէի արդէն յուսալքուած հոգիին վրայ:

Նէ դուրս ելու պանդոկին, առանց գիտնալու թէ իր
քայլերը ո՞ւր պիտի առաջնորդէին զինք: Հաղիւ թէ երկու
կամ երեք վոզոցէ անցած էր՝ երբ անծանօթ մէկը, յայտնա-
ուէս ներս քայլերուն հետեւելով, կը փորձէր խօսիլ ներա հետ:

— Կը թուի թէ շատ առանձին կը դդաք, — անծանօթ
ձայն մը Ասրինէին հասաւ:

Նէ անծանօթին դարձուց իր դէմքը. չի պատասխա-
նեց, միայն փոքրիկ ժպիտ մը ցոլաց ներա աչքերուն խորը:
Անծանօթ ձայնը, կամաց կամաց, կը սկսէր ծանօթ դառնալ
ու երկու ստուերներ՝ մութին մէջէն՝ կանյայտանային վայր-
կեանէ վայրկեան:

Ամէն գիշեր, Սան Ֆրանսիսկոյի մթաստուեր վոզոց-
ներէն մէկի վրայ, կին մը, առանց որոշ ժամադրութեան՝ կը
սպասէր անծանօթ մէկի մը, որ այս կամ այն անկիւնէն դուրս
պիտի ելլէր շուտով . . . կին մը, շատ շատերու պէս՝ իր բաղ-
դը փողոցին էր կապած . . . :

Հէ՞ք Ասրինէ . . . Տասը տարի առաջ այն դժբաղդ
հայրենիքի մէջ՝ լաւ թէ վատ՝ օր մը կուշտ օր մը անօթի,
բայց միշտ զուարթ ու երջանիկ իր հարազատ մայրիկի գուր-

գուրանքը կը վայելէր : Դպրոցական կայտառ աղջկէ մըն էր տակաւին՝ երբ վաս օր մը՝ իր հարազատ մայրիկը անծանօթ րազդի մը կապեց ներա ծաղիկ կեանքը : Ուրիշ չատ չատերու պէս՝ նէ եւս զոհ կը դասնար պատկերի մը, որ դոյութիւն չունէր, նէ եւս Ամերիկա կուզար ու իր թարմ, աւիւնով ու խանդով տողուոն կեանքը՝ Մարկոս Մեծիկեանի արդէն ուժասպառ, բեկրներուն, անխանդ ու անաւեւն կեանքին կը լծէր : Նէ երիտասարդ էր՝ զգացումներով, տարիքով, կեանքը վայելած չէր տակաւին . Մարկոս Մեծիկեան ծեր էր, զգացումներով, տարիքով, իր կեանքը ապրած էր արդէն : Նէ իր նոր միջավայրի մէջ՝ ծանօթացաւ չատ չատերու՝ որոնք տեսքով ու տարիքով, զգացումներով ու երեւակայութեամբ աւելի հը բարութիչ էին քան Մարկոս Մեծիկեան, աւելի հաճոյք կը սղատառէին իրեն, նոր երազներու դինովութիւնը կը սրսկէին իր թարմ ու խանդակառ հոգիին մէջ : Մարկոս Մեծիկեանն էր սուզծած այդ միջավայրը Ատրինէի համար՝ առանց մըսածելու որ այդ միջավայրը կրնար իմունաւորիլ իր կնոջ զգացումները : Նէ առաջին առիթով իսկ թունաւորուած էր՝ Մեծիկեանի սուզծած միջավայրին մէջ : Քանի՛, քանի՛ երիտասարդ րարեկամներ, ներա գեղեցկութենէն տարուած՝ անոնց տունին բոլորսիքը կը յածէին : Նա ներս կ'առնէր զանոնք՝ պարզապէս իր երիտասարդ կնոջ երիտասարդ զգացումները հանցացնելու համար : Ատրինէն կը սկսէր վայելել կեանքը, ու այդ վայելքներու մէջ՝ ոտնակոխ ընել երիտասարդ սիրտեր : Ներա սուքը սահած էր արդէն, օր մը, չարաբաստիկ օր մը՝ ներա սուքը տունէն դուրս սահեցաւ բոլորովին ու նէ այլեւս չ'վերադարձաւ տուն : Նէ լքեց իր էրիկը, իր զոհերու ետեւէն վազեց, ու այժմ ինք դարձաւ ամենամեծ զոհը . . .

Հէ՞ք Ատրինէ, տասը տարի վերջ՝ այդ ի՞նչ բարդի էր որ ուզեցիր կապել քու կեանքը . . . Ո՞չ, զուն չէիր պատճառը այդ կեանքին . . . Դուն եւս զոհ մըն ես, ուրիշներու կարգին՝ այս ցաւագար աշխարհի ընկերային ու անտեսական անարդար ու դժոխային կարգերուն ներքեւ . . . :

ԹԱԳՆՈՒԱԾ ԿԱՅԾԵՐ

Այն օրէն ի վեր՝ երբ երուանդ, սպառնալիքի ներքեւ, սպորագրած էր Ատրինէի հետ կապուելու խոստմագիրը՝ երեք տարիներ էին անցած : Ո՞չ ոք հետամուտ եղած էր այն խոստմագիրը՝ իր ժամանակին իրականացնելու : Ատրինէն եր այդ ցնորական՝ յանդուզն ծրագրով վերջ կուտար իր տարիներու երազին՝ որ միայն երազ մնալու սահմանուած էր : Այն երազին հետ՝ նէ եւս, մըրիկէն խորտակուած նաւակի մը պէս՝ կը տարութերուէր կեանքի փոթորկայոյզ ովկիանին մէջ, անդեկ, անյոյս ու աննպատակ :

Երուանդի համար կեանքը նոր երեւոյթներու հեռապատկերը կը բանար : Առաջին առիթով իսկ՝ նա իր համալսարանական աշխատանքին կը լծուէր, որպէս զի օր առաջ, որքան չուտ որ կարելի էր, կարենար աւարտել իր կէս թողած համալսարանական դասընթացքը : Երկու ու կէս տարի վերջ՝ նա իր վկայականը կը ստանար Քալիֆորնիոյ Համալսարանէն : Այժմ նա բոլորովին տարբեր մարդ մըն էր գարձած : Իր գաղափարները, իր խոչալները, կեանքի մասին իր ունեցած տեսակէտները հիմնովին փոխուած էին : Նոր անհատականութիւն մը, նոր նկարագիր մըն էր ձուլուած երուանդի մէջ՝ վերջին երկու ու կէս տարիներու ընթացքին : Միայն մէկ բացառութեամբ՝ նա փոխուած կ'երեւնար ամէն կերպով : Անոր սիրտը տակաւին նոյն սիրտն էր . անոր հոգեկան աշխարհը դեռ չէր փոխուած : Երուանդ նոյնն էր սիրտով՝ ինչ որ էր

Եօթը տարիներ առաջ՝ տակաւին իր ոտքը չի դրած Սմերիկայի հողին վրայ:

Նա կը կարծէր որ վոխուած էր սիրտով՝ երբ առաջին անդամ Ատրինէին կը հանդիպէր: Իր մտերմութիւնը ներս հետ՝ պահ մը կարծես մոռացութեան մոխիրներուն տակ կը թաղէր այն խանձոր կրակը՝ որ երեք տարի շարունակ կերած էր իր սիրտը, այնքան կանուխ, զեռ տասնըլեց տարու պատահի մը: Նա կը վորձէր խարել ինքզինք՝ որ իր սիրտը նոր էր. նոր սէր ունէր Ատրինէի հանդէպ: Տնփանք, միայն տոսկանք զգացած էր նա իր նոր միջավայրին մէջ: Նա տարուած էր Ատրինէի գեղեցկութենէն ո՛չ թէ սէրով, այլ այն նոր միջավայրի իր մէջ ստեղծած աղդեցութիւններով: Նա չէր կընար սէր զգալ Ատրինէի հանդէպ, զի Աշխէնի սէրը արդէն լափած էր անոր սիրտը . . . Մարդ միայն մէկ անդամ կը սիրէ . . . Կայ միայն մէկ սէր, առաջին սէրը . . . :

Այդ առաջին այրող սէրն էր որ այժմ, Եօթը վոթորկայոյդ տարիներ յետոյ, անջնջելի յիշատակներու բրդացած մոխրակոյտին մէջէն՝ փիւնիկի մը պէս դէպի կեանք կը վազէր, Երուանդի յուսալքուած սիրտին կ'իշխէր . . . Եւ զուցէ իր հոգեկան ոգորումները մեղմացնելու զգացումով եւ կամ անբացատրելի ոյժի մը դրդումով՝ Երուանդ կը փափաքէր գիտնալ թէ ո՞ւր կը գտնուէր Աշխէն, այն քարուքանդ հայրենիքի ո՞ր մէկ անկիւնն էր նետուած նէ՝ ուրիշ բաղմահաղար բեկորներու հետ . . .

Երուանդ քանի մը նամակներ գրած էր իր դասլնիկրներուն, 1915-ի քստմնելի տարագրութենէն վերջ, բայց ո՞չ մի պատասխան ստացած էր: Տեղահանութեան արիւնոտ ճանապարհին՝ անհետացեր էին շատ շատեր, եւ Երուանդ կը մըտածէր որ զուցէ Աշխէն եւս այն զոհերու շարքին մէջ կը զոնուէր . . .

Բայց այդ կասկածանքը, թէ Աշխէն եւս զոհ մըն էր

դարձած թրքական եաթաղանին, չատ չ'անցած կը փարատուէր անսպասելի նամակով մը՝ գրուած Երուանդի ամենամտերիմ զասընկերով կողմէն: Իր ազատումի եւ տարագրութեան պատմութենէն վերջ, Երուանդի գասլնկերը յիշած էր իր նամակին վերջը որ ինք կարձ ժամանակ առաջ, դիպուածով, հանդիպած էր Աշխէնին՝ Երեւանի մէջ:

Աշխէնի ողջութեան լուրը կուղար նոր ու երջանիկ կեանքի մը հեռապատկերը ուրուազելու Երուանդի հոգիին մէջ: Նէ ողջ էլ այդ լուրը ինքնին բաւ էր հին յիշատակներու բուրումնաւէտ պարակզին մէջ պատցնելու Երուանդի երազուն սիրտը՝ ժամերով, օրերով . . . թէեւ հինդ հաղար մզոններու հեռաւորութիւն մը կը զատէր զինք Աշխէնին, Երուանդի կարծես թէ կը զգար որ ներա սիրտը իրեն համար կը բարախէր. ներա գողարիկ ժակիտը, որ եօթը տարիներ առաջ յոյսի ցոլքեր մաղած էր իր հոգիին մէջ, այժմ եւս, հինդ հաղար մը զոններու միջոցը կտրելով՝ ամէն օր Երուանդի յիշողութեան մէջ կը բացուէր՝ Մայիսի քնքոյշ վարդի մը պէս . . .

Որքա՞ն ուրախ ու երջանիկ էր Երուանդ, որ Աշխէն կ'ապրէր տակաւին. որ Աշխէն կը չնչէր տակաւին. որ Աշխէն կը ժպտէր տակաւին՝ Եօթը տարիներու բրդացած խաւարին մէջէն, հինդ հաղար մզոններու հեռաւորութեան վրայ . . .

* * *

Աշխէն մոռցած չէր Երուանդը. այն օրէն ի վեր երբ Երուանդ ձգած հեռացած էր իր հայրենիքէն, ներա հոգին միւնոյն թափով շարունակած էր բարախիլ Երուանդի համար: Նէ սիրած էր Երուանդը եւ անոր սէրը իր հետն էր պատցուցած՝ 1915-ի տեղահանութեան խաչելութեան օրերուն. Եւ

այժմ, Եօթը տարինելու տարագրութենէն վերջ, ներա սիրուը տակաւին միեւնոյն կրակով կը տուչորէր . . . Երուանդն էր ներա սիրտին իշխողը: Բայց իրմէ զատ, ո'չ ոք գիտէր իր սիրտին գաղտնիքը: Ո'չ ոքի յայտնած էր իր սէրը. ո'չ ոքի բացած էր իր սիրտը: Եօթը տարի շարունակ՝ ներա սիրուը բարախած էր Երուանդի համար եւ Երուանդ ո'չինչ գիտէր այդ մասին: Եօթը տարի շարունակ — ամէն մէկ տարի որպէս մէկ ամրակուռ օղակ — նէ դարբնած էր անխորտակելի շղթայ մը՝ իր սէրի անշէջ կրակին մէջ, ու այդ շղթայով շղթայած էր ինքինքը Երուանդին . . .

Տարագրութեան չարաբաստիկ պայմանները չէին կըրցած ընկճել ներա քնքոյշ հոգին. բայց սիրատոչոր տարիներու ընթացքին՝ նէ կամաց կամաց նիհարցեր էր. տեսակ մը նուրբ դալկութիւն սկսած էր տարածութիւն ներա դիւթիչ դէմքին վրայ, ու օրէ օր, նէ կը զդար իր սիրտին ու հոգիին մաշումը . . .

Ու այդ մաշումին թափը, անակնկալ լուրի մը վրայ, սկսաւ աւելի սաստկանալ: Երուանդի գասլնկերը, ճիշդ այդ օրերուն, բացիկով մը Աշխէնին կը յայտնէր որ Երուանդ այժմ կալիֆօրնիոյ Համալսարանին մէջ բժշկական ուսունող է եւ կը հետաքրքրութիւն ներա վիճակով: Այդ լուրը կարծես նոր կենունակութիւն սրսկեց Աշխէնի սիրտին մէջ, ու այդ օրէն ի վեր, նէ որոշեց կերպով մը հազորդակցութեան մտնել իր սիրածին հետ, որու հասցէն դժբաղդաբար չունէր:

Այն անսպասելի բացիկը կուզար նոր ընթացք տալու Աշխէնի կեանքին: Նոր յոյս մը կը սկսէր ցոլալ ներա հոգիին խորը եւ ներա սէրը օրէ օր, աւելի կը սաստկանար, աւելի կը տանջէր ու կայլէր ներա քնքոյշ սիրտը . . . Սէրի փոթորկ կայոյդ ովկիսան մըն էր դարձած ներա ամբողջ էութիւնը, ու ներա նուրը, դալուկ ու նիհար մարմինը՝ այլեւս չէր կրնար տոկալ իր կարօտի ցնցումներուն . . . Ու Աշխէն, չարաբաս-

աիկ առաւօտ մը, ա՛յնքան թոյլ ու անոյժ կը զգար, որ չի կրցաւ վեր ելլեւ, իր անկողինին դամուած մնաց:

Երկու օր վերջ, Աշխէն տակաւին իր անկողին մէջ, բժիշկ մը կանչուեցաւ՝ ներա առողջական վիճակը քննելու համար: Մանրակրկիտ քննութենէ մը վերջ, բժիշկը բան մը չի կրցաւ հասկնալ ներա վիճակէն, անցաւ գնաց:

Ցաջորդ օրը Աշխէնի վիճակը աւելի կը գէշնար. անոր տաքութեան աստիճանը չափէն աւելի անդասկանոն էր: Նէ կը սկսէր իր հիւանդութեան նոր փուրէ մը անցնիլ: Նոպայէ մը բոնուողի մը պէս՝ յաճախ կը հեւար ու կը խօսէր ինքնիրեն:

Ցաջորդ օրը ուրիշ բժիշկ մը կանչուեցաւ: Նա եւս մանրակրկիտ քննութեան ենթարկեց Աշխէնի հիւանդագին մարմինը:

— Վախճալու ո'չինչ կայ. օրիսրդը այս ցլջանի մէջ նոր մուտք գտնող հիւանդութենէ մըն է որ բոնուած է: Քանի մը օրէն ոտքի կ'ելլէ. մտահոգուելու ո'չինչ ունիք:

Բժիշկը դեղիկը մը տուաւ, ու անցաւ գնաց:

Բայց Աշխէնի վիճակը՝ փոխանակ լաւնալու՝ աւելի կը ծանրանար: Հինգ օր տեղին չէր կրցած չարժիլ. բան մը չէր կրնար ուտել, եւ բժիշկները որոշ գաղափար մը չէին տար թէ ի՞նչ է ներա հիւանդութիւնը:

Հինգերորդ գիշերը ներա վիճակը չափէն աւելի ծանր էր. կը փորձէր խօսիլ ինքնիրեն, բայց կարծես լեզուն փակուելը էր ու բերանը չէր բացուեր . . .

Այդ միեւնոյն գիշերը ուրիշ բժիշկ մը կանչուեցաւ. այս մասնագէտ բժիշկը եւս քննութեան ենթարկեց Աշխէնի հիւանդ մարմինը, եւ գառնալով ներա ծնողքին՝ յայտնեց հաստական չեշտով մը.

— Օրիորդի վիճակը ծանր է . անմիջապէս պէտք է հեռացնել զինք այս քաղաքէն . կլիմայի փոփոխութեան պէտք ունի :

Այդ միեւնոյն գիշերն էր, գեռ չէր լուսցած, երբ Աշխնի մայրն ու քոյրը, որոնք հիւանդապահուհիի դեր կը կատարէին, ձայնի մը վրայ՝ մէկէն արթնցան իրենց առաւօտեան մրափէն . անմիջապէս հասկցան որ Աշխնն էր ինքնիրեն խօսողը . . .

— Որքա՞ն սիրուն կ'իրեւիս րժշկական համազգեստիդ մէջ . . . Ե՞րբ վերագարձար . . . Ո՞ւր էիր . . . Ինձի մօտեցի՛ր . . . Զեռքդ ինձի երկարէ . . . Ինչո՞ւ չես մօտենար . . . Երուա՞նդ . . . Երբ ու ուրա՞նդ . . .

Աշխնի մայրը անմիջապէս հասկցաւ իր աղջկան հիւանդութեան պատճառը : Նէ վերյիշեց Երուանդի նամակը, որ եօթը տարի առաջ Աշխնն իրեն տուած էր : Նէ հասկցաւ որ իր սիրասուն աղջնակը Երուանդի սէրէն էր որ կը տառապէր, հաւ ու մաշ կ'ըլլար . . .

Բժիշկի հրահանգին անսալով, Աշխնի հայրը, որ վահառականութեամբ կը զբաղէր Երեւանի մէջ, անմիջապէս կարգադրեց իր առեւտրական հաշիւները, եւ հինգ օրէն արդէն պատրաստ էր, Աշխնի եւ իր քրոջ հետ Պոլիս մեկնելու :

Այդ հինգ օրերու պատրաստութեան լնթացքին, Աշխնի հիւանդութիւնը, անբացարելիօրէն՝ կը հեռանար եւ նէ, թէեւ քիչ մը թոյլ՝ արդէն ոտքի էր ելած եւ կը պատրաստուէր ճամբորգութեան համար :

* * *

Վոսկորի գեղածիծաղ Երկնակամարին ներքեւ, Աշ-

խն օրէ օր, աւելի կը կազդուրուէր, թէեւ իր դէմքի այն նուրբ տժգունութիւնը կը պահէր տակաւին : Երկու ամիս վերջ՝ նէ բոլորովին կազդուրուած կ'երեւնար :

Պոլիս հասնելէն երկու շաբաթ վերջ, Աշխնի հայրը նոր հազուստեղինի վաճառատուն մը գնեց՝ ինքոինքը զբաղած պահէլու համար : Նա միայն վեց ամիս շաբունակեց այդ գործը . տեսնելով որ առեւտրարը երթալով կը պակսի եւ գործին մէջ գուրսէ աւելորդ ձեռքեր կան, վաճառատունը կորուսոով ծախեց, գուրս ելաւ :

Այդ վեց ամսուան շրջանին, անոնք բարեկամներու եւ ծանօթներու մտերմիկ շրջանակ մը ստեղծած էին արդէն եւ կարծես թէ տասը տարիներէ ի վեր Պոլիս առլրած էին, չէին ուղեր բաժնուիլ անկէ :

Այդ ատենն էր որ գեղադէմ երիտասարդ մը Աշխնի ճեռքը իննդրած էր : Հայրը եւ քոյրը համաձայն էին որ Աշխն ամուսնանար այն երիտասարդին հետ : Բայց, ինչպէս Երեւանի մէջ մերժած էր ուրիշ երկու երիտասարդներու ամուսնական առաջարկը, այժմ եւս, Պոլսոյ մէջ, նէ կտրուկ կերպով կը պատասխանէր .

— Ես չեմ ամուսնանար . ես չեմ ամուսնանար : Իմ սիրու արդէն շղթայուած է . . . Ես ուխտած եմ գտնել իմ պանդուխտ սէրը եւ անոր հետ կազուիլ . . .

Աշխնի քոյրը, որ երեք տարի աւելի մեծ էր, գուր տեղ կը ջանար համոզել իր քոյրը որ մոռնար իր մանկական երազները, հաշտուէր ներկայ իրականութեան հետ, եւ ձեռքէ չի փախցներ այն գեղադէմ երիտասարդը :

— Քոյրիկ, գուն ամուսնացիր անոր հետ . . . Ես ուխտած եմ իմ սիրոյ ետեւէն երթալ . . . Հանդիսա պիտի չունենամ՝ մինչեւ որ չի գտնեմ Երուանդս . . .

— Շա՛տ բարի, Աշխեն. Եկո՛ւր ուրեմն ծրագրենք թէ
ի՞նչպէս կրնանք գտնել Երուանդը:

Յաջորդ օրն իսկ, բարեկամի մը միջոցով, որ Պոլսոյ «Ժողովուրդի Զայն-Ժամանակ» օրաթերթին կը գործէր, հետեւեալ ազդը Երեւաւ նոյն թերթին մէջ.

«Կր փնտռուի, Երուանդ Թորդոմեան, որ Կալիֆորնիա կը գտնուի. իր հասցէն զիտցողը թող բարի ըլլայ ինձի զրկելու, «Ժողովուրդի Զայն-Ժամանակ»-ի հասցէով:

Մ. Թ. Շահինեան»

«Ժողովուրդի Զայն-Ժամանակ» Կալիֆորնիա հասնելուն պէս, միեւնոյն շաբթուան թիւով, «Ասպարէզ»ի մէջ Երեւաւ նոյն ազդը:

Երուանդին անծանօթ էր Շահինեան անունը, բայց հետաքրքրութենէ մզուած՝ նա դրկեց իր հասցէն Երկառողով մը, յիշեալ թերթի հասցէով:

Միայն քսան օր վերջ, Երուանդ ստացաւ հետեւեալ Երկառողը.

«Սիրէլի Երուանդ Թորդոմեան,

Շնորհակալութիւններ ձեր հասցէի առաքման համար: Շուտով շատ կարեւոր եւ թանկագին նամակ մը պիտի ստանաք:

Բարեւներով՝
Մ. Թ. Շահինեան»

Հետաքրքրութեան զգացումը օրէ օր աւելի կը իսունկնար Երուանդի միտքին մէջ: Զէր կրնար հասկնալ թէ ինչո՞ւ Շահինեան չէր յայտնած իր Երկառողին մէջ զինք փըմտուելուն պատճառը. ընդհակառակը, անոր Երկառողը կուգար Երուանդի մտավիճակը խոռվելու եւ անտանելի սպասումի մը մատնելու՝ անոր արդէն անհամքեր հետաքրքրութիւնը: Զէր կրնար հասկնալ թէ ուրիհո՞ «Շատ կարեւոր եւ թանկագին նամակ մը» պիտի ստանար: Պոլսոյ մէջ ո՛չ մի բարեկամ կամ ազգական ունէր: Սաշափը անշուշտ հաւանական կը թուէր իրեն — իր ազգականներէն քանիներ, որոնք տարագրուած էին Կովկաս, հաւանաբար Պոլիս կը զանուէին այժմ, եւ կ'ուզէին իր հասցէն գիտնալ:

Այս խորհուրդներով լեցուն էր իր միտքը, եւ իր համբերութիւնն ալ Երթալով կը հասնէր, Երբ Շահինեանի Երկառողը ստանալէն միայն հինգ օր վերջ, նա ստացաւ Աշխենի առաջին նամակը:

Երուանդ կարդաց ներա առաջին նամակը՝ որ տասը սարի վերջ, 1921-ի Գարնան, կուղար պատասխանելու իր գըրած տուաջին նամակին . . . Նա չէր կրնար հաւտալ իր աչքերուն որ Աշխենի ձեռքով գրուած, ներա առաջին նամակն էր որ կը կարդար . . . Նա կը կարծէր որ երեւակայական խարկանք մըն էր այդ նամակը:

Ի՞նչ հին յիշատակներ, սէրի ու տառապանքի ի՞նչ զդայացունց վայրկեաններ չարթնցուց Աշխենի առաջին նամակը Երուանդի փոթորկայոյլ հոգիին մէջ . . .

Առաջին անգամն էր, որ 1911-ի գարնան իր գրած նամակին պատասխանն ունէր իր գոզգոջուն ձեռքերուն մէջ՝ տասը տարի վերջ . . . Ի՞նչ հոյակապ հրաշք . . .

Նամակը տակաւին իր ձեռքերուն մէջ, Երուանդի սիրտը յանկարծ անդիմազելի ցնցում մը զգաց . . . Արցունքի կաթիլներ սկսան իր աչքերը թրջել, ու նա, անմեղունակ ման-

կիկի մը պէս, իր հոգիի ուրախութենէն, իր տառապող, իր չորչարուած, իր շղթայուած սէրի հետ առանձին՝ կուլար ու կը հեկեկար . . . Փառապանծ հրաշքի մը գեղեցկութեան առջեւն էր որ Երուանդ կ'արտասուէր արդ օր . . .

Աշխէն իր առաջին նամակով՝ զրկած էր նաեւ իր նըկարը։ Ամէն անդամ որ Երուանդ կը փորձէր ներա նկարը դիտել, կարօտի անընթանի ալիք մը իր սիրուը կը խուժէր ու կը ցնցէր իր համակ էութիւնը։

Հո՞ն, իր սենեակին մէջ միայնակ, Աշխէնի առաջին նամակին ու նկարը սեղանի վրայ, Երուանդ, տասը տարի վերջ, իր սիրտի յոյզերը գրի կ'առնէր՝ Աշխէնին դրկելու։

Մայիս 14, 1921
Պըրքի, Կալիֆորնիա

Իմ Անդին Աշխէն,

Ութը տարիներու հալածական լոռութենէ մը յետոյ է որ կը փորձեմ գրելու անոր՝ որու մանկական ճաքուր հոգին՝ պատանեկան սէրիս խորանը դարձաւ ամբողջ երեք տարի . . . Այդ մաքուր, այդ պաշտելի սէրին էր, որ-բանաստեղծութեան բագինին առաջնորդեց զիս՝ յոյսի ու կարօտի երգեր մրմնջալու . . . Ամբողջ երեք տարիներ, ես իմ մէջս միալէ յետոյ՝ այն նուիրական հուրը կուսական անմեղ հոգիիդ մէջ բաղացի բոնկցնել . . . Մէկ տարի շարունակ, մէր հայրենիքի լուսնկայ գիշերները սպասումի կարօտահիւծ սիրտիս տրտում զարկերը ապրեցան . . . Լոռութեան, քարացած լոռութեան խարակներուն կը բաղկէր սիրտս . . .

Սպասումի այդ վիճակը միայն քայքայումի կրնար տանիլ զիս, ու այդ էր պատճառը որ զիս այս հեռաւոր ափունքները ձգեցի։ Գուցէ պատմութիւնը նոր թուի քեղի.

այս՝, նոր է այն, սակայն աղեխարչ ու հոգեցունց վերյիշում մըն է այն ինձ համար։ Յուսախարութիւն տրտմութիւն մը կը ծանրանար հոգիիս վրայ՝ երր 1913-ին հեռացայ հայրենիքն։ սիրտ մըն էր որ կ'արիւնէր . . . — Գուցէ այդ իսկ ճակատագրական բաղդաւորութեան մը տեսիլն ունէր իր մէջ . . .

Սիրելի՛ Աշխէն, ութը տարիներու ահաւոր լոռութիւնը պատուելով՝ այն քաղցրիկ օրերու ածխնացած սիրոյ թրթումներն են որ հոգիիս կ'արձագանգեն . . . Այն գողարիկ թրթումները՝ այսօր առաւել քան երբէք՝ ուժգնօրէն կը բաղեսին իմ տրտմաթախիծ հոգիիս ու ներս կը խուժեն՝ նոր յոյսի, նոր ապրումներու յորդառատ հեղեղ մը տարածելով ամբողջ էութեանս մէջ . . .

Անհուն հրճուանքով լեցուեցաւ սիրտս՝ երբ նկարդտեսայ։ Նայուածքներս աչքերուդ ջինջ երկինքին մէջ խորասոյզ՝ կարօտավառ շուրթերս ակամայ՝ կուսական շուրթերուդ մօտեցան. ա՞հ, առաջին համրոյրն էր որ կը քաղէի շուրթերէդ . . . Որքա՞ն դողաց սիրտս. ի՞նչ սարսուռ էր այն՝ որ գեռ կը ցնցէ համակ էութիւնս . . .

Ու այսպէս, կը գրեմ նորէն . . . սիրայոյզ հոգիս խորասուզուած աչքերուդ, անմեղունակ աչքերուդ գեղածիծաղ երկինքը, եւ կարօտահիւծ սիրտս սիրտիդ մօտեցուցած, իմ տանջուա'ծ, իմ շղթայուա'ծ, իմ անգի՛ն Աշխէն, գրիը դողդոյուն ձեռքիս մէջ՝ կը փորձեմ կարօտի այս նամակը գրել։ Կարօտի՛ նամակ . . . Կարօտի անաւարտ վէտս է որ կ'ուզեմ գրել քեղի, քեղի՛, որ տասը տարիներ առաջ մայսեան բուրումնաւէտ վարդի մը պէս սիրտիս պարտէզին մէջ վիթթեցար . . . Սէրիս անաւարտ վէտս է որ կը բաղձամ պատմել քեղի, այսօ՛ր, տասը տարիներ յետոյ . . .

Բայց գրիչը կարծես կանդ կ'առնէ . . . Հոգիս կը բաղձայ օր առաջ քեղ տեսնել . . . Եկո՛ւր, Եկո՛ւր, իմ պաշտելի Աշխէն. Եկո՛ւր, իմ չարչարուա'ծ Սէր . . . Որքա՞ն տա-

ուսպեցաբ միս մինակ . . . Եկուր ու հանգչիր սիրատոչոր
սիրտիս մօտ, ու միասին, միշտ միասի՞ն, նոր արշալոյներու,
նոր գարուններու դիմովութիւնը ապրինք . . .

Կարօտի տաքուկ համբոյրով՝

Երուանդ

* * *


Երկու ամիս վերջ՝ հեռագիր մը կ'աւետէր Երուան-
դին, որ Աշխէն Նիւ Եղբար նաւամատոյցն է հասած, եւ չորս
օրէն՝ Պըրքլի պիտի ժամանի:

Չորս օր վերջ, ճիշդ որոշուած ժամանակին, առա-
ւոտեան ժամը 10-ին, ճեղլնթաց մը կանդ կ'առնէր Պըրքլիի
երկաթուղիի կայարանը: Երուանդ դիմաւորելու գացած էր
Աշխէնին: Գիրկընդիսանումէ մը վերջ՝ Երուանդ եւ Աշխէն
դուրս կ'ելլէին ճեղլնթացէն եւ տասը վայրկեան յետոյ, ինք-
նաշարժով մը, իրենց բնակավայրը կը գտնուէին:

Յաջորդ օրն իսկ, Երուանդ եւ Աշխէն, դատաւորի մը
ներկայութեան, կ'ուխտէին ապրիլ որպէս այր եւ կին:

Դուք ըսէք, դուք պատմեցէք, Արեւ, Լուսին ու Աստ-
ղեր, թէ որքա՞ն երջանիկ էին անոնք—Երուանդ եւ Աշխէն . . . :





ՀՀ Ազգային գրադարան



NL0342255

33705

829

ԳԻՆ՝ ՄԵԿ ՏՕԼԱՐ
